





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4775/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4775/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4775/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4775/A

4766 (2)

D. THEO-  
PHRASTI PARA-  
CELSI CHIRURGIA VVL-  
*nerum, cum recentium, tum veterum,*  
*ocultorum & manifestorum*  
*Ulcerum, &c.*

CVI LIBRI DVO, PRIOR  
de Contracturis: de Apostematibus, Sy-  
ronibus & Nodis alter, accesserunt, per in-  
terna & externa medicamenta cu-  
ram eorum veram con-  
tinentes.

EX GERARDI DORN  
*è Germanico in Latinum*  
*versione.*

BASILEAE,  
APVD PETRVM PERNAM.

Inv. No. 8659/16

GEN  
1788  
Egou  
1788



GENÉROSÍSSIMO  
SVMMEQVB NOBILI D.  
Egenolpho, Domino in Rapoltz-  
stein, Hohenack, & Geroltz-  
eck ad Vuassichin, &c.

Salus.



VVM doctissimi viri  
Medici D. Theophrasti  
Paracelsi Chirurgiam è  
Germanico in Latinum  
sermonem vertissem: animaduerti plu-  
rimos eorū qui nihil intactum relinque-  
re, nec approbare, quod non fecerint ipsi,  
neq<sup>3</sup> se penes aliquem admittere solent;  
non defuturos vt vel minimam occasio-  
nem rodendi, vel carpendi saltem qua-  
rant, quod lacerare nequibūt. Quamob-  
rem opus protectore mihi fore, maximè  
putaui. Cumq<sup>3</sup> diu satis animo reuoluis-  
sem atq<sup>3</sup> pensitassem, cui nam inter Ma-  
gnates hosce labores meos (licet exiguos)  
nuncupare vellem, qui bonas artes opti-

)( 2



# P R A E F A T I O.

*mè commendatas haberet. Inter plurimos incidit in mentem excellentissima tua Celsitas, quæ promouendis omnis generis laudabilibus artibus candide relucet. Hinc etiam factum est, ut confusus de sua maxima benignitate, rudem hanc meam translationem, at fidelem, sub umbræ suarum alarum in lucem audeam dare. Non sine causa quidem, libros tam excellentis viri Germani suscepi vertendos. Nam existentem in Gallia me rogaverunt plurimi doctissimiq; viri, qui iudicium de rebus excellentioribus facere norunt optimum, ut (quia nonnullos antea traduxissem) alios quotquot ad manus meas pervenirent, etiam verterem, quo sua tanti Gallia thesauri foret particeps. Ego quòd viderem exteros hunc hominem ob singularem & inauditam hætenus doctrinam eius extollere, ut etiam Germaniæ decus eū vocarent: & ex ad-*  
*verso*



# P R A E F A T I O.

uerso considerare, propriam istius viri  
tam rari patriam, eum & sapientiam  
eius contemnere: minus facere quid po-  
tui, quàm rogatus etiã deferre quod spre-  
tum immeritò cernerem, eò videlicet vbi  
summo haberetur in pretio, tum amicis  
in officio tam honesto morem gerere? Nil  
enim potius optant post Gallos Belgicae  
nationes, ac aliae plurimae, quàm istius  
viri scripta legere posse, ac intelligere,  
quòd trecentos & sexaginta plus minus  
Germanicos libros in omni scientiarum  
genere conscripsisset omnes, prater Lati-  
nos aliquot. Postquam honestis istis labo-  
ribus insudassem aliquandiu, cœperunt  
eorum nonnulli qui partem eius adhuc  
tenent, increpare me plurimum, & post  
tergus alij minari, quòd priuatum iri se  
crederent, si lucem in suis regionibus or-  
tam aspicerent aliae nationes. Verùm,  
quia rem altius perpēdissem, vtpote lau-



## P R A E F A T I O.

dem Germaniae futuram & immortale decus, ubi totus orbis terrarum nouerit eam ceteros inter produxisse virum, qualem antea humanis in artibus vix videre licuit. Minus eorum qui sibi solis bene fore cupiunt, & soli quæstû inde facere nituntur, vix flocci fecerim: & alacri progressus animo, bonû quod ipsi reliquis inuidet omnibus, pro viribus meis, non de meo, sed ex Paracelsi thesauris exponam. Si male tamen eos habeat me traducere, quod forte putent rudiori stylo vel nudius quàm ferre valeant hoc fieri, traducant ipsi, modo fideliter, ego manum de tabella retraham. At nisi fidelius id faciant, quàm videmus nonnullos eorum, ad quorum Libri Paracelsici manus peruenerunt, edere Germanica, mutila quæque scilicet prorsumquæ deprauata, retinentes ea sibi quæ nucleum istius doctrinæ continent,

&



## P R A E F A T I O.

& corticem emittentes, ab utroque po-  
 tius abstineant. Et nisi Reipublicæ  
 quærant utilitatem, hosce conatus alijs  
 minimè perturbent. Hæc à me dicta  
 sunt, quod perceperim aliquos eorum,  
 qui Paracelsicæ doctrinæ professionem  
 faciunt, furtivè Libros istius excellen-  
 tissimi viri, non sub eius, sed sub suo no-  
 mine, quod flagitiosum potius quàm sic  
 ambitiosum, edidisse: plerosque alios, qui  
 scripta nondum edita, deque muro,  
 quo Paracelsus ante mortem inopina-  
 tam, vel potius acceleratam, conclusa  
 fuerant, post eam eruta cautelosè ni-  
 mium, & surrepta sic publicare typis, ut  
 omne quod artem apertè nudeq; docet,  
 eximant, sibi que servant: quo post mor-  
 tem, Gentilium instar, laudem parèt, &  
 quæstum in vita plurimum. At faciāt  
 quod possint, opinione vanissima hac fru-  
 strabuntur, cū hætenus per Paracelsum



# PRÆFATIO.

adhuc vita fruentem, & per alios probos viros & sinceros, tot extent istius doctrinae monumenta, quæ sufficiant ad istarum technas vulpium detegendum: etsi (prout inceperunt) ordinem & stylum inuertant. Nil siquidē impiè patratum, quod inultum sit, aut maneat occultum. Eius rei patuit exemplar à paucis mensibus euidentissimum, quo quidem inflatus vter (cuius nomini parco) iactās omnia Paracelsi monumenta se habere, necnon intelligere, scholia quædam sordida in aliquot libros ausus est perperam scribere, stulteq; magis quàm temerè discipulos Theophrasti Paracelsi, præter æquitatem omnem reprehendere. Quid inde? propriam inscitiam patefecit his, qui vel tantillum ea doctrina sunt imbuti: qui etiam apertissimè scriptis demonstrarunt editis, quòd eos iniustissimè libros foret aggressus. Non aliàs de cæteris futurum



# P R A E F A T I O.

futurum est, quos antea dixi plurimis aliorum parari superbireq<sup>3</sup>, & alijs qui Reipublicæ, hoc ipsum quod etiam non habent, inuidēt. Nam reperiuntur multi, qui scripta detinent istius viri, non tamen intelligunt, nec alios intelligere cupiunt. O diabolica quàm humana potius ingenia, quæ iusticiam in iniusticia detinent, præter Authoris mentem atq<sup>3</sup> sententiam. Quandoquidem ipse muro non concluderat, vte a latere perpetuò ciperet, aut exteris inuideret, imò contrà, vt ad exteros peruenirēt, maximè quòd in patria sua nō, (prout ipsemet fatetur) sed apud exteros vt peregrinus didicisset. Verùm quòd videret margaritam, quam attulerat, ab eis quibus vt æquum est, fauebat, aspernari, voluit etiā abscondere: cupiens vt ad alicuius probi viri manus peruenirent, qui publicaret iterum eorum filijs, à quibus hauserat, aut



## P R A E F A T I O.

alijs quibus suis nationibus. Nec vsq<sup>3</sup> adeò  
frustratus est opinione sua. Quoniam ab  
extraneis hoc tempore maximè celebra-  
tur, & indies magis, quanto latius eius  
monumenta traducuntur. Hæc est occa-  
sio cur versionis eorū Librorum prouin-  
ciam susceperim, etsi meis viribus impa-  
rem. Sat mihi fuerit alijsq<sup>3</sup>, ( præsertim  
quòd nemo alius id facere curret ) si saltē  
quæ stylo rudi, quanto fidelius potui, tra-  
duxi, valeant intelligere. Poterunt orna-  
re qui melius me norunt, vbi iam intelle-  
xerint. Istius igitur tã docti viri scripto-  
rum protector fore ne dedigneris, excel-  
lentissime generosissimeq<sup>3</sup> Domine, simul  
& meæ versionis, vt in Medicina tandē  
prout in alijs emergere valeat ipsa veri-  
tas. Fæliciter viue, & in annos pluri-  
mos vale.

Excellentissimæ T. C.

Seruulus

Gerardus Dorn.

I N D E X.



INDEX CAPITVM CHIRURGIÆ PARACELSICÆ.

- D**e prima vulnerum inspectione. pag. 1  
Signa quæ in vulneribus maxime cognoscenda sunt. 3  
Qua via rationeq; vulnus curari debeat. Quid nam sit quod curet, quid perdat, & quid naturale sit balsamum in omnibus corporis membris. 5  
De vulneribus quæ morti sunt obnoxia, vel non: aut in contracturam sui membri tendentia. 9  
De his quæ Chirurgo metuenda sunt in vulneribus, &c. 9  
De vulneribus recentibus, & vtraque medicina sua deprauatis, cum eorum demonstratione, quæ mortalia sunt, aut saltem periculosa. 12  
De glarea vulnerum. 17  
De vulnerum accidentibus & temporibus, & coelestium cursibus expressis & alijs incidentijs. 18  
De morbis occultis in corpore, è quibus cæcri, fistulæ, lupi, frigida calidaque nascuntur vredines. 20  
De vulneribus infectis venenato ferro, vel



# I N D E X.

<i>similibus armis incussis.</i>	23
<i>De illis deprauationibus, quæ propria fiunt vulneratorum petulantia.</i>	26
<i>De natura &amp; proprietate accidentium quæ ex ægrorum propria natura &amp; complexio ne procedunt.</i>	28
<i>De vulneribus quæ possunt in mulieribus of- ferri sese menstruis permiscensibus.</i>	30
<i>De signis in vulneribus &amp; vulneratis appa- rentibus.</i>	31
<i>De vulneribus deprauatis.</i>	35
<i>De futura vulnerum, &amp; eius usu.</i>	35
<i>De ligaturis primis, medijs &amp; postremis.</i>	37
<i>De morbis qui ex vulnerum conclusorum cu- ris oriuntur.</i>	39
<i>De quibusdam in particularibus vulneribus animaduertendis.</i>	41
<i>De medicamentis, artibus receptis, per quæ vulnera curantur.</i>	42
<i>De regimine quod à vulneratis obseruandum est.</i>	43
<i>De obstructione alui, eiectione per os, &amp; vri- næ defectu, vulneratis aliquando contin- gentibus.</i>	46
<i>De præparationibus medicamentorum.</i>	47
<i>De præparationibus vulneralium ciborum &amp;</i>	



# I N D E X.

<i>&amp; potuum.</i>	49
<i>De ijsdem antiquis &amp; recentioribus.</i>	53
<i>De præparationibus vnguentorum vulnera-</i> <i>lium.</i>	57
<i>De præparationibus oleorũ &amp; balsamorum</i> <i>vulneralium.</i>	61
<i>De curatione vulnerũ per ea quæ munda cõ-</i> <i>seruant illa.</i>	65
<i>De præparationibus vulneralium vnguento-</i> <i>rum, &amp; eorũ admirãdis operationibus.</i>	67
<i>De pulueribus fodiciones &amp; vulnera quæ-</i> <i>uis curantibus.</i>	72
<i>De sublimatis atq; destillatis mirabiliter vul-</i> <i>nera curantibus.</i>	75
<i>De sanguine sistendo.</i>	76
<i>De repressiõne glarealis aquæ.</i>	81
<i>De propulsatione paroxysmorum à vulneri-</i> <i>bus, &amp; de calculorum ac rupturarum inci-</i> <i>soribus Chirurgis.</i>	82
<i>De medicamentis vtilibus &amp; inutilibus.</i>	85
<i>De conclusionibus vulnerum.</i>	88
<i>De animaduersionibus peculiaribus in fodica-</i> <i>tis vulneribus habendis.</i>	90
<i>De cuspidibus telorum alatis vulneribus ad-</i> <i>huc inhærentibus.</i>	93
<i>De ordine cibi &amp; potus vulneratis adhiben-</i>	



# I N D E X.

dorum & canū rabidorum morsibus.	97
De regimine vulneratorum à morsibus anguium, & aliorum venenati generis animalium.	99.106
De regimine seruādo in rupturis ossium, et sanguine congelato intrinsecus.	100
De dieta regimineque parientium adustiones.	101
De regimine eorum qui frigore congelati sunt.	102
De curis morsuum venenosorum, rupturarum ossium, coagulati sanguinis & gelu.	102.108.110
De combustionibus, ignito ligno, aqua, melle, vel oleo calidis aut pinguedine factis.	112
De adustionibus quæ à metallis liquefactis, sale vel vitriolo excoquendis fiunt.	113
De incendijs à bombardico puluere vel nitro factis.	115
De congelationibus in aqua vel in sicco contingentibus.	116
De cura vlcerum sæuientium.	117
De cura fistularum.	120
De cura vlcerum simul accumulantium.	121
De cura vlcerum emortuorum.	123



# I N D E X.

<i>De cura crurum quæ per se aperiuntur.</i>	125
<i>De cura foetentium Vlcerum.</i>	127
<i>De cura Vlcerum curatu difficilium.</i>	129
<i>De Vlceribus in latum corrodentibus.</i>	131
<i>De cura Vlcerum, quorum Vnum in aliud genus transmutatur.</i>	132
<i>De cura fluxuum corporalium.</i>	133
<i>De generibus Vlcerum &amp; eorum cura.</i>	135
<i>De cura Vlcerum ex propria constellatione.</i>	135
<i>De cura Vlcerum per mundificationem.</i>	136
<i>De cura Vlcerum per calcinata.</i>	137
<i>De cura Vlcerum per corrosiua salia.</i>	139
<i>De cura Vlcerum per balsamum tartari.</i>	143
<i>De cura Vlcerum per oblationem Venarum &amp; neruorum.</i>	145
<i>De cura Vlcerum per vapores aquarum &amp; sudores.</i>	148
<i>De cura Vlcerum per olea destillata, gummi, &amp;c.</i>	150
<i>De cura Vlcerum per naturalia balnea.</i>	153
<i>De cura Vlcerum à tempore.</i>	155
<i>De cura Vlcerum per spara drap.</i>	157
<i>De prima cura morbillorum.</i>	159
<i>De potissimis ingredientibus medicamenta morbillorum.</i>	160

# INDEX.

*De abusibus in medicamento Mercuriali.* 161

*De preparatione Mercurij in Unguentum.*

162

*De fumigatione Mercurij.* 163

*De cura morbillorum.* 164.165.166.169

*De incisionibus.* 167

*De cauterizatione pustularum.* 167

*De ligaturis per rotulas.* 169

FINIS.

*opades* 269/283



I  
CHIRVRGIAE PARA-  
CELSICAE, DE RECEN-  
tibus vulneribus, Tractatus  
primus.

CAPVT I.

*De prima vulnecum affectione.*



Primè necessarium, vt in  
quouis Chirurgo pruden-  
tia, tum ars & experientia  
simul coniunctæ sint, &  
mox atq; vulnus aliquod  
inspexerit, eius optimum  
iudicium faciat curæ, fi-  
nitq;: ne se le temerè iactans ab exordio, plus  
minúsue quàm præstare valeat, polliceatur,  
vel ex natura queat fieri. Verbum omne suum  
ex possibilitate naturæ pōderare debet. Nam  
si quàm ipsa patitur maiora promittat, quo la-  
tius progressus fuerit, eo res verget in dete-  
rius, infamiq; notam incurret non exiguam:  
si verò pauciora, nihilominus quod artis suæ  
nullam habere certitudinem videbitur, de-  
decori sibi fuerit adscribendum. Quapropter  
vtrumq;, scilicet artem atq; naturam æquali-  
ter sibi cognita fore debent, aliàs earum alte-  
ra deficiente, quicquid operabitur, frustra-  
neum nedum erit, verumetiam in ruinam pa-

A



tientis. Nulla ratione cogi se natura permit-  
tit, nec in aliam proprietatem, aut qualitatem  
quàm sibi consentaneam verti. Si remedijs  
itaq; non congruentibus fuerit vsus, labefa-  
ctabit eam. Siquidem est quòd medicus om-  
nis ipsam, & non ipsa medicos vilo modo se-  
quatur. Hæc est ergo summa Chirurgiæ me-  
thodus, vt ea medicamenta nota sint, quæ na-  
turæ proximè conueniunt: quibus etiam co-  
gnitis, curas aggredi quiuis tutò medicus po-  
terit.

Membrum aliquod iectu separatum à cor-  
poris, non potest iterum affigi. Quòd si etiam  
vilo modo fuerit affixum, in pristinum locum  
restitui sine defectu minimè poterit: nec id  
quod ad contracturam alicuius membri, vul-  
neratum. Mortale non est in curâ cum reten-  
tione vitæ suscipiendum, nec omne quod im-  
possibile: nam fatuum foret irrisioneque di-  
gnum.

Disce igitur tu Chirurge, quæ palàm sunt  
oculo tuo cognoscere, quo scias quid ars &  
natura valeant, in hisq; progredere.

Et quanquam practica manualis omni ex  
parte scriptis exprimi non potest, vt sunt vul-  
nerum conclusiones, & similia: nihilominus  
dexteritate propria per assiduam experien-  
tiam habitum contrahente, discito non con-  
tra naturales conclusiones agere, ne monstri  
quid excites præternaturam, aut excrescere  
facias.

*Signa*



## CHIRURGIA.

*Signa quæ in vulneribus maximè cognoscenda sunt.*

**I**gnorare nullo modo Chirurgus debet, quæ bona, quæue mala signa vulnerum existât, & quid accidentis immineat, quid illa significant, vt occurrere valeat indies, & obstare. Quandoquidem si corpus sanum ab accidentibus tutum non sit, quanto minus ægrum. Hæc si non intelligis, ipsum te fallis, perdisq; patientem, cum resistere non possis accidentibus, arti q; fidas, quam etiam non calles. En quânam ægros & vulneratos in maius vitæ suæ discrimen ponas, cum id ipsum quod contemnis, vulnere longè periculosius existat. Contrâ quàm huiusmodi prænuncia signa malorum & accidentium tibi nota fuerint, viam illis obstruere facile poteris, laudemq; tibi parare non exiguam. Præuenit enim ars omnis ab experientia, iudicioq; præmaturo. Quare volatum ne moliaris, antequàm plumæ tibi creuerint, hoc est, donec optimè didiceris. Nihil hoc loco superbia, iactantia, vel arrogantia profunt, at ipsa verâ scientia. Hæc sentina fuit vitiorum omnium in hac arte nedum, verum etiam in alijs, quod finem expectare vix è millibus vnus disciplinæ sui voluerit, sed ferè semper in magistros euaserunt omnes antequàm veri discipuli dici mererentur.

*Ægrotis ne permiseris quod noxium esse*



putes : nam solent aliqui petulantia sua cu-  
 ram applicatam etsi felicem peruertere. Cùm  
 igitur obedientia possis à multa sollicitudine  
 curaq; subleuari, coge si potes vt obtempe-  
 rent. Potius fuerit eos lamentari, quàm erro-  
 rem tuum deplorare te, seq; sui ruinā, indul-  
 gentia tua factam. Euenire sæpissimè solet, vt  
 ex permissione vel minima, quam ipse Chi-  
 rurgus noxiam fore nō iudicauit, maximum  
 oriatur damnum, quo sibi dedecus etiam, at-  
 que meritò contemptum conciliat, velut ar-  
 tífex ignarus artis. Tam occulta est hominis  
 natura, vt fur aut latro latens in ea percipi ne-  
 queat, qui vel minimam occasionem quærit,  
 aut ægro vitam, vel tibi famam deprædandi.  
 Quapropter nimium potius quàm parū esto  
 sollicitus. Cùm tot & tam varia sint acciden-  
 tia quæ circūuallant hominem, vt omne vul-  
 nus ferimè dijudicari mortale magis quàm cu-  
 rabile debeat. Nam tempus, natura, comple-  
 xiones inæquales in deterius magis quàm in  
 melius vergunt. Quapropter considera quic-  
 quid operi tuo completissimè conuenit per-  
 fectius, ordinatius, & minori cum defectu  
 fabro, latomo, seu lapicida quouis. Hoc ergo  
 quod sequitur Capitulum, summa cum atten-  
 tione legas & relegas, quò maximam acciden-  
 tium partes addiscas : tum demum opus ag-  
 gredere. Quid boni maliue tibi succedere pos-  
 sit, hac in re cognoscas oportet: non antea cu-  
 rabis vulnera. Noli donec præ manibus oc-  
 currant,



current, expectare mala, tumq; prius addiscere, latronique fores vbi iam intrauit, occludere, sed antea. Sic fiet vt quum ea iam eminus apparuerint, aut etiam adfuerint, quo resistendum sit illis notum habeas remedium.

## CAP. II.

*Qua via rationeq; vulnus curari debeat. Quidnam sit quod curet, quid perdat. Et quid naturale sit balsamum in omnibus corporis membris.*

I Gnorari minimè debet omnibus corporis membris inesse balsamum naturale carnis, venarum, neruorum, ossium, &c. quod ipsis innatum ab initio per naturam, vulnera quauis illata sanat. Hoc est: naturale balsamum in carne situm, naturaliter carnem, & quod in ossibus, fracturas eorum. Sic de reliquis membris intelligendum erit, vtpote, quoduis proprium in se continere medicamentum, quod ipsum quoquo modo læsum persanat. Est igitur natura sibi met proprius medicus, qui quod in ipsa deficit, optimè reparat. Hoc loco scitu valde necessarium est, Chirurgum non sanare vulnera, sed balsamum in corpore situm hoc ipsum efficere. Quicumque crediderit aliàs, aut sibi temerè sanationem vulnerum adscripserit, sese, necnon alios miserrimè seducet: cum



artis propriæ, vel eius quod proficitur, nullâ  
 cognitionem habeat. Verùm vt tu vulnerarie  
 medicæ cognoscas cuiam in hoc negotio rei  
 sis aptus, & quid ars ipsa præstare valeat, est  
 quòd audias. Medicæ manus in læsionibus  
 curandis hoc solùm est officium, vt natu-  
 ram eo loci defendat ab accidentibus & ini-  
 micis externis, intrinseci balsami: ne per  
 eos inficiatur, aut impediatur quo minus vi-  
 res suas exercere valeat naturales, at potius  
 in illis auxilio Chirurgi corroboretur. Vbi  
 vulnus iam apertum cura diligenti non tuta-  
 bitur, certissimum est illud operationibus  
 naturæ solis nullo modo sanari posse prout  
 decet. Quapropter is qui hoc loco defendere  
 tueriq; nouerit, Chirurgus erit optimus, eaq;  
 ratione protector naturæ nominandus, quòd  
 ab externis elementis contrarijs atque relu-  
 ctantibus illam vindicare nouit. Externor-  
 um siquidem elementorum est maxima cu-  
 ra, naturæ defectibus maiores adijcere defe-  
 ctus. Huiusmodi vires elementares inimicæ  
 naturæ, per Chirurgum optimis medicamen-  
 tis pellendæ sunt: hac via poterit comite na-  
 turali balsamo felici cum successu progredi.  
 Nam vbi defensionibus iâ dictis in sua quie-  
 te conseruatur & pace, quumque ligationi-  
 bus iuuatur accommodis, ipsa met operatur,  
 ac sese perfectissimè sanat, carnem ac ea quæ  
 necessaria sunt, pro vulneryum facultate cre-  
 scere facit. Verbi gratia, Quidnam id est,  
 quod



quod carnes, pinguedinem, adipem, sanguinem, atque medullas ad incrementum promouet? Non homo, non cibus, aut potus. At ipsa natura vegetatiuam & augmentatiuam in se facultatem habet, quæ corpus, potu, ciboque mediantibus tamen sustentat: quibus & ipsa conseruatur & roboratur etiam. Similiratione pluuiaterraque lignum minime produciunt, sed arbor ipsa, non sine ipsis tamen. A ventriculo sumatur exemplum hoc. Naturale balsamum est id quod sanat, verum ut hoc efficiat, indiget alimento, eoque duplici. Prius administrat cibus & potus: unde ratio victus ordinati (quem Diætam vocant) ortum habet. Posterius exhibet medicamentum vulneribus applicatum aut superpositum, hoc nutrit balsamum, ut eo celerius ac solidius sanet. Est igitur vnguentum, aut medicamentum balsami conueniens alimentum. Hoc igitur vnicum vulnerario medico restat, ut bonum & aptum nutrimentum eligat, quo perfectius ac felicius curret. Si verò hac in re fuerit negligens, aut imperitus potius, vulnera quæcunque prauiora fieri, necnon in accidentia quæuis incidere permittet. Quum etiam perceperis fœtorem in vulneribus, facile iudicare poteris illa competens non habere nutrimentum, & hac ratione suas naturæ balsamum operationes adimplere minime posse. Quapropter est quod munda per alimentum con-



feruentur vulnera, ne quid in illis putridi fœtidiq; reperiatur.

Purgationis pariter est notanda quædam in vulneribus differentia dupliciter apparens. Prior ex eorum putrefactione prouenit, altera quidem ex sui prædicto nutrimento: hoc enim excrementum est, illud verò sanies. Balsamum siquidem ab vnguento suum sugit alimentum: quod autem ex eo superest, iterum dat ac immunditiam, vt reliqua ciborum nutrimenta solent. Ex his igitur non est ignoranda conclusio Chirurgis, vtpote vulnera penes purgationem excrementorum, & non saniei fore conseruanda, nec in putrefactionibus. Naturæ contrarium est medicamentum, quoties vulnera ligaturis fuerint suffocata, recentiq; nutrimento non sustentata. Huius etiam enormis erroris vestri, vos inter Chirurgos communiter vsitati (quem indies absque iudicio vel arte, sineq; successu felici committere soliti fuistis hætenus) eosq; præsertim quos id vitij delectat, monitos hortatosq; velim vt abstineant, scilicet à futura vulnerū, & cōglutinationibus ouorum albugine factis, quibus naturā ipsam à sua in alienam, & ei contrariam prorsus qualitatem contorquetis. Hæc medicina vestra nullibi fundamentum habet. Hoc natura solū in sui sanationem optat, vt à putrefactione protegatur, & medicamento congruo balsamum eius nutriatur, vt suprà: nec non vt excremen-



ta vera perres vnamquamque vulnerum à vinculis dissolutionem inuenta sint.

Hactenus quid illud sit quod vulnera sanat, amplè satis diximus. Quicquid aliàs quàm auditum est actum cum illis fuerit, efficiet prauiora, vel ipsa penitus perdet.

## CAP. III.

*De vulneribus quæ morti sunt obnoxia, vel nō,  
aut in contrakturam sui membri  
tendentia.*

**Q**Uod ad vulnerum naturam attinet, latius cognoscēda sunt illa quæ mortē inferunt corpori, vel suis membris contractionem, & quæ non. Quanquam id cognitiu difficillimum est, & incertissimum plurimis: nihilominus pro vulnerū qualitate, Chirurgus ipsam se disponere debet in auxilium, eò loci potissimū, vbi natura sese iuuare conatur, non vt imperitus & ignarus artis eam aggredi.

## CAP. IIIL.

*De his quæ Chirurgo metuēda sunt in vulneribus,  
astrorum impedimentis, & meta possibi-  
tatis, eiusq; termino.*

**E**T si plerunq; vulnera nō sint aspectu periculosa, vel talia non appareant: contrarietates tamen, & accidentia metuenda



sunt. Exempli gratia. Si quod vulnus irato vel cholera fellis commoto fuerit in cussum, tale curatu difficillimū erit, ac valde periculosum, Deprauatur enim hoc accidente vulnera sic, vt nunquam prout æquum foret, curari valeant, quousq; fellis irritatio sedata sit omnino, venenumq; suum desierit. Siquidem ad cholera nullum aliud remedium adhiberi potest melius, quàm vt per seipsam quiescere permittatur. Nonnullorum etiam oculi suo sunt infecti veneno, vt aspectu solo vulnus quoduis inficiant: eius etiam finis est expectandus. Quum pleno ventre cibo vel potu quis vulnus accipit, & præsertim vbi suillas carnes edisset, aut simile quid, eo minus fit sanabile. Pariter agnatæ quæuis infirmitates, vt epilepsia, puerorumq; morbi curam vulnerum impediunt. In accidentibus huiusmodi cautum esse te plurimū oportebit, maximè quòd à natura latius progredi minimè datum sit, anteq; vulnatione extiterit. Si pariter ad vulnus accesserint infirmitates, vt aridura, fistula, cancer, foramina, &c. non prius natura curam admittit, quàm huiuscemodi malorū tollantur genera. Latius igitur agere non suscipias, quàm se naturæ scopus extēderit. Nam ex istis vulneribus plura nascuntur quàm vulnorum pericula, nempe morborum & plurimarum agitudinum: oportebit ergo te cautum in his plurimū existere. Cælorū cursus etiā varius, & operationes eius potentissimæ suis  
innoe



In nos impressionibus efficaciter agunt. Quādoquidē si pestem imprimere cœlū valeat, & vulnus aliquod inficere diuersimodē poterit. Ex his colligere debet Chirurgus ac intelligere, cur vbi cœlū infeliciter fuerit suis in aspectibus dispositū, & eius cura sit infelix. Cōtra cœlū nihil naturaliter opponere possumus, quod propter in similibus, infelicitatis istiusmodi finis est expectādus. Interea tamen aliqua mutatio fieri potest, at nō efficacior eis, quę in curis pestilētiālib. nōnūquam visæ sunt. Hac de causa maius ne susceperis onus, quā valeas cōtra vulnerū inimicitias exequi, sed maturē cōsidera quales & quātę fuerint. Si medicamēto potētiores existāt, impotēti validiorē te vincere posse nō existimābis. Absit à te iactātia, potius ea quę te p̄stare posse nosti, postremō reserua, quā statim ab exordio proferas: nam fragile vas, & homo bulla est. Nonnunquam etiam euenire solet, vt vulnera mirā perse naturā ipsa recipiāt, nō aliās quā lignū in signo cōtrario truncatū vermes cōcipit, argillaq; nō cōgruo tēpore defossa, grillos producit: quod quū in aliquo vulnere perceperis, alijs remedijs id euelli vel auerti posse non credes, quā particularibus arcanis quibusdam: vt illa sunt quę nōnullis in herbis & seminib. latent, vt lignū vermes nō cōcipere, nec argillā grillos, penes quę fuerint, aut creuerint. His enim latius in similib. vtendū erit, quā cōmunium vsus medicamentorum & curarum



habeat. Vulnere sæpius deprauari sub optimo certoque medicamento vel vnguento compertum est, ob cœlestes cursus curam impediētes. Non secus ac lignum sub infelici constellatione tonsū, amplius vegetare non potest, nec insitum aut plantatum quid excrescere: vulneribus itidem (rarò licet) cōtingere tamen aliquando solet. Quapropter huiusmodi cœlestium disciplinam cursum non abhorreas, at potius conare totis viribus eos discere: ne videaris astantibus vt calcearius, qui totum calceum extruere nouit præter inuersionem.

## CAP. V.

*De vulneribus recentibus, & vtraq; medicina sua deprauatis, cum eorum demonstratione quæ mortalia sunt, aut saltem periculosa.*

**L**igandi vulnera modus non est ignorandus, vt non deprauentur, & iam deprauata iuxta suam naturam debitis ligaturis inuoluātur. Recentia vulnera summo opere tuenda sunt ab accidentibus, quæ damnum aliquod inferre possunt: horum enim contemptu, plurimū deprauantur. Cum igitur ista varijs & prauis accidentibus obnoxia sint, operæpretium fuerit ea declarare.

Consuetum est hætenus istorum labia cōfui, demum ouorum albumine consolidari, triduoq; sub ista ligatura teneri: quod omne deprau-



deprauationis eorum primum est exemplar. A futuris abstinere prorsus, ut iuxta secundi Tractatus ordinem huius Libri vulnera per nutrimentum cura, sic primæ deprauationis labem effugies, damnorum in vulneribus radicem potissimam. Si tamen ipsa iam deprauata repperis, à fœtore corruptioneque repurga prout in secundo Tractatu docetur. Iam differentiâ habes inter ea quæ recentia sunt, & illa quæ deprauata, necnon quid cum eis agendum, & qua ratione curanda suscipere debeas. Quod reliquum est, vtere medicamentis in secundo Tractatu descriptis, & infra diem & noctem bis liga, singulis nempe duodenis horis ordinatè consuetam nulla ratione prætereundo horâ. Si diutius expectaueris, operatio medicamenti propter nutrimenti consumptionem euanuerit, & cum ea defensio ab extrinsecis elementis, inde vulnus detrimentum patitur ac deprauatur. Horam igitur observa diligenter in finem usque.

Quum tamē conclusioni propinquum fuerit, poteris vigesimam in horam tardare, verum huic nimium ne fidas.

Primæ ligaturæ deprauationem ouorum pultibus & sutura factam, altera mox inde sequitur hæc. Resinis vtuntur in altera ligatura, quâdoque cera non præparata, seuo & oleo mixta: nonnunquam æris viridi, mastice, thure, gummi, &c. quæ ob nimium calorem non conueniunt recētibus vulneribus, nec alimē-



tū præbēt opportunū. Sugūt igitur ab his vul-  
nera succū valde noxiū, quo fit vt nulla sit ope-  
ratio naturæ, sed cōtra seipsam cogatur agere  
nunc tumorē, iam corruptionē, tremores cū  
frigore caloreq; inflammationes, aut pūctu-  
ras membrorū, & similia. Quum ergo tibi tale  
vulnus oblatū fuerit, vt prorsus deprauatū de-  
speratūq; suscipe curandū, & statim illi quæ  
mundificant applica medicamina. Vulnera  
quædam aliquibus illata mortalia sunt, aliqui-  
bus nō: aliquibus etiam tēporibus, non alijs:  
quæ posteriora tamē aliquādo mortalia fiunt  
accidentibus. Quapropter fallax est admodū  
iudiciū, quo conatum est quoduis ad mortē  
aut ad curam vulnus agnosci posse. Quædam  
tamen illata principalioribus membris, vt ce-  
rebro, quibus hoc moliretur exitum, circa re-  
giones cordis, tanquam desperata poterūt e-  
xistimari: nam illæla cōfinia sua cor cupit. Vul-  
nera vesicæ pariter, & intestinorum, quæ tran-  
situm excrementorum naturalem effundunt  
in vterum. Item pulmonis arteriæ follisq; re-  
spirationis eius quæ ceruicē truncant omni-  
no, vulneraque sicca ad cordis regiones vq;  
redūdantia, cum sanguine congelato possunt  
ad mortem agnosci: ne non alia multa pro-  
pter accessum alicuius accidentis mortem ali-  
as inuehentiis, vt in pulmone, iecoreq;e. Sple-  
nis etiam periculosa vulnera, pariter & quæ  
fel aperiunt, ac illa quibus, vt fodicationum  
iētibus, venæ iecur & stomachum intersitæ  
trun-



truncatæ fuerint. Quæ vitæ musculum cōfo-  
diunt, in loco vitæ præsertim existentem.

Quæ membris extensis plurimum & expan-  
sis infliguntur, hoc est dum quis membrum  
aliquot vi quadam extenderit, ac in eo simul  
vulnus receperit, cum reliquis quæ dicta, mor-  
tale, non æquè tamen habendum est, at mi-  
nus periculosum.

Euenire solet etiam vt propter situm aut  
contorsionem corporis, intrinsecus ordo  
naturalis deformatur, & venæ præter con-  
suetudinem dispositæ sint, eo tempore si vul-  
nus eis illatum fuerit, ad mortem iudicari po-  
terit. Aliquoties impinguntur vulnera  
quæ repentinam inferunt mortem, & alia  
quæ apoplexiam, aut simile quid morbi mor-  
talis, itidem ea mortalia sunt. Aliàs ob in-  
fluentiam in vulnus incidentem, id est, ob  
signum aut cœleste sydus infortunatum.

Nonnunquam ob nimium timorem. Sæ-  
pius ob curæ negligentiam. Et quandoq; iu-  
xta mortis occasionem irrupentis, mortale  
vulnus efficitur.

Obseruandum etiam est vulnera capitis,  
maniam producere: venarum, visus & ocu-  
lorum cæcitatem: cellarum aurium, surdi-  
tatem. Si genitalia lædantur, aut ad  
mortem, vel in sterilitatem iuxta læsionem  
accidisse putandum est. Sunt quædā loca quæ



læsa loquelam etiam impediunt. Vulnere quæ  
 per transuersum illata sunt, cum truncatione  
 venarum, ad contractionem illius membri ver-  
 gunt. Si hemiplexia in vulnus aliquod incide-  
 rit, membrum quodcunq; sit, contractum red-  
 dit. Nervus omnis læsus qui balsamo suo pri-  
 uatur, contractionem causat. Quum vulnus ar-  
 ripit aridura, pariter contractum membrum effi-  
 cit. Sunt & alia multa variaq; vulnere con-  
 tractionem causantium genera: veluti quum  
 ligamentorum truncatæ radices fuerint, aut  
 earum venæ, totum membrum contrahunt.  
 Variæ contracturarum causæ præter eas quæ  
 dictæ sunt, ac locis illarum contrariæ, nihilo-  
 minus etiam contracturam adferunt, à tempo-  
 ribus, & alijs accidentibus, quarum origo de-  
 scribi non facile potest. Est enim homo tot in-  
 uolutus miserijs ex corrupta sua natura, ut non  
 sit opus ei temerè se ipsum in illas profundi-  
 us conijcere (quod pleriq; malè sani faciunt  
 indies:) nam ipsa pronior in depravationem,  
 quàm in emendationem est: quo fit ut omni-  
 bus istis accidentibus resistere non sit huma-  
 narum virium, nec artis. Non enim potest Me-  
 dicus contra impossibilitatem ipsius naturæ  
 quicquam adferre, sed solum quod permiserit  
 adiuuare. Hoc verò Chirurgi fundamentum  
 fore debet. Quanquam aliquoties medio me-  
 dicamento præuenitur contracturis, alijsq;  
 similibus accidentibus, ubi tamen ipsa natu-  
 ra medicamentum ad curam receperit, aliàs  
 non



non curat medicus, vt in secundo Tractatu dicetur amplius.

Tumores calido rosarum aceto curabis, reiecto prorsus & abiecto cupree capsule vnguento albo. Postquam vulnera mundificata fuerint, curentur vnguento fodicationum, in finem vsq;.

*De glarea vulnerum.*

Ex cuprea capsula Chirurgorum oritur alia deprauatio vulnerum, vtpote glarealis aqua. Statim atque hanc perceperis, capsulam eijcias per fenestram, & cura fodicationum vnguento, & aceto rosarum calido, prosequere, propter membri calorem & inflammationem: quibus ablatis, ad mundificationem te conuertas vt supra, post vnguento fodicationum comple donec ea concluderis. Hoc certissimum habe, vulnerum curam veram nulla putrefactione fieri debere, sed medicamentis quæ eam arcent & amouent: ea namque sanant vulnera consolidantque. Quicquid curare debet, proprietatem salis in se continere necessum est, quod vt balsamum extrinsecum, putrefactionem arceat: hoc ipsum oportet esse temperatæ naturæ, compositum ex eis, in quibus nutrimentum reperitur membri vulnerati verum, tam carnis, quam nervorum, ossium, &c. Isto curabis feliciter, alias non.

B



*De vulnerum accidentibus à temporibus, & cœlestium cursibus expressis, & alijs incidentijs.*

**M**anifestum est influentijs & suis impressionibus, cœlum varios morbos producere, iuxta varia sua tempora, sanosq; plurimum inficere, vt isti tueri sese ab eius incurfibus minimè valeant, at humiliter succumbere cogantur. Cum igitur bene habentes vincat, quanto magis vulneratos. Et veluti febres diuersas in sanis gignit, in vulneribus etiam eas imprimit, quæ paroxysmorum temporibus operationes suas in vulneribus exercent frigore caloreque sæuientibus, iuxta febrium proprietates, quotidianarum vel tertianarum: quæ non recedunt ab hominibus, donec sanata sint vulnera.

Suo tempore contigit vt pestilentia sæuiente, morbus hic se manifestarit in vulneribus vlceris instar, & cum frigore caloreque primùm inceperit, qua nonnulli correpti fuisse, qui tamen alibi per totum corpus nihil præterquàm in vulneribus fuerat ortum, senserunt.

Euenit etiam aliquoties inter milites, vt in vulneribus angina sit orta, non aliàs quàm in lingua solet cum signis omnibus, & crassa curis à vulneribus exierit, prout à lingua consuevit auelli. Innumerabilia sunt accidentia similia,



similia, quibus eisdem ordine medicamentis-  
que obseruatis vt in suis locis assuetis, etiam  
in vulneribus medendum est. Eodem namq;  
medicamento quo linguarum anginae, vul-  
nerum anginae curatae sunt, nec alia via po-  
tuissent à vulneribus expelli, quàm eisdē quae  
contra pestem aut anginam applicantur.

Sæpius etiam contigit, vt vulnera sangui-  
nis profluuiū eiecerint, qui verus non fuit san-  
guis: hunc nulla medicina sistere potuit. At  
quum eo tempore dysenteria sæuisset in illis  
regionibus, & excrementa profluentia pari-  
formia forent illis, quae manabant è vulneri-  
bus, exitumq; faceret non dissimile, imò pro-  
ut secessus redirent, in omnibusq; responde-  
rent, collectum est & conclusum, vt idē quod  
applicatur dysenteriae medicamentū istis vul-  
neribus adhiberetur: quod etiam factum est.  
Hæc & similia Chirurgo sunt optimè confide-  
randa: nam quum ea mihi contigerint, in ali-  
quot vulneratis pluries euenire possent, ac  
pluribus.

Mineralium metallorumque fossorem vul-  
neratum præ manibus habui curandum, qui  
tremore maximo ter aut quater quolibet die  
concussus fuit, contractione conuulsioneq;  
membri huc atque illuc actus ad quartam ho-  
ræ partem. Statim atq; potandum oleum exhi-  
bui bibitq;, melius habuit. Verum vbi liquo-  
re vitrioli hausisset ore, curatus est, siquidem  
species epilepsiæ fuit. Hæc à me tantum



dicta sint, ut si fortè similes amplius ægritudi-  
nes oriantur, cognosci queat, plus ibidem  
vno damno, periculosa quædam accidentia  
fore.

In similibus itaque recurrendum est ad me-  
dicinam intrinsecam, quamvis optimè con-  
ueniret, ut Chirurgus per se talia curare sci-  
ret accidentia, præter aliorum auxilium.

Ex aduerso, plerunq; per vulnera generan-  
tur infirmitates in corpore, non tamen situm  
habent in illis, at veræ sunt infirmitates in-  
trinsecæ, veluti mania, epilepsia, &c. Quæ-  
quidem ægritudines, licet per sanata sint vul-  
nera, nondum abeunt, at remanent. Qua-  
de re debet alius hoc loco processus, & curan-  
di modus excogitari, quo medicamentum in-  
ueniatur prorsus alienum à receptis, cuius  
hactenus inter Medicos, & Chirurgos pauca  
vel nulla noticia fuit.

## CAP. VII.

*De morbis occultis in corpore cum vulneribus se-  
se permiscantibus, è quibus cancri, fistulæ, lupi, fri-  
gida calidæq; nascuntur vredines.*

**I**N humano corpore latent causæ quædam  
& corporales infirmitates, è quibus succes-  
su temporis fistulæ, cancri, foramina vul-  
nerum, vlcerationes, vredo frigida vel cali-  
da, ferrugo vel lentigo praua, lupus, & id  
genus similia enascuntur. Quin aliquo  
in lo-



in loco materia huiusmodi molitur erumpere, talis etiam patefit morbus, ex quo & vulnere simul damnum fit vnicum. Inde sequitur, vt vulnera curam omnem reijciant, & nullis medicamentis quantūcūq; bonis concludi queant: imò potius in accidentia quæ narrauimus, erumpunt. Quamuis aliquoties ac sæpe his occurratur, & vulnera breui curentur spacio, præsertim vbi materia talis recens adhuc fuerit, ac immatura, vel nondum enata. Verùm si matura sit, incassum occurritur: erumpere necessum est id ipsum quod præ manibus fuerit. Quandoquidem vulneralia medicamina differunt ab illis, quibus damna dicta restaurantur, vt ab albo nigrum. Quapropter infirmitatum huiuscemodi remedia sunt arripienda, vulnerabilibus omnino reiectis. Inde facile colligi poterit eiusmodi noticiam ægritudinum habere necessariò debere Chirurgum, aliàs non sine maximo dedecore manum è tabella (quod aiunt) retrahere cogetur. Huius negotij fundamentum est, vt relictis vulnerum vnguentis, ad alia confugiat remedia quæ dicta sunt.

Non ignoranda ea, quæ circa putridam & superfluam carnem in vulneribus orientem attinent, esse duximus. Nonnunquam in spongiæ magnæ quantitatem & similitudinem solet emergere, veluti videmus ab arboribus dependere tumores quosdam instar a-



garici. Ignari Chirurgi separationū aquis fortibus abrodere conati sunt; alij nouacula truncarūt, vnde prauiora multa, quę legere quidem horrēda minis forent, excitārūt, quā ppter omitterimus, & productōrū istorum causam exponemus. Porri quidam existunt, qui quanto magis truncati fuerint, ac sæpius, tanto maiores turpioresque renascuntur. Non aliās faciunt eum eroduntur corrosiuis aquis, quę quidem remedia porris minimē conuenientia, quandoque fungos, vel eorum similitudinem referentes tumores excitant. Cum itaq; per porros naturaliter hoc demonstretur, spōgię vulnerum ortum habent ex porrorum fundamento, radiceque: dum huiusmodi sanguinis latebrę tactę fuerint apertęque, postmodum ex crūoris huius malitia simile quid oritur monstri. Contingere potest etiam vt aliquot annis postea spongię tales ē conclusis vulneribus enascantur, est nihilominus earū fons & origo, quę porrorum, & non alia: sed ob vulnerum conclusionem ante correctiōnem aut compescētiā istius virulentię, post curam imperfectam emergunt in formam similem. Nonnunquam in glandulas vel naptā excreuerunt, minori quā antea periculo. Est igitur Chirurgo summē necessarium, vt istorum accidentium cognitionem habeat, ne quando suscipiat eorum curam, quorum originis & remediorum ignarus inexpertusque fuerit. Hęc non alia de causa protuli, quā

vt



vt ægros ac vulneratos admoneam, ab istius farinae putaticijs medicis, qui talia curare præsumunt, merè tamen deprauâ tibus, abstinendum esse, nisi perditum iri cupiant.

## CAP. VIII.

*De vulneribus infectis, & venenato ferro, vel similibus armis incussis.*

**A**N arma, quibus vulnera corporibus inflicta sunt, veneno prius illita fuissent, animaduertendum est summa diligentia. Quanquam & scelestum & supplicio dignum est facinus, impijs tamen hominibus in usu quandoque scitur extitisse, videlicet pugiones, gladios, tela, & omnis generis arma bellorum vt veneno linirent, quo præter vulnera dira, dolorem eorum intolerabilem augerent, & aliquando mortem crudelius inferrēt. Huius veneficij varia sunt genera meritò subticenda.

Præter ea, quæ in quotidianum usum veniunt instrumenta mechanica, nullo studio, sed vlibus necessarijs venena contrahunt eorum quæ secuerint: vt falces ex herbarum varjarum in pratis ( quarû nonnullæ venenum suû innatû, & à natura possidēt ) sectionibus, & ferri calore: tû etiâ venenosorum animalium, prout serpentum, bufonum, & aliorû sub herbis latentium cruore sic inficiuntur, vt vulnus aliquod eis contractum instrumentis plurimum causa veneni sit periculosum.



Quamobrem in similibus animaduersione particulariter est habenda curationis eorum, & curæ vulnerum. Et licet acuitionibus lapide factis nonnihil auferatur istius veneni: non omne tamen eximitur hac ratione, vel alia quapiam. Pariter aratrorum ferramenta venenum ex terræ natura concipiunt, vulneraq; venenata faciunt.

Ferrum siquidem omne recipit in se naturam alienam, vt eius in quod applicatur vsu. Itidem & palæ faciunt hortenses, falcesq; minores, at noxiè minus prædictis.

Fabrorum lignariorum tamen secures, & omne quod in lignum agit instrumentum, veluti dolabræ, similiaq;, non recipiunt in se hoc vsu venenum, at potius curabilem naturam acquirunt.

Vitrum autem ex sui natura venenum est, nec nisi frustum eius au fragmenta maneat in vulnere, non aliàs. Verùm donec in eo mâserint, plurimùm inficiunt.

Quæ tamen vulnera ligno fiunt, eo maxime quod manibus indies refitur, vt fusi muliercularum, pessimum venenum accipiunt à manibus: quoniam sudor liquorque prauus per ligni cuspidem penetrat, inficitque plurimùm.

Lapides, necnon alia metalla, veneno carent, quod ad vulnerationem attinet. Ferrum quidem aliquando suo realgare nō omnino repurgatum est, vnde magis alio puriore



puriorē nociuius esse contingit.

Quānam huiusmodi venena queant extrahi, singulatim scribere superfluum foret: nam secundi Tractatus id recepta perfectissime præstant ex sua proprietate. fac igitur ut illa habeas.

Animaduertendum etiam tibi num vulnorum accidentia procedant ex huiusmodi venenis, aut non. Siquidem accidere posset, ut ex venenis iudicarentur, quæ nata forent aliunde, tum ista venenis ascriberentur: nam signa parum differunt. Quamuis venenatorum armorum studio manifestum indicium in vulneribus apparet, utpote calor exurens, inflammatissimus tumor, coloris in carne mutatio non consueta, laterumque punctiones, præsertim ex telorum alatis cuspidibus. Si dolor huiusmodi nimium presserit, infunde frigidum oleum vulnerale, post superposito fodicationum vnguento prosequere: sic venenum euinces.

Alia tamen instrumenta solis vsibus venenata, non ita crudeliter vulneribus hominem torquent, ni fortè cruor aut pinguedo bufonis aut araneæ simul cum ferro lædente subintrasset in vulnus: tum demum vtere medicamentis, quæ  
tertij Tractatus receptis  
continentur.

B 5



*De illis depravationibus, quæ propria fiunt vulnerorum petulantia, veluti ciborum, potuū, & exercitiorum abusu, tum actu venerea.*

**L**icet Chirurgus omnem diligentiam, & ex arte vera probatissima quæque medicamenta vulneribus adhibeat, ut hac de causa nihil ad sanationem requiratur perfectissimam: nihilominus poterit æger sua petulantiâ totum hoc opus excellentissimum, & naturam ipsam pervertere. Quod sæpissimè contingit, ut videlicet ex inordinato suo regimine, vulnerati sui membri sibi conciliēt aut ariduram vel contracturam ægri, vel accidens aliquod in vulnere: quæ non evenissent, ubi sub obedientia Chirurgi se continuissent: aliquoties etiam ipsi propriam suæ mortis causam excitant. Hæc non sine maturo iudicio considerata sunt, ut cognoscatur vter in his culpandus veniat, æger, an medicus. Ægri petulantia naturam irritat, ut non amplius in bonam dispositionem redeat, ad quam prona prius fuerat. Id ipsum ex actu venereo patet, eo nempe sic vulnus accendi, ut in quodvis accidēs incidere primum sit, iuxta sitū eius. Quapropter est quòd hoc ex vulnere cognoscere discas, & prævenire. Nam sæpius contigit ex hoc usu vulneratis, ut sibi in vulnere Persicum ignem concinerint: quæ de causa vel totum oportuit mem-



membrum aliquoties amputare, vel aruit, vel mortales febres accesserunt, aut apoplexia, vel alia morti plurimum obnoxia. Id in his tibi summè notandum erit, quum violentū accidens petulantia contractum, diligenti cura superare non potueris, vt rabiem hanc quiescere permittas ac sedari: tamen diligentiori studio curam interea prosequaris.

Non aliàs ex inquietudine vulnerati membri, plurima possunt accidentia (non ita periculosa tamen, ac illa quæ ex actu venereo proueniunt) oriri. Nihilominus ex ea nonnunquam vulnera contrahunt alterationes ad incendium inclinatas, vel febrem vulneralem, aut contracturam, vel cum frigore tremores & calore, similiaq; multa. Quietem igitur vulneratis impera membri læsi, ne contemptu huius quid peius oriatur.

Ciborum & potuum rationem præscribe, ne quid edant aut bibant, quod vulnere præiudiciū adferat, nèue se his aut bonis obruant: nam omnis repletio penes infirmos naturam infestat: quæ modum atque mensuram postulat, potissimùm vbi defectus in corpore fuerit, quo melius ei resistere valeat. Contra si prædictis obruta sit, in choleram & irritationem commouetur, iuxta quarum naturam per totum corpus diffusa sæuit: quæ sequit̃a tremorum, febrium in vulneribus, aliorumque pessimorum accidentium est potissima causa.



Ut hæc igitur cuitari queant, æquum est Chirurgum vulneratorum non aspicere personas, at miseras & calamitates, quæ sequuntur inobedientiam eorum.

Ex coitu nonnunquam oriuntur accidentia periculosissima, prout apoplexia, subitanea mors, epilepsia, hydropisis, &c. quæ curam non recipiunt, at in mortem tendunt.

Exquisitio ciborum & potuum particularium non est contemnenda. Nam si per cibos & potus ordinatos ad vulnera, curantur vulnerati, sic etiam poribus & cibis incongruis perduntur. Bono malum enim semper est promptius propiusq;.

## CAP. X.

*De natura & proprietate accidentium, quæ ex ægrorum propria natura & complexionem procedunt.*

**Q**UOD vno curabilior alius reperitur, aut ad sanationem tardior, apprimè Chirurgus considerare debet, ne latius quàm ipsamet natura valet, progredi conetur. Aptius operi lignum est alio, vel isto nodosius, durius, aut reluctantius aliud, quaquaversum arripiatur, attamen cum tempore dolatur omne: sic etiam cum hominibus. Ex terra quidem sumus omnes, in qua durum, ineptum, aptum habetur & molle: quapropter id quod in ipsa reperitur, illa continent quæ producit. Cum igitur natura talis aut alia



lia suis in proprietatibus durior aut mitior occurrerit, cedere naturæ Chirurghi probum est officium, à ligno sumentis exemplum, vt suprà.

Efficit etiam aliquando vulneratorum delicata natura sua, mortalia fore vulnera, quæ sanabilia forent in alijs. Est enim admiranda penitus in humano genere natura, varicq; distincta, vt summa consideratione sit opus, vbi singulare corpus oblatum est, particulares etiam esse curas assumendas. Ratio hæc mihi dedit occasionem, putaticiorum Chirurgorum artem & medicamina reijciendi, quòd in vno corpore fundata sint, postmodum in decem alijs nihil operètur. Hac de causa remitto vos ad secundi Tractatus recepta, quæ quum habueritis, dolabram quibusuis aptam lignis possidebitis, licet in vno quàm in altero celerius agentem, suo tempore tamen in omnibus. Tarditatis etiam huiuscemodi causa non est mutandum medicamentum, at solum tempus expectandum.

Videat igitur Chirurgus, & diligentissimè curet, simile medicamentum assequi posse, quod non vni carni tantum, sed omni sit aptum & idoneum, aliaq; relinquat, quæ hactenus in Chirurgia tantas attulere tenebras, vt semper opus fuerit immutare, nunc in hoc, iam in aliud: nec tamen ad artis perfectionem aut fontem peruentum est.



*De vulneribus quæ possunt in mulieribus offerri,  
se se menstruis permiscensibus.*

**P**Retereundum non est quod in vulneribus mulierum accidere quâdoq; potest, vtpote naturalis eruptio per illa menstruum profluuij, quo tempore periculosissima concurrunt accidentia, prout epilepsia, vel species eius, quæ non prius quàm sit optimè sedata matrix, à patiētibus recedunt. Vulnerum inde fiunt accidentia multa, nempe calores acerrimi, contracturæ, dolores capitis, restrictio pectoris, potus & cibi nausea: quæ omnia curam infelicem atq; periculosam reddunt. Vt hæc tollantur accidētia, necessarium est vt menstrua naturalem exitum faciant, & inedicamina tum demum operari feliciter poterūt. Mulieribus etiā agnata peculiaris inest cholera, quæ si cōcurrat, multò periculosior est menstruis: nam ex cholera generatur contracturæ per totum corpus: quibus excitatis cōmouetur & matrix: concurrunt itaque duæ simul infirmitates, quarum vtraq; particularia sua producit accidentia, prout contracturas vel paralyfim in manibus pedibusq; , tum ex matricis ascensu, species epilepsiæ. In his notandū est omnes istas infirmitates per vulnera moliri trāsitum: quapropter considerandum est qua ratione sedari mater debeat, & amoueri contractio, tādē curari vulnus. Huiusmodi



huiusmodi concurrentes infirmitates non facile remouentur, at plerunq; perseuerat in mortem vsq;: & si remedium aliquod adhiberi potest, longo successu tēporis id fieri visum est, quamobrem ab exordio vel antè præueniendum erit.

## CAPVT XII.

*De signis in vulneribus & vulneratis apparentibus: quid significant, & quid inde sequatur.*

**P**riusquàm accidens aliquod in vulnus incidat, apparet in eo signum: est itaque Chirurgo necessarium, vt à signis præcedentibus cognoscat subsequētia, quo vulnera quanto lenius fieri poterit, curet. Si tamen vltra diligentia cōtrarij quid præter medicaminis vsum & consuetudinē eueniat, accidens aliquod expectandum est. Hoc igitur Capitulo signorum tractare significationes & intellectuū proposui: quod in Chirurgia summum arcanum existimo, & ipsemet expertus doceo: quodq; sciam neminē diligēter obseruantem ea quę describam, fallere posse, licet à nullis hactenus Medicis aut Chirurgis prolata sint. Æquum est vt si noui quid in his quæ Rempubicam iuuare quęāt, ab aliquo sit expertum, in medium adferatur.]

*Tumores vulnerum.*

Si vulnera quatuor membrorum, vtpotē scapularum, in iuncturis potissimū, brachiorūque, necnon coxendicum & crurum



tumorem cum dolore concipiant, iuxta mutationes temporum aucto vel diminuto, aut secundum lunæ quartalia plenę præsertim, & nouæ, tum ante mediam noctem intendatur acrius, in ariduram tendunt, post conclusionem effectum consequuturam.

Vulnera quæ facile curam admittunt, nihilominus tumorem iuxta se tendentem ad manus vel pedes, aut retrorsum ad iuncturas emittunt, qui dure scat admodum, & conualescente vulnere non minuitur, imò dolorem in se recipit omnem, indicant ibidem accumulari corruptos humores, qui magis quàm ipsa vulnera vicinis membris obsunt, carnes quæ, nedum & venas, verumetiam ossa putrefaciunt, fistulas & foramina multa producant, ut inde post incurabile damnum oriatur.

*Glarealis aqua vulnorum.*

Quum viscosus liquor ad albumen oui profuit à vulneribus, indicat accidens periculosissimum, ut membri totius & medullarum exiccatio, cui nemo poterit obstare, nisi liquor ille iusto pondere fuerit membro prorsum aliqua medendi ratione restitutus, aliàs exiccatur ut lignum ab arbore sua truncatum: quod quidem accidens aridura vocatur.

*Inquietudo membri vulnerati, patientis quæ.*

Vulnus omne quod patienti somnū impedit ac prorsus aufert, ipsum etiam quiescere ne-



re nequit, hisq; laterum accedunt punctiones, indicat mortis occasionem adesse, præsertim ubi sitis intolerabilis patientem cruciet. Verum animaduerte ne fortè id ab incongruo medicamento proueniat: loquor solum hoc loco de naturæ defectibus.

*Turbatus intellectus.*

Spasmus in oculo quum apparuerit, lingua balbutiens, & ad interrogata nulla vel aliena ob turbatum intellectum responsio, mortem indicant, potissimum si deprauetur auditus.

*Mania.*

Si toruis intensisque homines oculis aspiciant, alacris tamen eorum sermo sit, vox acrior solito, & si in astantes accendantur, capitisq; sit calor maximus, maniam aut furiam speciem instantem significant, iuxta qualitatem eorum quæ dicta sunt.

Si vulnera postmodum aquam emittant, ac ab excrementorum eiectione sui nutrimenti cessent, curamq; non admittant interim aut sanationem, in cancerum, fistulam, aut ulcerationem tendunt: vel si turbatio concurrat intellectus, cum debilitate membrorum, aut pulsatione cordis, mortem indicant.

Vulnere sanationem optimè recipiente, si corpus aggrauerur, & eo magis quo bene sit vulnere, mortis etiam est indicium. Quum vulnerati stridorem dentibus edunt, sui que



sunt inmemores, indicant mortis occasionem aduenturam: nisi fortassis vermes in eis postmodum inueniantur, tum demum se res melius habet.

Quum ore spumam eijciunt, anhelitumque fortiter attrahunt, ac naribus strepitum emittunt, spasmo pariter oculos, manus & pedes infestante, contractionum, aut epilepsiæ, vel subitanæ mortis est indicium, præsertim ubi seipsum incuruant, corporaque sua cōtorquent.

Si repentinus per se tractus in vulnere dormiendum inter, aut aliàs fiat, indicium est alicuius grauissimi casus vel accidentis, nisi forte per timorem aut horrendum somnium exciteretur.

Si tumor ad vulnus accedat qui pressione facta, foueam retinet, tenuisque sit admodum sanatio carnis, & plurimum tarda, membri talis indormitionis, vel in eo sensus amissionis est indicium.

Vbi ventriculus digestiuam facultatem amiserit, ut cibum retinere minime valeat, inuaseritque maxima sitis, venas & nervos sectos à proprio loco suo fore dimotos, & è directo non conuenientes iudicabis.

Multo plura dari possent indicia, verum hæc potissima sufficiunt, è quibus alia quæuis diligentibus innotescant: eaque hac de causa posui, ut illis quæ significant, præuenire valeant illi, quibus in posterum occurrent. Non enim sine magna possunt experientia cognosci,



sci, scriptis quoque nec doceri completè, nec addisci. Quapropter diligentia maxima requiritur eius, qui peritus earum esse cupit rerum, quas eiminus tanquam è speculo scriptura demonstrat.

## CAP. XIII.

*De vulneribus deprauatis.*

**E**TSI Libellum hunc de recētibus vulneribus conscribere cœperim: quia tamen ea quę per imperitiā putatiorū Chirurgorum deprauantur, indies multo plura sunt alijs, breue fundamentum etiam de his ponendum esse duxi. Primò considerandum erit quid illud sit, quo vulnus deprauatum est, an accidens aliquod superueniens, vel imprudentia medici. Quòd si fuerit accidens, excellentissimum remedium habetur ad omnes vulnerum deprauationes, vt ad cancrum, fistulam, similesq;: hoc ipsum in secūdo Libro patefaciam, vt ars ista recenter inuenta, & hactenus ignorata, nemini collata sit. Alchimia mater est arcanorum in Medicina, quibus desperati curantur morbi, prout in sequentibus audietur latius.

## CAP. XIII.

*De sutura vulnerum, & eius vsu: deinde quid sutura vera sit.*

**T**AM vetus est suture vulnerum vsus, vt eius exordium ferè nemini cognitū sit: qd ad rē, si veteres vsus manere debeāt,



sunt & fatui cum stultis veteres: quid ad sapientem attinet. Si pater tuus aut avus pessime fecerit, vis propterea fallere decipereque homines? quid sapienti negotij est cum fatuitate patris tui? Hoc à me discito. Quamvis aliquod vulnus consueris, ipse perpendas non diu sic manere: nam putrescit, fiuntque posteriora peiora prioribus, ut omittam ea quæ subsequuntur accidentia periculosissima. Ut igitur meliorem futuram addiscas, accipe fundamentum hoc. Natura per se ipsam tantum connectit, ac eo die sanat, & ita consequenter indies usque ad supremum concludit, & melius, ac si tu filis calcificum vulnera consuisses. Propter futuram enim citius aut melius non sanantur vulnera, sed longè deterius ac infelicius. Ista futura tua sit, ac usque: Bonum fac habeas medicamentum: quod quum habueris, eo consue. Si hunc vsum rejicias, nemo te meritò Chirurgum existimare poterit, sed inimicum naturæ verum: & nisi Deus hominum quàm tu sanitatē optaret magis, nullus curaretur unquam. Summum naturæ defectuosæ desiderium est, absque dolore suos curari defectus, quod etiam optimè fieri posse novit: hac de causa curandi processum hunc amat. Verùm abhorret inflatos vrres, Chirurgorumque similium vnguenta. Nec solùm ob ruditatem futuræ contrarior, at etiam propter incidentia mala, quæ per ipsam introducuntur.

Mirum



Mirum sanè, quòd hominum deliria vocen-  
tur artes. Reperiuntur quidem pulueres & a-  
quæ cōglutinantes, quæ vulnus quoduis non  
aliàs connectunt, ac duos asseres optima col-  
la. Hunc vsum ego maximam artem fore di-  
co: nam ipso mirabiliter curantur vulnera,  
prout in secundo Tractatu de Réceptis do-  
cebitur. Si hæc ars loco futurarum venisset in  
vsum, aut mansisset hactenus, multa vulnera  
curata fuissent, quæ malè sana remanserunt.  
Verùm destructiui semper quàm restauran-  
tium copia maior extitit, eo quòd ubi loqua-  
citas, ibidem quæri solet ars, at inueniri ne-  
quaquam. Sic fundamenta ruunt artium, &  
construuntur abusus, qui locum earum occu-  
pant.

## CAP. XV.

*De ligaturis primis, medijs & postremis, ac alijs  
apprimè necessarijs.*

**I**N Chirurgia quædam notanda sunt, ac ab  
initio vsq; ad finem optimè consideranda.  
Quamuis vnumquodque medicamentum  
eorum quæ secundo Tractatu scribuntur, ini-  
tium, medium atque finem per se complecta-  
tur: nihilominus vt citius curentur, & ab ac-  
cidentibus tueantur vulnera, potior hic est  
& conuenientior vsum. Ab exordio vulnera  
curans, oleis, balsamis, & vnguentis vulnera-  
libus, imbutisq; suis medicamētis ligato flo-  
ribus, & istis impleto vulnera tepidis; tum de-



num vnguenta vulneralia, vel fodicationum  
superponito: postremò circū vulnus olea vul-  
neralia cum suis quæ cōtinent ligato, singulis  
horis duodenis renouando continuandoq;  
nouē, vel ad minimū octo diebus. Hoc meum  
est consilium, vt fiat in maximis & periculo-  
sissimis vulneribus, in quibus nerui truncati  
sunt, aut multo peiora quæpiam secta, & vbi  
dubitatur de accidentium incidētis aut con-  
tracturis: quæ quidem euitantur omnia, si li-  
gaturæ primæ tales fuerint, iuxta processum  
hunc obseruatæ. Et vbi vulnera fodicata pe-  
riculosaq; forent, per syringa inspuatur olea  
vulneralia, vt in huiusmodi latebris euitetur  
etiam accidentia. Nam principijs non tam di-  
ligenter obstare quis potest ac necessariū est.  
Si capiti verò sint inflicta, linteolum tenue  
vel byssinum velum, oleo vel vnguento vul-  
nerali & calido madidum (balsamo vulnera-  
li nullo modo) superpone vulnere, sic vt fun-  
dum eius tangat, intacta pia matre tamen aut  
illæsa: postmodum imple sulcum eo medica-  
mento, quod sit ex herbis & floribus in oleo  
vulnerali contentis, & prius expressis: po-  
stremò fodicationum vnguentum superpo-  
ne (non tamen ex illis, quæ non ex lithargy-  
rijs componuntur) ligatoq; vt suprà dictum  
est de alijs, donec perceperis patiētem habe-  
re melius, & roboratum esse. quod plerunq;  
fieri solet in octo vel nouē diebus. Deinceps  
quam feliciter patienti rem succedere vide-  
ris.



ris, oleo balsamino curabis eum illito pluma leniter, & vngueto superposito, tamdiu quousque nervorum iuncturas, aut similia non videaris amplius: tum demum ferè secunda ligatura finem habet. Tertia postremaque ligatura fit nudo soloque; fodicationum vngueto, in finem usque vulnerum, aut cure. Hec est mea medendi ratio, & consilium in periculosis vulneribus, quæ in ossa, nervos, arterias, & similia facta sunt, & de quorum cura desperatum fore posset. Quum tamen ita periculosa non fuerint, poteris vnico tantum vti medicamento, procedereque sine metu. Maximum est hoc negotium, in principio scilicet agere mitissime cum vulneribus, impositis medicamentis, quæ ex fundamento vero composita sunt, & veris etiam superius ab extrinsecis inimicis defendentibus. Sunt præterea quædam alia medicamenta, veluti potiones, & pulueres vulnerum, sublimata ac destillata, quorum usus infra suis capitulis declarabitur.

## CAP. XVI.

*De quibusdam intrinsecis morbis, quæ ex vulnerum conclusorum curis oriuntur.*

Solent plerumque post vulnerum conclusionem infirmitates periculosissimæ sequi. Non solum igitur in conclusione curadorum vulnerum ars tota consistit, verum etiam præventioni quibusvis accidētibus, quæ subsequi pollēt, ordine regimineque bonis opposita. Exemplum



ab his qui minuunt sanguinem, accipiamus exitum hunc, naturæ præparant in auxilium, per quem ulterius luari vult; quod nisi fiat, sequuntur accidētia. Cum in tam leuibus ergo hoc ipsum euenire videatur, quanto magis exitu fuerit opus illis, quibus multa fuerūt inflicta vulnera, vt infirmitates intrinsecæ quæ subsequi possent, euitētur. Industria summa requiritur, vt cognosci queat ac intelligi, qua via ratione q; hoc loco naturæ præparari debeat exitus, & quo tempore cōgruē fieri debeat. Animaduertēdum est etiā, nimiam sanguinis effusionē sæpius pulmonem inficere, quandoq; hydropisim, aut alios tumores excitare, vel aliquoties cōplexionem in aliam à propria sua natura qualitatē inuerrere: quæ de causa vertigines, ventriculi malæ dispositiones, & similia in alijs mēbris oriūtur, latius cōsideranda, quàm hoc loco describi queant. Quam igitur à te curatus quispiam recesserit, hoc regimen ex ordine præscribere decet, vt damna quæuis effugere possit, Nonnunquam etiam per vulnera graues curantur infirmitates. Vidi quendam feruē surdum à plurimis annis, cui fuit amputata cum frusto carnis amplo satis auricula, hoc vulnere curato ab ea parte mēlius audiuit. Hoc ipsum etiam aliquoties accidit oculis, vt clariores facti recuperarint aciem. Sic & in alijs defectibus ægritudinibusq; euenire solet ac potest, quarū sanguis est occasio. Alij fuere q; dysenteria sæpius



sæpius in anno vexati, medio vulneryum sectarum fodicatarumue longo tempore liberati sunt. Podogram etiam plurimis annis retardarunt. Quapropter vno plura consideranda sunt à Chirurgo, necnon æquæ ac utilitates, damna cognoscenda vulnerû. Nam etsi quandoq; noxium quid esse videtur omnino, tamē aliàs vtile reperitur ex altera parte sæpius.

## CAP. XVII.

*De quibusdam in particularibus vulneribus & fodicationibus animaduertendis,*

**I**N genitalib. & pudēdis vulnera plus quàm in alijs partibus doloris inferunt. Eorum ligationis ordo minimè differt ab eo, qui de cæteris dictus est, vtpote cum obseruatione principij, medij, finisq; ad mitigationem doloris, aut inflationis tumefactionisq; depressionem in illis concurrentium. Istud medicamentum cōfici debet ex farina fabarum in vino & aceto cocta, calidumq; superponi quantum pati valeat æger: & cum refrigerit, iterum vt prius innouatū calidumq; superponatur, donec sedetur dolor: vel fabarū loco farinæ, sumatur ex furnis argilla vsta, præpareturq; vt farina, & eodem superponatur modo, quousque dolor cessauerit. Si fortè his remedijs nollet cedere prorsum, accipe florum camomilæ manipulum vnum, & florum verbasci vel raxi barbati tantundem, coquantur in oliua.

C S



rum oleo donec in modum emplastri reducatur, hoc superpone calidum. Rursus ubi non iuuerit, ebulum in vino coctum superpone: postremum hoc est in his remedium.

Intestinorum vulnera debent artificiose connecti cannulis argenteis, modo fieri possit. Euenire solet etiam ut secessus intestinum una cum excrementis exeat, quod eo si peruenire poterit, bene est. Verum industriam id requirit maximam ab omnibus non subeundam.

Præcipua quæ à Chirurgo notanda considerandaque; (præter illa quæ de receptis cognoscenda) sunt, hætenus aperui. Quæ si quis non intellexerit, secundi tertijque Tractatus recepta si bi sunt inutilia.

## SECUNDVS TRACTATUS CHIRVURGIAE D. THEOPHRASTI PARACELSI.

*De medicamentis, artibus & receptis, per quæ vulnera, fodicationes, iaculorum ictus, & similia curantur.*

### Præfatio.



Hoc sequenti secundoque; post primum Tractatu meo continentur omnia recepta & medicamenta, quibus verissimè certissimeque iuxta naturæ verum ordinem, quodlibet vulnerum genus, aut fodicationum cura.



curatur, & eò, quò peruenire debet ac potest, perducitur, neglectis prorsus eis quæ ab alijs scripta sunt. Chirurgiæ fuit hætenus & semper verum & certissimum fundamentum, at a putaticijs Chirurgis deprauatum & falsificatum.

Quod quidem expertus sum, hoc vobis palam facere possum, quò melius & quinã corrigendi sint. Lege igitur addisceq; recepta quæ sequuntur, quibus fideliter agere cum proximo, non aliàs quàm ipse tecum fieri cuperes, ex æquo valeas. Considera, superbiam, vanam gloriã, pompam & multiloquium curare minimè posse, at solam artem. Quapropter abijce quicquid arti contrarium est, vt perfectus fias in Chirurgia medicus.

## CAP. I.

*De abstinencia, regimine & ordine, quæ à vulneratis obseruanda sunt.*

Cùm sanis corporibus in ordinatus viuendi modus noceat, quanto magis infirmis. Id ipsum in vulneratis considerandum est, præsertim quòd videamus ordine bono cibi & potus ac regimine vulnera curari posse, pariter & malo depruari. Seruandus est igitur vt in omnibus, & in vulneratis ordo bonus qui faciat ad sanitatem, cōtra quem nihil admittendum erit. Nam ordo malus & medicamentū, licet optimū, nihil operari boni pos-



sunt: nec medicamen cum bono regimine pra-  
uum. Inde sequitur vulneratos cibis & poti-  
bus optimis alendos esse, iuxta sui tamen sto-  
machi digestionem.

Ordinem & usum hunc obseruato. Si qui-  
spiam potus existens vulneratus fuerit, sine ta-  
lem in secundum vel tertium aut quartum di-  
em superfluum hoc quod sumpsit, optimè di-  
gerere: interea tamen poteris illi offas aqua  
madidas, & auenæ farina concoctas admini-  
strare, potumq; dare decoctionem ordeï. At  
si ieiunus vel nō potus aliquod vulnus recepe-  
rit, optima quæq; saniora dabis, quòd eius na-  
tura non sit alterata in digestionem, prout alte-  
ra poti, qui duo iam habet vulnera, prius in-  
trinsecum naturam corrumpens, alterum ex-  
trinsecum in carne.

Cibus vulneratorum sæpius mutandus est,  
eorumque varius appetitus extinguendus, &  
non reprimendus, nisi talia forent ab eis desi-  
derata, quæ in omnibus egritudinibus prohi-  
bita sunt, vt suillæ carnes, anserinæ, aquatica-  
rum auium, &c.

Hoc loco potissimum est, vt sæpius & qua-  
libet vice parum cibentur & potentur vulne-  
rati: non obruantur eis vllō modo, nec diu fa-  
meant, aut sitiant. Nam eorum sitis ex iecore  
procedit, quod à vulnere suum cogitur nutri-  
mentum exhibere, quapropter est in vulnera-  
tis extinguenda sitis: quæ quidē potius quàm  
sitis medicamentum est ad curam excitatum.

Est



Est ergo potus istorum concurrens medicamentum, & in vulnere solatium: sic de cibo iudicandum erit.

Præter necessitatem edere vel bibere non cogantur, siue grauitè aut leuiter vulnerati, nisi foret infrigidatus ventriculus, & hac de causa non appeteret cibum, propter digestionis in eo defectum: quo percepto, calefacienti stomachi gratia poterit cibus administrari calidus & potens qualibet vice parum & sæpius: vt sunt offæ carniū iure madidæ, vel pul-tes, quas Germani vocant adustas. Non est quòd latius de cibo vel potu scribatur, quàm vt respectu personarū leues atq; digestibiles administrentur, suis etiam temporibus, vtpote quum exigit ipsa natura. In potu plurimum erit animaduertendum, vt adhibeatur ex equo: nam plus vulnerati sitiunt quàm fament, ob sanguinis effusionem (vti suprā dictum est) quam sitis, & non ita fames sequitur. Siquidē ex effusione sanguinis, iecori suum deficit nutrimentum, & nō stomacho: quapropter sua siti nobis indicat huiusmodi restauratum cupere defectum. Quod stomacho defecit, non est ita metuendum, nec tanti momenti hoc loco: citius enim & leuius corroboratur ventriculus ipso iecore. Stomachus omnis hac ratione suā digestionē amittit, quòd ex cibo suo iecur satiare non potest: attamen potum digestio parum appetit. Pluris igitur quàm stomachum iecur facito, quòd istud vulnere suum



nutrimentum exhibeat. Et quanto magis in se potus habuerit sanguinis, id est, in eum erit potius convertibilis, tanto magis vulnus ad sanationem promouetur. Quamobrem potissimum & optimum iuxta regionis commoditatem, quem habere valeas elige potum.

Iubeto vulneratum quiescere, ne membrum fatiget ægrum, eo melius curabitur.

Et si forte quæpiam infirmitates inciderent ut supra, scias addere vel detrahere: ut si contorsiones fierent membrorum, aut epilepsia vel spasmus accederet, caprinas carnes ne dederis, & si febres, ouorum nihil: sic de cæteris infirmitatibus ad vulnera concurrentibus.

## CAP. II.

*De obstructione alui, eiectione per os, & urinæ defectu, vulneratis aliquando contingentibus.*

**Q**Uod vulneratis aluus obstruatur, ex sanguinis effusione fit potissimum, quæ naturam debilitauit magis, quam expellere valeat: secundò, longa decumbentia id etiam operatur: tertio, famis atque sitis defectus: quarto, vulnere natura calorem concipit, qui siccat & consumit: quinto, sitis indicat obstructionem alui siccitate causatam esse.

In his animaduertendum, opus non fore laxationibus nisi post diem tertium, aut paulo diutius, vel ubi cordis astrictionem senserint, quo percepto suppositorijs inprimis utendum erit:



erit: quæ si non iuuerint, cassia fistula detur, aut electuarium ex succo rosarum, diafinicon, aut benedicta laxatiua, iuxta cõmunẽ vsum.

Non sunt etiam contemnendæ potiones decoctionum, quæ fiunt ex folliculis senæ, poly-podio, similibusq;.

Euenire solet aliquoties vt vulnerati per os eijciant, aut saltem ad hoc proni sint. Quũ id contigerit, accipe frumentacij fermenti manipulum vnum, cum succo mentæ & aceto contusum, & in emplastrum coctum, ac stomacho superpositum, teneatur donec refriixerit: post modum calefactum iterum apponatur quoties ederit, ac duabus vel tribus horis postea super ventriculi cauitatẽ relinquatur. Non vsq; adeo curandum est istud accidens, cum nõ sit admodum periculosum, nec in malum finem tendens, sed vt natura fortificatur, per sese trãsit in nihilum.

Quum autem vrina meatũ sistit, da patienti cancerorum oculos in aqua vel succo raphani tritos in porum, & si non iuuerit, crocus in saeculo pudendis alligetur extrinsecus, aut glandes edat siccas, etiam cum vulnere cura cessat.

### CAP. III.

*De preparationibus medicamentorum instructio generalis.*

Viuis medico familiarissimũ inter cætera. **C**fore debet hoc, scilicet vt cognoscãt in quã pparatiõe quoduis poti⁹ ac potēt⁹ vires suas



exerit quicunq; id ipsum non didicit, ad Medicinam aptus esse minimè potest. Est enim differentia maxima calorum coquentium vel digerentium: calore siquidem præparantur omnia, vel ignis, solis, fimi, vel naturaliter innato: quæ sic intellige. Quum aliquod medicamentum in phiala vitrea soli fuerit expositum, aliam virtutem habet, quam si calore digestum fuisset ignis ligno facti vel fimo: & in hoc postremo coctum aliam, quam in sole vel in igne. Discrimen est etiam inter calorem arenæ & aquæ, licet ambo calorem ab eodem igne recipiant externo, pariter & simili modo. Cum igitur consideratu maximè necessarium, ut vnumquodq; sit in cōuenienti sibi calore præparatum, æquum etiam erit hoc ipsum declarare, quo digeri queat in sole quod illi conuenit: & in reuerberatorio quicquid ab eo præparari debet: ac per se teneri, quod ex seipso præparatur: ut vinum in suo vase, necnon in fimo perfici, quod in eo potest emendari: quod uis cōgruo tuo loco, prout in sequentibus receptis habetur apertissimè. Discite igitur quis naturæ sit ordo cognoscere simul & experiri, qua via quæue ratione præparari cupiat, aliàs quod in ipsa virtutum est ac operationum, perficere non potest. Huiusmodi præparationum tantillam antiqui fecere mentionem, quantam ab Alchimistis & admodum sobrie sugere potuerunt absq; vero fundamento: quamobrem hoc illò, & aliud aliò destinant.



runt, singula quò non pertinent: inde manifestè patet eorum ignorantia maxima.

## CAP. IIII.

*De præparationibus vulneralium ciborum & potuum, correctionibus, viribus & virtutibus eorum.*

**T**anta vis atq; potestas est vulneraliũ potionum, vt auxiliante natura quidem intrinseca, vulnus quodque fodicatum curet. Etenim si naturà per seipsam proprius sibi medicus existat, solumq; hoc vnum cupiat, vt ab extrinseca iuuetur ob communem inter se se conuenientiam, & symbolisationem (quod certissimum est) externa debet internæ coniungi naturæ. Habet itaq; natura quædam corpora, quorum virtutes alijs in corporibus usurpandæ sunt, & ex similibus fieri vulnerales potiones debent, vt in suum ea recipiat natura cibum: ea ratione sibi medicamentum associatur, vt vulnera curetur naturaliter. Quapropter apprimè necessarium, vt vulnerum potiones doceatur iuxta suum ordinem, cum probatissima certissimaq; sint medicamenta, quibus cum sectionum, tum fodicationum vulnera curatur omnia. Quauis potiões vulnerales semper in vsu fuerint: inconueniētibus tamen compositæ partibus & præparationibus vanis ac inutilibus imperitia medicorum extiterunt. Sunt itaque veræ potiones vulnerales medicamenta nedum, verumetiã

D



nutrimēta. Pariter & cibi vulnerales fieri possunt, hac ratione videlicet, ut eadē, quæ dictas potionū cōpositiones intrans, vnā cū cibo coquantur & edantur. Verūenimvero quòd in stomacho tardius digerūtur, non ita celeriter auxilia sua præbēt vulneribus ut potiones: & quia plerūq; ventriculus ad digestiōē est indispositus, omissum fuit istud medicamētum, ut natura non debilitetur amplius. Si tamē fieri possit bona digestio, perquam vtile fuerit, vnā cū potionib. exhibere. Variæ sunt potionū vulneraliū decoctiones, quòd varia sint ea similiter è quibus fiunt, ut centenariū ferè numerū impleant: è quibus quinque vel sex plus vel minus eliguntur, ut in aliud corpus transferantur, scilicet in vinū. Quicquid sit, nōnulla meliora peiora quædā, alia suis in operationibus tardiora, celeriora sunt alia, quæ prout à Chirurgis cognita, medicamentū inde simile resultat. Erit igitur maximè necessarium inprimis quæ potiora fuerint cognoscere, quibus maxima virtus ad prædictas potiones est insita, præparareq; iuxta naturalem eorum ordinem: hac via potest vnumquodq; vulnus sectione fodicationeq; factum, ad sanitatem adduci perfectissimā. Potiones quæ dictæ sunt, ac cibi simul sumpta plurimis accideribus occurrunt, ac futuris aliàs damnis. Nam in suo temperamento conseruant naturam, ut mitis maneat, utq; nullam occasionem inueniat aliud quod accidens vel damnum inferendi: siquidem



idem omne quod naturam in pace conseruat,  
efficit etiam vt ipsa de nutrimento minimè cō-  
queratur: quo non deficiente naturæ, mem-  
bra sanantur præter incidentiam prauorum  
accidentium. Idipsum nō ita facile per extrin-  
seca medicamēta fieri potest, velut per intrin-  
secus adhibita. Quamobrem ad vulnerum po-  
tiones & earum parationis ordinē quilibet Chi-  
rurgus animum studiumq; summa cū diligē-  
tia dirigere deberet, quòd potius medicamen-  
tum eis reperiri nullum valeat, aut quo euita-  
ri melius possint accidentia praua. Præter  
eorum quæ ponemus ordinem inferius, excel-  
lentissimas vidi potiones vulnerales, quæ pe-  
culiari sua natura mirabilia curarunt vulnera,  
naturaliter tamen, & ita supra cætera medi-  
camenta, vt meritò forent admiranda. Vidi  
quendam Vualachum in ciuitate quadam  
quæ Alba Græca nuncupatur, is vnico potio-  
nis haustu patientibus adhibito, vulnera quæ-  
uis cū secta tum fodicata curabat. Quamuis  
hæc nō omnibus, nec in omnib. locis, neq; in  
vulneribus omnib. valeat aut certa sit, nihilo-  
minus cum ægrotos animaduertissem eius &  
vulnerum situs, percepi quæuis eiusdem ge-  
neris vulnera hoc modo curari posse leuiter:  
quòd verò tale vulnꝰ, aut ita sitū nō esset, falle-  
bat: est in ipsa natura tamē virtus hæc magna.  
Vidi pariter in Croatia Egyptiū circūuagantē  
vnius herbæ succū semel in potū dedisse vul-  
neratis, & curasse quæuis fodicata vulnera.



Verum quæ in accidens erant prona, curare minimè poterat. Iidem in Stockhalma Daniæ vidi potionem vulneralem apud mulierè nobile, cuius tribus haustibus, præter ea quæ sectos nervos & ossa rupta continerent, alia quævis curabantur vulnera. Cum tamen rarissimè caro sola secetur, nō est similibus omnino fidendū. Aliàs daemonum coniuratorè vidi, qui tribus haustibus alicuius potionis vulneralis omnia tam ossium quàm neruorū vulnera curavit. Sed quum eius rei veritatē examinasset, didici nō curasse portiones, at id solum quod superposuit vulneribus: quod etiā in alijs capitulis & suo loco dicitur. Interim quæ potissima sunt, ac principalia fore iudicē ad huiusmodi portiones, inferius enumerabo, quibus indubiam fidem adhibere poteris, ac illis omne genus vulnerū, excepto nullo curare. Pariter, quæ præparari debeāt cōponiq; dicemus infra: numerus eorum hic est.

Diapensia alba. Diapensia campestris. Alchimilla. Serpētaria. Ophioglossum. Consolida sarracenicæ.

Bauciæ flauæ folia. Pirola vtraq;. Persicaria. Bleta alba & rubea. Cauda pavonis. Glādes. Muminia. Sperma ceti. Terra sigillata vera. Reubarbarum libanotis. Asarum. Agrimonia. Consolida maior. Polytriconis Apulei. Liliū conuallium.

Plura sunt & multo, quæ hoc loco numerare superfluum esset, cū inter ea quæ superius ponun-



ponuntur, tria sint vegetabilia, quorū cuiusvis succus haustus quodcūq; vulnus sectū aut fodicatū curat. Etiā duo sunt inter illa, quæ recenti prius aqua frigida madefacta, vulncriq; superposita, citius curant, quā herbarum alterutra putrescat.

Vnum est adhuc inter eadem, quod ter haustum vulnera secta necnon fodicata curat, etiam si forent periculosissimis accidētibus arrepta: his quidē ablatis illa curat perfectissimē. Sunt etiā inter prædicta, quæ vulnera curant intestinorum, non aliās quā carniū. Mirabilis enim est natura suis in arcanis, quæ quidē addiscere, necnō experiri, pulchrū est & utile: non sine tamē id labore maximo, summa diligentia, necnō experientia multiplici fieri poterit. Iam ergo potiōes vulnerales iuxta verū ordinē & vsum earū ponam, quas diligēter addiscito, vt bonus atq; perfectus Chirurgus factus, in vtilitatem Reipublicæ cuiq; laudem, artem exercere valeas.

## CAP. V.

*De præparationibus antiquis, & postmodum recentioribus vulneralium potionum.*

**A**ntiquis hic vsus fuit, vt herbæ vulnerales in vino coquerēt, ad cōsumptionē tertiæ partis vel medietatis. Ista præparatio cōtra naturā est & verū ordinē: quia si vinū p se bullire facias vt suprā, frigesieri q; sinas, reperies insipidū liquore naturæ prorsus cō-



trariū: euaporauit enim quod viuū erat in au-  
ras, & remāsit foetidus acidusq; liquor naturæ  
penitus inutilis. Quia, ppter si hoc euitare cor-  
rigereq; velis, ac retinere vinū in suis virib. ad  
iuuandā naturā idoneū, in stanneū cantarum  
aut lagenā positū, & pultibus farina factis ob-  
structū, in aquā bulliat p horā vnā, aut sesqui,  
hac ratione suas vires nō amittit, sed in sua na-  
tura manet integrū, & in id herbarū virtutes  
imprimūtur perfectius ac fortius, quā in ex v-  
su vetere. Diligenter igitur quē tibi modū po-  
fui serua, ne foetidū & insipidū naturę potū in  
sui derrimētū pares. Est etiā vtilissim⁹ vsus, vt  
in Septēbri, quū vinū adhuc recēs est à torou-  
lari, statim reponatur in doliū vulneralib. her-  
bis prius impletum, & ita simul digerātur per  
tres mēses, quibus absolutis abstrahatur, erit  
hoc vinū potio vulneralis vtilissima, quæ nul-  
la coctione, præparatione uē latius indiget: nā  
est iam potus vulneratorū optim⁹. Vsus verò  
me⁹ cōmuniter hic est, quū vinū administrari  
patiētib. nō potuit, neq; debuit, vt herbas vul-  
nerales optimē dissectas & virides in cantarū  
posuerim obstructū pultibus, & in aqua feruē-  
te coxerim octo horis: inde liquorē habui, po-  
tionēq; vulneralē, quā patientib. administra-  
ui. Est hic potus vtilissimus illis quib. vinū bi-  
bere nō licet, aut in capite vulnerati sunt, &c.  
Triū harū quālibet quocūq; modo vulneralē  
portionē præparaueris iuxta pportionū ordi-  
nē, vtilis erit. Iste modus etiā nō est inutilis,  
vt her-



vt herbarū vulneraliū succos in cantaro sicut pri<sup>9</sup> audiuiti, coquas in aqua bulliēte, fiet ex eis optim<sup>9</sup> pot<sup>9</sup>, cui poteris parū aromatu addere, vt reddatur gratior acceptiorq; naturę. Itidē intelligēdū erit de cibis vulneralib. Quicquid cibi voles adhibere patienti, carnes aut gallinas, in catarū cū aquæ tāta quātitate quātū iuris habere cupis, additis insuper vulneralib. herbis posita quæq; obturato cantaro coquātur in cacabo fēruēte aqua pleno, suo tempore cōueniēte. Hic cibus erit vulneratis utilissimus ad curā. Poteris etiā aquæ loco sumere vinū, p his quibus non oberit: cibus hic est nutriendi vulnera præ cæteris omnibus.

*Instructio quedam, ad componendum aliquas vulneratorum potiones.*

R. diapēsiæ vel saniculę. pirolę, cētauriæ, betonicę, ana manipulū vnū, cōsolidę regalis m. ss. Agrimonie m. ij. coquātur ex ordine prædicto.

*Alia potio.*

R. dragunculi m. iij. alchimillæ m. ij. pirolæ minoris m. j. alyssi m. j. ss. reubarbari ꝯ. j. reuponticæ ꝯ. iij. & coquantur vt supra.

*Alia.*

R. angelicæ ꝯ. ss. mumię ꝯ. j. spermatis ceti ꝯ. ij. cōsolidę sarracenicæ m. ij. ciclamini ꝯ. ij. pirolæ vtriusq; ana m. iij. vini quantum sat est: coquātur vt alia. Alio modo præparari possunt istæ potiones, vtpote, si destillatas aquas ex vulneralib. herbis acceperis, easq; suis herbis iterum imbibaris, & in clauso cantaro



coxeris vt suprà, potiones fient excellentissi-  
mæ, quarum vnum exemplum hoc habe.

R. pirolæ minoris aquę mensuram j. cui pi-  
rolæ m. j. inijcias, diapensia m. ss. peruinca  
tantundem: coquantur vt suprà.

Est & alius processus, iuxta quẽ fiũt omniũ  
excellētissimæ potiones, in modũ quo para-  
tur albũ oleũ baccarũ iuniperi, vulneralib. her-  
bis adiũctis, & simul præparatis omnib. Hic  
processus omniũ est artificiosissimus ac subti-  
lissimus, præ ceteris etiã eligendus. Nã in iuni-  
perinis baccis latet peculiaris ad sananda vul-  
nera virtus, quapropter suadeo quibusuis vt  
præparationẽ hãc addiscant. At quia p destilla-  
tionis artẽ fieri debet quæ hoc loco nõ doce-  
tur, nec eo ponendã esse iudicavi. Verũm qua  
ratione quæuis potio cũ prædictis præparari  
baccis valeat, in exemplum adducam.

R. baccarũ iuniperi libras ij. optimẽ tritas,  
pirolæ vtriusq; , alysi, radices diapensia albæ,  
ana m. ss. ophioglossi m. j. ss. cõsolidæ maio-  
ris, aristologiæ rotũdæ ana ʒ. v. psicariæ ʒ. iiij.  
præpara secundum artẽ huius destillationis.  
Poteris etiã easdẽ aquas ex huiusmodi destil-  
latione puenientes vulneralib. herbis affun-  
dere, necnõ in cãtaro præparare sicut antea di-  
ximus: nec solũ è baccis, verum etiã ex cin-  
namomo, similibusq;. Subtilis alia fieri potest  
præparatio, si flores vulnerales vnã cum spicæ  
floribus, non aliàs quàm oleum de spica pa-  
retur in pinguedinem. Dosis tamen eius exi-  
gua



qua cum cibo vel potu fore debet: in cuius declarationem hoc vtemur exemplo:

R. florum spicæ m. j. florum hypericonis m. iij. florum taxi m. ij. florum betonicæ, centauriæ, prunellæ ana m. ss. præpara secundum usum de spica dictum.

*Alius præparationis modus.*

Accipe consolidæ maioris ℥. ij. aristologie rotundæ ℥. iij. calami aromatici ℥. j. iridis ℥. ss. saponariæ m. v. diapensia alba m. ss. herbæ caudæ pavonis ℥. ij. myrrhæ, masticis, thuris, mumia ana ℥. ss. reubarbari ℥. j. ss. coquantur in vino vel in aquis destillatis, vel in succo pirolæ, aut in aqua communi, prout commodius fieri potest.

Haftenus de vulneralium potionum præparationibus dictum sit. Multi reperiuntur qui bona recepta habent, si tamen ut supra diximus, præpararentur, efficaciora forent, ac magis utilia.

Dosis huiusmodi potionum discretionis tuæ relinquitur, qua præparationum vires & efficaciam cognoscere debes ac iudicare.

C A P. VI.

*De præparationibus unguentorum vulneralium, quibus in medicamentum efficacius alijs adducuntur.*

**V**ngueta vulneralia medicamentum sunt præ cæteris antiquissimum, experientiaq; probatissimum ad vulnera: quod



in usu fuisse priusquam alia foret excogitata, scitur. Omnibus hæc ars communis fuit ac familiaris: nam à popularibus inuenta, patribusque familiis & suis asseruata domibus: quod medicamentum compositum erat ex eis, quæ cuique suis in campis creuerunt, & hortis, quæque potuit vnusquisque serere metereque.

Istorum vnguentorum vulneralium fundamentum in duobus tantum constitutum fuit, scilicet in melle, & in butyro, quæ duo vulgus potissimum elegit, quia considerarunt apes & floribus & herbis plurimas virtutes exugere: cumque illa multas habeant, & mel habere necessum esse cogitarunt. Pariter & vaccæ pascuntur multis herbis & floribus optimis, quapropter & butyrum easdem habere virtutes debet. Hac ratione mel & butyrum electa sunt corpora, quibus medicamentum inderetur. Ex istis considerationibus ortum est, ut medicamenta quæ in campis creuerunt, cum melle butyroque fuerint vnita, seruata, & his postmodum curata vulnera. Certissimum est, veram atque perfectam artem hæc existere, & vnguentorum usum. At surrexerunt postea sophistæ Medici & Chirurghi, qui contemnentes artem istam coram popularibus rusticam eam appellantes, alias excogitarunt prauissimas, & optimas abiecerunt.

Iam similia ponam recepta, ut iterum in usum redeant. Poterit loco butyri mel, vel in istius locum alterum substitui: hoc est, quoties  
vnum



vnũ reperitur scriptum, alterum accipi.

*Vnguenta cum butyro & melle.*

Accipe butyri de mense Maio facti, crudi, non cocti, cui per contusionem immisceatur vtriusque plantaginis, vtriusque pirolæ. Ble- tæ cum radicibus ana m. j. dracunculi ming- ris vel ophioglossi m. iij. misceantur omnia tundendo simul vt fiat vnguentum, quod so- li clausum in vitro poterit exponi menses ali- quot, & postmodum ab impuro colari, sic de- fecatius reddetur ac purius.

*Aliud.*

Accipe Maialis butyri libras tres, radicis consolidæ maioris viridis lb. j. ophioglossi lb. j. ss. lumbricorum purgatorum lb. ss. aristolo- giæ rotundæ viridisque ꝑ. iij. terantur omnia simul in pultes, & postea reponantur in locum frigidum, & si pinguedinem emittant, poteris eam abijcere: soli pariter exponi potest, vel in fimo digeri, postea seruari.

Hoc seruatõ processu, diuersimodè com- poni poterunt vnguenta vulneralia, quæ per se potentia sunt quoduis curare vulnus: addi potest etiam parum salis, ad humectationem: vel aqua salis ablui debent aut salsa.

Vnicum potes etiam tantũ assumere prout mel & dragunculum, mel & flores hyperici, butyrum & consolidam maiorem, aut plura simul ex his, quæ vulnerales inter herbas pu-



merantur. Et quia potior & efficacior vna est altera, meliores eligito pro commoditate regionis & loci.

*Vnguenta quedam ex resinis.*

Postquam ex butyro melleque vulgus vnguenta vulneralia reperisset, alij resinas ex arboribus fluere conspicientes cogitarunt ex istis alia sibi conficere. Resinarum verò diuersa genera sunt, vt abietis, laricis, &c. gummi que, iuxta cuiusque regionis & loci naturam, sibi quisque peculiaris præparauit vnguenta. Perfectissimæ sunt artes istæ, quarum aliquos recepta ponam, vt vnusquisque sumere valeat quod in sua patria vel habitationis loco crescit, in vnguentum quoque præparare.

In Germania resinarum excellentissimarum duo tantum genera producuntur, vna abietis, altera laricis: cuius posterioris dabimus exemplum.

R. resinæ laricis lb. j. ouorum vitella xx. contunde simul omnia, fiet inde flauum vnguentum, huic impone consolidæ maioris, optimè tritæ ℥. ss. aristologiæ rotundæ contusæ ℥. j. ordeï farinæ ℥. vj. contere simul omnia, & fiat vnguentum, quo curabis vulnera quæcunque voles.

*Aliud ex resina abietis.*

R. resinæ abietis claræ mundæq; lb. ss. liquefiat suauiter igne lentissimo, huic injice butyri



butyri parū, & misce fortiter, cōtere postmodum in mortario cum æquali pondere consolidæ maioris, vt vnum inde fiat, quo vulnera curato.

*Vnguentum ex cera.*

Post istas artes exorta sunt vnguenta cereæ, cum resinis mixta simul, & oleo temperata, postmodum adiectis vulneralibus herbis earumq; radicibus, vt suprà dictum est sæpius.

Est nihilominus inter alias artes minima, quāobrem eius hoc loco paucam admodum facere mentionem volui.

CAP. VII.

*De præparationibus oleorum & balsamorum vulneralium.*

**O**lea vulneralia penes antiquos in communi reperta sunt, & postmodum ab Alchimiſtis balsama. Cū veteres vnguentorum vulneralium considerassent virtutes, eademq; melli butyroq; miscuerant, oleo pariter coniunxerunt, experientes vtrum vnirentur ei prout alijs. Quum & hoc sibi successisse feliciter vidissent, eo sic vsi fuerunt oleo. Primò lauerunt vulnera vino, demum inunxerunt oleo, curaruntq;. Huius etiam artis meminit Christus vbi de Samaritano loquitur in Hierico vulneratum à latronibus curante. Quamobrem coniectare licet artem hanc fore vetustissimam, & olim priscis in ma-



ximopretio fuisse. Postmodum aduenerunt Alchimistæ, qui destillata crudis olea præstare indicantes, ea quæ crudo prius admisceri consueverant, oleo destillato non feliciter addiderunt, & alterius vsi loco nomen propter destillationem immutarunt, vocaruntq; balsama. Nonnulla quidem est inter destillatum & crudum oleum differentia. Verum ego sum expertus oleum destillatum non debere hoc esse quod ab Alchimistis laterinum dicitur, sed absque mixtione alterius rei destillatū per vas retortū, donec mutari color cœperit à natiuo, scilicet in rubedinem, quo percepto recipiens ampuendum, & in eo reperietur oleum priorē colore, nec odore vix immutatum: hoc vtere quum balsama voles ad vulnera componere. Terebinthinam pariter vter oleum nimis destillarūt Alchimistæ, cui vulnerales herbas imposuerūt: at errore suo hoc etiam nō caruit. Nam vbi hæc tam acriter destillata est, calida subtilisq; nimium efficitur, ad promouendam carnem in vulneribus: quapropter vt oleum destillari debet, vt in suo maneat odore, coloremq; rubeum non concipiat. Latius tentatum fuit, vtpote gummi, resinas & ceram destillare, sed absq; fructu: quare manet olei terebinthinæq; destillatorum aut crudorum vsus: e quibus aliquot infrā ponemus recepta.

De



*De balsamo crudorum vel destillatorum olei  
cum alijs, & terebinthinæ.*

R. terebinthinæ libram vnam, florum camomillæ, rosarum rubearum, prunellæ ana m.j. florum hypericonis m.ij. florum centauriæ, chelidonix ana m. ss. commisce simul & expone soli, spatio duorum mensium. Hoc oleo vel balsamo curare poteris vulnera mirabilia sine dolore. Potest etiam anno reuoluto hoc exprimi, necnon recentibus imbut floribus, & exponi soli sicut prius: admirandæ virtutis est balsamum, siue cum oleo, siue cum terebinthina compositum sit.

*Alia balsami compositio.*

R. ophioglossi, pirolæ minoris, agrimonix, diapensix, ana m.j. florum hypericonis m.ij. consolidæ maioris coctæ m. ss. lumbricorum purgatorum numero centum. Affunde corpus, & in sole digeratur omnia suo determinato tempore. Hoc ad omnia vulnera balsamo potes vti feliciter, & ea curare citra dolorem.

Addi possunt huic oleo, mumia, mastix, myrrha, thus, at parum: nam olea balsamaque vulneralia delectatur plurimum herbis & floribus magis, quorum hypericonis hoc loco nobilissimus est. Addi solet etiam gummi, quod fatuum: aliquoties viride eris, & vstum, & limatura ferri: sed minimè laudabile est.

Earundem etiam herbarum quibus imbu-



ta sunt balsama, seminibus cōtritis iniectisq; si digerantur post herbarum digestionem, per hyemem in calido loco vel in æstuario seruata, olea longè sunt efficaciora.

Postmodum vt artium vna post aliam orta, vernicis ars reperta fuit ex carabe flauo, cuius artifices in aliquibus damnis corporis experti sunt, videlicet in vberibus mulierum exulceratis, & alijs plerisque foraminibus curam eius felicè esse. Quod quum animaduertissent, vernicem herbis & floribus dictis expleuerunt, & vt alia balsama soli digerendâ exposuerunt. Et quamuis præparatio tarda sit, ob eius tamen efficacem operationem cum in sectis & fodicatis vulneribus, tum in vlceribus maximopere laudandum est balsamum. Adduntur huic vernici quum ad medelam assumitur & prius, mastice ter tantum quatum vernicis fuerit, myrrhæ & thuris ad eius medietatem. Etiam dum vernix adhuc est in digestionem, debet adiungi mumia iuxta compositionem.

Tentauit postea vulgus olei loco terebinthineq; medullas ossium & pinguedines ex animalibus, in his tam diu hæserunt, donec ceruinas didicerint inter brutales excellere medullas, quas, aut bouillas (deficientibus alijs) expleuerunt herbis eorumq; floribus vt supra, soli q; digerendas simul exposuerunt, quousque suo tempore vulneralia facta sint olea. Postremò repererunt humanas medullas



las omnes alias præcellere, magisq; fore utiles. Non aliàs de pinguedinibus animalium actum est, utpote floribus & herbis, cum in olea vulneralia redactæ sunt, quibus omnia vulnera curata fuerunt. Inter brutorum pinguedines, gallinarum & caponum optimæ compertæ sunt, verùm illas ac omnes alias humana plurimùm excedit. Inter pisces nō est præstâtior ea quæ à Germanis appellatur Aesché-schmaltz.

Potest etiam ex oleo terebinthinaq; destillatis per præcedentem additionem subtilissima vernix fieri, quæ plus alia non destillata valeat.

Varia sunt quidem oleorum & balsamorum genera, quorum hîc nullam facio menciónem, at paucorum, quòd sciam ea quæ tibi iam posui, certissima fore, quibus te certiore facere possum, ad vulnera quæq; fore præstâtissima. Poteris ipse tibi iuxta commoditatem regionis in qua fueris, & ex ordine sequentis Capituli recepta componere.

## CAP. VIII.

*De curatione vulnorum per ea quæ munda conseruât illa, suaq; mundificatione sanitatem cōciliant.*

**C**um proprium natura balsamum penes se habeat, quo sua damna resarcit, & alio non sit opus quàm vt munda conseruentur vulnera: mundationis ordinem istius æquum est vt demonstreimus. A cane

E



sumptum fuit exemplum, qui vulnera sua quæque, modò lambere possit ea, promouet magis ad sanationē quàm curret: nam is mundat solùm, & natura curat. Hoc ipsum imitati homines, manuum vulnera pariter lambentes canum instar, experti sunt in seipsis quod in canibus apparet. Aliqui lauerūt lotio curarūtq; verū quòd hoc facile foetorem vulneribus induxit, & sæpius ista repeti debuit ablutio, latius perquisierūt, ac vrinq; loco sumpserūt vinū, & quia parum in maioribus vulneribus effecit, ad salsam vêtum est aqua: ista quidem & lauerūt & curarunt vulnera tam hominū quàm brutorū animalium. Communis hic vsus fuit, qui postmodum in dissuetudinē successu tēporis abiit, alijq; mundationū accedere modi, quorū aliquot in sequētib. enarrabo.

Acceperunt herbas vulnerales, easque vino coxerunt vel aqua, sale iuxta libitum addito: decoctione hac sæpius lauerunt vulnera, fauumque mellis contusum vnguenti loco superposuerunt.

Alumine soluto in aqua cū modica lapidis gagatis, lauerunt & curarunt etiam vulnera.

Item succo bursæpastoris, vel plantaginis, aut aliarum herbarum cum sale modico lauerunt. Multę sunt herbę similes, quarum succi vulnera quæuis curant.

Apud Arabes mel & sal paucum infundere vulneribus communiter ysitatum est antea, quo curatum est remedio.

Sunt



Sunt etiam alię mūdificationes, quibus mirabiliter curantur vulnera, prout si perficaria recenti prius aqua imdefacta vulneribus carnis imponatur, illa curat virtute salis in ea naturaliter insiti.

Sæpius oleo terebinthinæ salso curata sunt, quæ communiora fuerunt vulnera.

Nec est quod mireris simplices artes quas modò posui: talis est naturę proprietas, vt per se ipsam curret, vbi mundificatio seruata sit, ac potissimum, ne per medicamentum aliquod irrumpat accidens, vti plerunq; solet imperitia Chirurgorum evenire, quare meritò detegendum. Verùm alius ordo necessarius est ad euitandum accidentia, quia communioribus illis quę dicta sunt, minimè fieri potest: in illis autem in quibus talia non expectantur, simplicioribus vti poteris, vt in superfluas artes putatiorum Chirurgorum non incidas. Tardè curare melius & bene, quàm tardius superfluis artibus deprauare, quę per se mala sunt.

## CAP. IX.

*De præparationibus vulneralium vnguentorum, & fodicationum, vnà cum eorum inuencionibus, & admirandis operationibus.*

**C**apitulum hoc peregrina remedia continet, his ignota regionibus: & quia Deus nationum vicissitudines esse voluit, meritò quod nobis ab exte-



ris cōtingere boni potest, ac à nobis alijs, describemas. Quapropter fundamentum probatissimorum vnguentorum habet normam & compositionem, quibus arcentur accidentia quantumvis magna, tollunturq;. Licet leuiter ac facile vulnus curari potest, vt (quod ad curationem solùm eius attinet) opus non foret vnguenta similia describere: verùm quia damnum vix vnquam solum esse contingit, sed vnum alteri ferè semper affluit, ea patefacere volui. Possunt etiam accidentia rebus quæ nostris in regionibus crescunt, euitari: tamen hoc loco tantùm fodicationũ vnguenta proponam. Ab artificibus & mechanicis quædam arcana reperta sunt, in illis quibus indies vtuntur: vt ærarij fabri sanguinis fluxum ære adusto restrinxerunt, & fluentia siccarunt vulnera. Ferrarij quidẽ adusto suo ferro, quod crocus martis appellatur, vsi sunt ad vulnera. Figuli verò lithargyrio argenteo (quod vocant) vel aureo nõnulla sunt etiam experti. Multa sunt vulgarium inuenta, quæ dicta fuerunt experimenta. Multo plura tamen ab Alchimistis varia tentantibus, & in varijs rebus hoc loco non describenda, prout minium, cerusa, similiaq; reperta fuere.

Postmodum accesserunt Philosophi, qui rerum vires & naturam scrutantes, plura in vnum corpus redegerunt, vt oleum & ceram in emplastrum cocta, quod cum vtile parum fore videretur, adiecerũt, nunc minium, aliàs  
cerusam,



cerusam, lapidem calaminarem, rubiginem ferri, aes vstum, lithargyrium, &c. quæ simul cocta varia cerota facta sunt, hisque linteola fuerunt obducta. Deinceps gummi variorum proprietates attractiuas, atque magnetis cognoscentes, cerotis adiunxerunt, ei quæ meliora quam antea fuisse quod perciperent, puluerem vulneralem addiderunt ex mastice, thure, myrrha, &c. meliora tum demum extiterunt. Sic vltius progressi, fodicationum vnguentorum ordinem certissimum & compositionem adepti sunt, eis quæ mirabiliter curant: horum descriptionem ponimus varijs, vtilibus tamen omnibus modis. Primum hoc modo communiter constructum fuit.

R. ceræ lb. j. picis græcæ ℥. iij. liquefiant ambo simul, & liquefactis non nimium tamen calidis injiciatur puluis hic. Accipe frusta carneoli, coralij rubei & albi, magnetis, calaminaris lapidis ana ℥. ss. carabis flauī aut fuccini, mastice, thuris ana ℥. vj. myrrhæ, mumie ana ℥. j. ss. trita minutissimè liquidis immisceatur, & his iam optimè permixtis, injice terebinthinæ ℥. j. ss. spatula semper agitato donec frigescat. Postremò perunctis oleo piscium aescchschmalts, manibus agitetur, & fiat emplastrum.

*Aliud.*

R. ceræ virginæ lb. ij. picis græcæ lb. j. terebinthinæ ℥. iij. liquefiant igne lento, quibus

E 3



imponere tritæ mastice ʒ. iij. carabis flauī ʒ. j. ss. maneāt in igne lentissimo quartam horę partem. Postmodum accipe ʒ. ij. mumie, thuris & myrrhæ ana ʒ. ss. aloepatici ʒ. j. ss. trita misce prædictis, & agita put in emplastro priori, donec frigescant. Postremo in emplastrum agitabis oleo piscium æschenschmaltz. addendo camphoræ tritæ ʒ. ss. hoc sodicata vulnera curabis omnia.

*Aliud potentissimum, ad extrahendum ferrum, globulos, telorum cuspidēs, ac alia quę remanent in vulneribus, & à præcedentibus elici minimè possunt.*

R. ceræ lb. j. colophonie, picis nigræ ana ʒ. iij. liquefactis simul ambobus iniice gummi armoniaci vnc. ij. bdelij vnc. j. magnetis vnc. v. carabis flauī vnc. iij. trita misce liquatis, & in emplastrum agita manibus ouorum oleo peructis; hoc in maximis necessitatibus uti poteris ad concludenda vulnera, necnon restauranda quę deprauata sunt.

*Alia compositio, cuius ab exordio mentionem fecimus.*

Accipe olei, ceræ, lithargyrii triti ana lb. j. liquefiāt, & in cerotum coquantur, cui poterunt ea quę sequuntur, addi.

*Additio prima.*

R. arinoniaci, bdelij ana ʒ. ss. galbani, opopanax ana ʒ. vj. soluantur in aceto, coquantur, & per



& per pannum colentur, postea coquatur in emplastrum: hoc admisce præcedenti ceroto. Postquã simul iuncta fuerint, eis qui sequuntur, pulveres addito. Lapidis calaminaris, coralli rubei & albi, magnetis ana ℥. j. ss. thuris, mastice ana ℥. j. & quum permixta fuerint, admisce terebinthinę ℥. iij. & olei anetini ℥. ss. reduc in formã emplastri oleo pisciũ æschenschmaltz, vel alio, secundum artem.

*Additio secunda.*

R. opopanacis ℥. iij. repurga peroptimẽ sicut audisti superius, & cum ceroto permisce. Postmodum adde mumie ℥. iij. aristologie rotundę ℥. ij. mastice, thuris, myrrhæ ana ℥. ss. deinceps adijce terebinthinę ℥. iij. olei laurini vnc. j. cãphorę ℥. ij. reduc in formam cum oleo camomelino.

*Additio tertia.*

R. armoniaci vnc. v. præparati nempe sicut prius, sanguinis draconis vnc. ij. colophonie vnc. iij. picis naualis vnc. j. thuris, mastice ana ℥. vj. myrrhæ vnc. j. terebinthinę vnc. iij. reduc in formam cum oleo laurino.

Iam habes compositionem fodicationum emplastrorum duobus modis, eorum inuentionem atq; successum. Postremũ tamen hoc melius omnibus antea positis, quo citius ac potentius euitantur & amouentur, accidentia quæuis diligenter obseruato.



R. ceræ virginæ lb. j. ss. vulneralis olei tantundem, lithargyrij lb. j. lapidis calaminaris lb. ss. existis fiat cerotum, cui vernicis lb. ss. adde cum herbis temperatæ, terebinthinæ iuxta vulnorum naturam præparatæ ℥. iij. & iterum in cerotum coquantur. Postmodum adde gummi, necnon præscriptarum additionum quam volueris, fiat emplastrum, & reducatur in formam cum vulnerali balsamo.

Quicquid his emplastris elici non poterit, alia nempe violenta via tentari debet: ut si globuli plumbei descendissent, impossibile fuerit etiam instrumentis eruere. Quapropter impossibilia Medicinæ cōmittenda non sunt. De fodicationum emplastris dictum sit hæcenus, quibus quicumq; iuxta Medicinæ verum ordinem vsus fuerit, non confundetur.

## CAP. X.

*De pulueribus quibusdam fodicationes & vulnera quævis curantibus.*

**S**uccessu tēporis pulueres quidam & succi reperti sunt, & alia quæ vulnera conglutinarunt, ut ambo latera cōiuncta sint. Et ubi talis fit coniunctio, natura potest in toto vulnere facilius operari, q̃ ubi non: at per alia medicamēta curari debet, ut sunt vulnerales potiones, vnguēta, olea, emplastra, &c. Natura quidē nō potest alibi q̃ in fundo solū operari, in quo cōnectit indies, donec ad supremū deueniat. Fodicationum tamen & vulnorum pulueres



pulueres connectunt æqualiter superius, inferius, & in medio.

Animaduertendum est, vbi vulnerum & focationum pulueres in vsum venire queant, in his videlicet vulnerib. quæ sanguinem aut cruorem non emittunt, & calorem nullū neq; duritiem habent, sed mollities in eis naturalis conspicitur: aliàs connectere nullo modo possunt. Si tamen accidentia iam sint præ manib. quæ dicta sunt, ea remouere scias oportet antequam vtaris pulueribus: etiam dum vsus fueris, prouideas, ne via quauis irrumperere valeant. nam in vulneribus calor atq; tumor coniuncta rursus disiungunt.

Est ista celerrima firmè cura, nihilominus ab accidentibus tutari debet quæ diximus.

Diuersis rationibus proprietatem hanc habent isti pulueres, aliqui propter naturalē siccitatē, vt bolus armenus, qui cuncta per insitam ariditatē quibus interiectus fuerit, connectit.

Sunt alia comprimentia quædā præter siccitatē, vt succus prunorum syluestrium immaturus. Alia cōglutinantia, veluti dragacatum. Iuxta horum trium proprietates fiunt omnes pulueres cōglutinantes. Vtcrius notandū erit, nō solūm cōglutinatiuis vtendū, sed etiam adiungēda esse medicamēta naturali balsamo suū alimentū exhibētia. Quapropter puluerum vsum, iuxta proprietatem eorū trium quæ dicta sunt, ponam, & compositionē.



R. boli armeni veri ℥. iij. quas in aqua nitrī dissolues, postea distillatione separabis, & aliam priori similem aquam affundes pulveri, separabisq; sicut antea: toties id repetendum erit, quousq; bolus in oleum conuertatur: hoc in sole siccandum est in puluerem, cui thuris ℥. j. carneoli ℥. ss. mumiae ℥. ij. omnia simul in puluerem commisce, quē vulneribus insperges quo uis die bis, & ligabis iuxta cōsuetudinem, superposito fōdicationū emplastro quo vulnera præseruentur ab accidentibus.

*Alius puluis,*

Succum prunorum immaturorum & syluestrium coquito, quousq; in spissitudinem electuarij sit reductus. Gallarum etiam immaturarum tantūdem coques, & istis cōsolidæ maioris contrite minutim octauam aliorum partem addes, postmodū in aluminis aqua pura bullire facito: postremò simul omnia sole siccat, post utere prout moris est.

Lapicidarum & fabrorum colla, qua sub aquis utuntur, quandoq; vulnera ligauī, non in forma pulueris, a spissi liquoris: & fōdicationū emplastro superposito curauī mirabiliter. Verūm olei lini loco, vulnerale sumpsi oleum ex oleo lini cum cæteris compositum, & pro calce, corallum album in cineres adustū. Colla casei, Kesslin, etiam hoc loco sumpta vulnera seiungi non sinit: noli tamen eo præter fōdicationum emplastrum uti.

*Alius puluis.*

Accipe



Accipe thuris, myrrhæ, mastice ana ʒ. ss.  
 coralli rubei ʒ. ij. aloepatici ʒ. ss. j. omnib. per-  
 mixtis & in puluerem cōtritīs, alterutrum ad-  
 de puluerum antea positorum, pro media par-  
 te prioris.

*Alius.*

R. succorum prunorum syluestrium imma-  
 turorum, gallarum etiam imaturarum, sani-  
 culæ vel diapensæ, pirolæ, ophioglossi ana ʒ.  
 v. siccētur in sole donec semisicci fuerint, post  
 modum adde gummi armoniaci præparati  
 ʒ. ij. tum siccentur in puluerem.

Vulnera conseruentur in siccitate patienti-  
 bus cibi modicum, & humidi valde parum ad-  
 ministrando.

Reperiuntur & alia cōstriētīua, cū tamen ex  
 Alchimia petenda sint, infrā suo loco ponēda.

CAP. XII.

*De sublimatis atq; destillatis mirabiliter vulnera  
 curantibus.*

**Q** Vicunq; Alchimiam exercent, utilis-  
 sima reperiunt medicamenta, variaq;  
 scribentū recepta lōgē superantia. Ve-  
 rū quòd morborū proprietates ignorēt, pa-  
 rū inde possunt emolūmētū pferre. Medicinē  
 siquidē Alchimia semp cōiūcta fore deberet.

Antimonium virtutem admirabilem possi-  
 det in curationibus vulnerū, quibus accidētia  
 corporalia mixta sunt, vt fistula, cancer, lu-



pus, &c. In quibus tamen illa non cōcurrūt, eius vſu non erit opus, cum in alijs tantūm cæteras omnes excellat artes, vt maior aut melior nō poſſit reperiri: ſalua tamen cuiuſvis experientia dictum. Quapropter ſummè neceſſariam exiſtimo declarationem eius, tametſi præparatio non facilè ſcriptis addiſci queat, ab Alchimiſtis petenda eſt, vt antimonium reſolui poſſit in oleum rubeum vt ſanguis, & ex lb. j. habeantur ꝑ. ij. vel j. ſs.

R. antimonij lb. iij. ſalis gemmæ calcinati tantundem, & ſimul deſtilla per vas retortum tribus diebus naturalibus, & ſic habebis rubeum oleū, cuius virtutes ad incurabilia deſperataq; vulnera ſatis commendari nequeunt.

Itidem de ſublimatis cenſendū eſt, vt ſi cuprum vel æs rubeū ſublimaueris, nō minores in eo quā in antimonio virtutes erunt. Vt in ſublimationem veniat, prius erit calcinandū, poſtea per ſeparationis aquam diſſoluendū, & coagulandum, in puluerēq; ſiccandum, cui duæ partes liquidi ſalis aut liquefacti ſunt addendæ: poſtmodum ab eis in reuerberatorio ſublimetur in viridem puluerem ſubtiliſſimū & leuem, quo vulnera quæ curare voles, in ea ſpargatur fodicationum emplastro ſuperpoſito.

## CAP. XII.

*De ſanguine ſiſtendo, necnon eis quæ ad hoc negotium ſunt neceſſaria.*

Ad



**A**D sanguinis retentionem quædam annotanda veniunt, vtpote venarum proprietates, complexio corporis, natura hominis, cholera, tempus, hora, accidens, & vulneris essentia. Nam si homini sano contrarietates & accidentia varia contingant, multo magis vulnerato. Sanitas & infirmitas multis calamitatibus obnoxia sunt. Quum in venas accidens hoc irruerit, non facile potest amoueri.

Nam sæpius euenire solet, vt sanguis nulla ratione sisti valeat in vulneribus, nec vllis medicamentis, at per seipsum sedari debet. Quamuis aliqui putent vi quadam eum retinere: quod si contigerit, aliud accidens longè deterius orietur. Considerandum igitur quid natura possit, ne præter ipsam aliquid attentetur. Nō præterit fluxus, donec eius amota sit causa: vt si præ cholera factus, ea prius cessare debet: nam ipsa durante medicamentum natura nulum recipit. Si ex actu venereo, nisi prorsus extinctus appetitus ille sit, vanū etiam est remedium. Si propter ebrietatem, expectanda est completa digestio. Si membri fatigatione causatus fuerit, quiescere prius debet. Multi sunt articuli similes hoc loco non recitandi, solum hoc tibi notandum erit, vt amoueatur causa fluxus, tum & ipse cogitur cessare. Si fortè cōstellatione causatus foret, ea præterire debet, priusquàm sanguis retineri queat: si causæ tales cōsumptæ non sint, fieri potest vt vulnera-



tus effusione moriatur sanguinis.

Nam quis iuuare poterit eū, qui nolit ipse? quis etiā eius cholerā sedare potest, qui pacificari nō vult? Causam ergo cessare fluxus necessum est, aliās nequaquam sisti potest. Ebrietas ad caput ascēdit, & in eo sæuit: si cōtingat portū aliquē recipere vulnus, huiusmodi leuiens natura p̄ venas in sanguinē trāsit, & eo nō aliās quā in capite sæuit. Quis ebrio potest ebrietatis suæ pprietatē auferre? nemo: pariter ebriū sanguinē sedare nemo poterit. sic de reliquis intelligēdum est. Hæc à me dicta sunt, vt Chirurgus in istis rectā procedat, & nō suscipiat quæ sunt impossibilia, verū vt prudens ea quæ natura potest, intelligat.

Quū igitur ea quæ dicta sunt, violēter ita prurūnt, ab arte sistēdi sanguinē cessare debet Chirurgus, eūq; solūm sistere velle, qui præter dictas occasiōes effluit. Nā in his nullū iuuare potest medicamētū. adestio nulla, ligatio, nec corticū nucū ad collū appensio, nullus character. Et quāuis aliqua ratione sistatur, aliud erūpet accidēs, & in similib. cōmuniter sequuntur aridurę mēbrorū vel cōtracturæ. Exempli causa, venæ sæpius aperiūtur in brachio, quāobré cōtractū redditur, aut aridū, vel moritur is qui sustinuit. Si tale quid in venarū pacificis laxationib. cōtingit, quāto magis in alijs? Quū tamē accidētia talia contigerint, aut apparuerint, poteris p̄mittere sanguinē effluere pro dēsecratione. Siquidē vbi vena quęuis aperitur, sanguis



sanguinis pōdus amittere determinatū oportet eā, antea sistere nō est vtile, donec ad pondus hoc diminutus sanguis fuerit. Ab experientia propria discere te hęc oportebit. Vt a me tamen breuē instructionē habeas, qui sanguinis repressiones ex æquo fieri debeāt, nō citō nimīū vel tardīū quā par sit. Eius rei verū in eo fundamēto cōsistit, vt medicamētum quo vulnus curari debet, sanguinē etiā in eo sistat: nec est quōd vtaris alio remedio. Nā si medicamētū ex artis fundamēto vero cōpositū sit (vt sunt fodicationū emplastra, olea, balsa- ma, & emplastra vulneralia, &c.) sanguinē sistit omnē iusto pōdere nō tēpestiuē, nec tardē nimis. Potissimū arcanū hoc est, vt metam iustā cōtingere valeat medicamētū. Sæpius etiā accidere solet, vt in sanguine lateat infirmitas: hęc si per sanguinē suū quæsierit emūctoriū, nō sistetur sanguis, donec repurgatus fuerit. Aliquoties ob calidā cōplexionē sequit fluxus, talis poterit alijs quā fodicationum emplastris, aut similib. reprimi: quorū aliqua ponimus inferius: tuq; tamē discretiōi relinquitur, sistere si voles, poteris aut non. Potius tamen quā expectare mortē, sistēdū esse iudicam⁹, vbi mediū offertur accidēs hoc amouēdi. Procurādū p̄ ceteris, vt mēbrū seruetur calidū, nec vllō modo frigeat, neq; fodicationū emplastro careat: hoc enim sedātur accidētia, vt retētione citi⁹ admittāt. Solēt etiā aliquę venę reliq; esse repletiores, vt neruorū instar tumeāt, hoc



loco fluxum liberius pātere sine metu: nam cum eo multum impuritatis effluit.

Fodicationum igitur emplastra tibi sint cōmendatissima, etiam si alia scires quæ sanguinem sistere possunt, eisq; valeres vti: vide tamen vt nō tardius aut citius æquo feceris. Verum in illis quibus natura sana, mitis & pura fuerit, sanguinis sit per se retentio, quæ potissima est.

*Nonnulla sanguinem sistentia.*

Crocus martis optinē reuerberatus & subtilissimus.

Æs vstum, vt crocus præparatum.

Farina volatilis inspersa vulneribus vt cum sanguine pastam efficiat.

Pili albi, qui sub caudis leporū nascuntur.

Vsnea super capita mortuorum crescens.

Carneolus in manu contentus, aut à collo suspensus.

Cinis ex ranis adustis.

Vbi hæc sanguinem non represerint, præsertim ea quæ primò descripta sunt, nō facile fieri poterit, donec pro suo pondere fluxerit in finem vsq;: qui tunc metam attigerit, leuiter sistet.

Haftenus de retentione sanguinis abunde satis dictum sit: quamuis alia reprimentia multa sint, cum tamen causæ fluxus expectare sedationem, & per se necessarium sit, & cursum accidentis, ne peius quid oriatur, quid multis  
opus



opus est: Fac ut optima quæque; medicamenta habeas, ut supra diximus, optimè sistere poteris illis iuxta naturæ desiderium.

## CAP. XIII.

*De repressiōe glarealis aquæ.*

**G**larealis aquæ fluxus oritur ex medicamento naturæ cōtrario vulneribus applicato, vel ex impertinente ligatura, vel ex vulneratorū occasione data: quapropter illis omnibus præueniendū erit, & accidentibus. Postquā tamē inciderint, eodē ordine quo sanguinis, & istius aquæ fluxus amouēdi sunt probatis medicamentis in hoc Tractatu positis. Hac via mitigatur irritata natura, & per se glarealem aquā sistit. Non sunt igitur vulneralia medicamēta quæ solūm curant, at illa quæ pellunt accidētia, præseruant à nimio fluxu cū sanguinis tum glarealis aquæ. Quæ similes virtutes non habent, medicamenta minimè dici possunt, nec ea quæ deprauant vulnera.

Et quāuis multa quæ glarealē aquam sistere putātur, à nullis descripta sint: nihilominus probata nō sunt omnia, nec in omnibus: at in aliquibus vtilia, in alijs verò nō: aliquoties cōducentia, quandoquidē non. Cum ergo tam fallacia sint, neminem ea docere cupio, sed potius quæ certissima sunt, ut fodicationū emplastra, olea vulneralia, &c. Accidentia quæ per sanguinis amissionē oriuntur, hīc etiā per glarealis aquæ fluxum cōsiderāda sunt, ut in isto

F



prout in illo profluuiio iuxta naturę potentiã  
& non cōtrā valeas operari. Quæ hoc loco re-  
quirūtur, alijs in subsequētib. capitulis repe-  
ries. Nisi retineatur, aut à nimio fluxu cōpelca-  
tur, aridura, necnō alia subsequētur accidētia.

## CAP. XIII.

De propulsatione paroxysmorum à vulneribus, ca-  
loris, frigoris, superflue carnis, tumorū, duritiei, nec-  
non coloris præter naturam. Etiam de calculorum ac  
rupturarum incisioribus Chirurgis.

**P**Ræter illa quæ dicta sunt, alia causantur  
accidētia. Licet vulnus ex aspectu iudica-  
ri posset à Chirurgis omnib. carere quib-  
usuis accidētibus: est nihilominus in ipsa na-  
tura propter variarū cōcordantiã in ea parti-  
um, cōtrarietas orta. Nam vbi gladius in ēbrū  
aliquod in corpore lædit, nō solum illud, verū  
etiā alia quæq; membra per cōdolentiã: qua-  
propter singulorū accurrit ira, misceturq; vul-  
neribus in vindiētā læsionis. Vt si quis lapidē  
iacciat inter multos confabulātes amicos & so-  
cios, eorum nemo permanet immotus, nec in  
sua veterē natura vel tēperie: verū quisq; cu-  
pit eorū hoc ipsum vlisci. Non aliās in huma-  
no corpore fit, quā ei vulnus incussum est.  
Quī potest igitur vulnus carere suis acciden-  
tibus agnatis, etiam si non accurreret aliud?

Cum igitur ob huiusmodi commotionem  
agnata sit vulnere talis inimicitia, meritō ne di-  
utius ignoretur, suscepi describendā. Et quam  
uis



his varia sint istius originis accidentia: tamen arte leui propulsanda sunt, aliàs quum ob istorum ignorantiam occurrentium quis grauioribus medicamentis alijs magis conuenientibus vsus fuerit, vulnere nouum producet accidens, deteriusq; damnum. Quapropter ab experientia debent agnata non ex litera cognosci quæ sunt accidentia, cum describi propriè nequeant. Remedia tamen quæ his adhiberi possunt, breuibus enumerabo. Sunt agnati vulnerum paroxisimi, spasmus, carò putrida, quæ non solum in vulneribus per choleram incussis, verumetiam studio vel arte factis, vt ab incisioribus calculorum, lapidum & rupturarum accidere possunt, ob locum in quo facta sunt periculo magis obnoxium. Quo pacto similibus agnatis erit succurrendum accidentibus, infra ponimus.

*Paroxisimus in vulneribus.*

Sub vulnerum paroxisimis concludo calorem præter naturam & frigus. Antea diximus originem, iam sedationem eorū vnico medicamento ponemus, nec horū tantū, at accidētū etiā ex eis orientū, vt sunt durities, color cœruleus, &c. In iusquiamo latet virtus, qua propulsantur ea: licet etiā in papauere vis mitigatiua repiatur. Mitigatiuis enim plurimū delectatur natura, sine quib. pacificari vel sedari nequit. Solā ista requiē appetit à Chirurgo sibi fieri: quid ergo proprius aut conuenientius



esse potest, in dormitiua natura? Hac enim ut ebrius in somnum agitur, & non secus ac iste rursus ad memoriam redit, illa per inebri somnum ab irritatione quiescit, ac postmodum expergefacta digestionem salutis suae fecit: sic tolluntur paroxysmi vulnerum cum suis accidentibus optime, nec melius.

*Remedium vulneribus somnum inferens.*

R. radices iusquiami, quas in sole cum acetorofaceo digeres, & lintea madida hoc liquore calidaque vulneribus appones, humectando calefaciendoque toties iterabis, donec membrum in requiem adductum sit. Multae similes aliae radices inueniuntur: at quia hac te certissimum reddere possim, quid multis obruere cupias? fat erit si vnico securus esse remedio valeas.

*Spasmus.*

Antea spasmi fecimus mentionem, quinam ipse vulneribus admiscetur. Huius expulsio fit per venarum corroboracionem. Oleo terebinthinae vel oliuarum vngendae sunt venae: his enim vigorantur.

*De carne superflua.*

Quod ad carnem superfluam attinet, exceptis accidentibus, peculiaribus non est remedij opus: nam ex sui natura non permanet, siue ex medicamenti superfluitate nascatur, siue ex abundantia sanguinis. Et quamuis peculiare



liare non adhibeatur ei medicamentum, eo solo quo curantur vulnera, consumitur. Verum quod superfluam carnem adferam hoc loco, non alia de causa factum est, quam quod scia Chirurgos putatícios eius nullam habere noticiam: eo patet, quia corrosiuis auferre conatur. Eorum corrosiua pessima, sunt varia, velut alumen vstum, vitriolum, &c. nonnulli sumunt arsenicum, alij mercurium sublimatum, quibus abrodere putant, nec leuioribus auferri posse considerant. Non animaduertunt etiam ob nimiam suam ignorantiam, huiuscemodi praua medicamenta vulneribus intolerabiles adferre dolores, & varias infirmitates, illaq; suo sic inficere veneno, vt natura nihil amplius consilij vel auxilij pati nec admittere velit. Sic ego te docebo, nempe vt quum in vulneribus caro superflua siue vlcerosa, siue sanguinolenta creuerit, aut aliàs quouis modo, solis medicamentis in isto Tractatu contentis vtaris, illa quidem auferent eam absq; dolore. Quod ad ipsam duritiem attinet, eisdem etiam remedijs tollitur. Solum id te facere decet, vt optima quæq; habeas medicamenta, iuxta verum ordinem & fundamentum composita, sic fiet vt accidentia nulla vulneribus incident.

## CAP. XV.

*De medicamentis vtilibus & inutilibus.*



**N**on solum in vulnerū ligationibus aut applicationib. medicamentorū curę negotiū cōsistit, sed etiā & potissimū in eo videlicet, vt Chirurgus cognoscat vtrū vtile medicamētū sit, aut nō: de cuius rei declaratione Capitulū hoc ad instructionē scribere volui. Primū in vsum & pprietatē assumas, vt quū perceperis dolores aut accidētia sub medicamētis oriri (siue multis vtaris, aut paucis) pręter cōmunē vsum, ab eis abstineas, ac de alijs tibi prospicias: nam quoduis medicamētū inferēs dolorē vulneribus, aut permittēs, statim abijciendū est, & nullo modo superponendū. Tēpus etiā inter ligaturas erit obseruādū secūdū alimēti vulneris digestionē, vnā tardius aut citius altera factā. Est cōmunis terminus tamē horarū duodecim: quę plus minusue requirūt, illis etiā pro sua ratioe fuerit cōniendū. Hęc à me dicta sunt, quia solēt ex inordinato ligādi modo plurimi dolores oriri. Quū ex medicamēti defectu nō fuerint, facilius accidētib. huiusmodi cū diligētia pręuenire poteris. Vnicū est cōsideratu maximē dignū, vt summopere dolores omnes euites, q̄ nō sunt ex vulneris agnata natura: nā quacūq; ratione sint alia, nihil boni pręsagiūt. Cauēdū erit etiā (vt sæpius antea dictum est) à sanie fœtoreq; medicamētis ea propulsantibus, quę si debiliora fuerint, quā vulnerū prauitas, ab ista vincuntur. Quapropter efficaciora fortioraq; sumito quū ea signa videris. Sæpius accidere solet,

V



vt vulnera mutetur, ac in deterius vergat sub optimis medicamentis: consultum erit mutare sepius etiam ipsa medicamenta, si non, pauca requies erit vulneribus. Hoc signum est multorum accidentium, ubi medicamentum recedens a vulnere, bonum finem curae non indicauerit. Olea vulneralia non permittunt accidentia, nec potiones vulneratorum, praesertim si constiterint ex eis, quae singula membra corporis inquietantia pacificant, & quiescere faciunt. Unguenta pariter vulneralia sua in ligaturis proprietatem habent, ut singulis duodenis & octois nonnunquam horis innouetur. In omnibus tamen medicamentis notandum est, ut ea quae vulneribus apparet esse contraria, mutentur, & eorum loco applicentur alia. Quum etiam refrigerio fuerit opus, aut alio simili quouis auxilio, mox administretur. Quauis ista recepta sint optima probatissimaque, nihilominus vix fieri potest, quin aliquando subuenire necessitati sit opus non magnis artibus, at sola refrigeratione. Siquidem vulnerati quandoque naturam propriam habent, vnus ad potiones vulnerales, alius ad emplastra, & alius ad olea balsamicaque; pariter vulneralia, quispiam alius ad fodicationum emplastra, vel ad sublimata destillataque; pronus erit alius. Haec & similia consideranda veniunt, non ista nepe: hoc medicamento pluri curati sunt, ergo & iste curabitur eo. Varia sunt. n. genera medicamentorum, & hominum variae naturae: quae quidem omnia praecedenda sunt. Medicamentorum propriorum adhibendorum & non, erit habenda ratio, vulneratorumque proprietatum, atque medicamentorum est facienda compara



tio, nec non alimenti vulnerū ad illa. Vidēdū etiā vt ex vulneribus nulla sanies, nec fœtor, neq; vermes exeant. Quicūq; iuxta prædictas rationes operatus fuerit Chirurgus, poterit boni quid efficere. Si quē plura desiderantur, in alijs suis capitulis enarrata sunt, experientia quoq; docet indies. Hæc tria potissimè notāda veniūt vt suprā, nēpe, quòd infirmi & medicamēta simul conueniāt: vt ligatū sit iuxta normā excrementorū: & postremò secundum euitationē saniei, fœtoris, dolorum, & similia. In his enim potissimæ curarum animaduersiones consistunt.

Quū verò fodicata profundaq; vulnera suis in cauernis aliquā sanie cōgregarint, obueniendū erit hoc modo scilicet, vt myrrha saleq; vino decoctis atq; solutis, p syringa in fundū vsq; vulnerū iniectis abluatur & mūdificētur. Itē patiēs tali situ iacere cogatur, vt sanies effluere valeat, & nō rodat in profundū. Quę reliqua sunt annotāda, docet vsus & experiētia.

## CAP. XVI.

*De conclusionibus vulnerum ita faciendis, vt post curam nihil oriatur noui, sed solidæ sint ac permanētes.*

**V**lnus omne concluditur: est enim sanandę carnis ars ipsa facilis admodum, venarum autem & neruorum potissimè cōsiderāda. Nā in ista curarū totū cōsistit negotium, quā qui calluerit, Chirurgus erit, non ille, qui simpliciter curare vel concludere vulnera nouit. Bonæ vulnerum conclusiones æstima-



æstimatione plurima dignę sunt, post quas nullum subsequatur damnũ, qđ sepe solet, vt aridura, cicatricum apertura, spōgię, necnon alia multa. Vt ab huiusmodi tuta sint acciden-  
tibus, quędam arcana sunt in Chirurgia, qui-  
bus curandum inter arcentur.

Ex porris & radicibus eorum spongię na-  
scentur e vulneribus aliquot libras æquātes.  
Dum curantur vulnera, possunt euitari laua-  
mento quodam à prima ligatura statim adhi-  
bendo, postquam radices porrorum apparue-  
rint, quę facillè cognoscuntur. In istius loturę  
liquore madefiant fila, vulneribusque impo-  
nantur pro porrorum extensione. Lotura  
fit ex sale armoniaco sæpius à tartaro subli-  
mato, postmodum super marmoreum lapi-  
dem resoluta. Vbicunq; hoc vsus fuerit Chi-  
rurgus, optimè cōcludet absq; periculo dam-  
norum subsequētium, quibus præuenire ma-  
ximum arcanum est.

Accidere potest etiam, vt post conclusio-  
nem vulnera rursus aperiantur, & per se, tan-  
dem suo tempore cancri, fistulę, noli me tan-  
gere, vel ferrugines oriantur. His etiam inter  
curandum præuenire potest Chirurgus, præ-  
sertim vbi radices adhuc tenellę sunt atq; re-  
centes (aliàs enim in vulneribus patefactę  
fuiſſent) viridi oleo vitrioli quum abluta fue-  
rint vulnera statim à prima ligatura, quę di-  
cta sunt euitantur, eorumq; radices mortifi-  
cantur, ac per sanicem vnā cum excrementis



vulnerum alimenti per purgationem exeunt, ab ista sanie non est quòd terrorem concipias. Hic verus fistulas, & omnia cancerorum luporumq; à radice tollendi genera, necnon alia quæq; corrodentia damna modus est optimus, antequàm enascátur, tam in profundo, quàm in plano.

Sæpenumero solent etiam aliqui fluxus in iuncturis post conclusiones oriri, cum dolore maximo, pro mutationibus temporum aucto, vel imminuto, vel iuxta lunæ quartalia, postmodum ariduræ, membrorumue contrakturæ sequuntur. Istis etiam præueniendum erit statim dū curantur vulnera, vt quum perceperis dictis mutationibus temporum aut lunæ, pariter augeri dolores, iudicium facias accidentia talia cum tempore nisi præuenias, enasci debere. Quapropter leuibus obuénias purgationibus iuxta respectum personarum oportet, vt pillulis artheticis, & similibus: & in vulnera quandoq; dolorum præcipuè téporibus laterinum oleum calefactum infundatur, & ita postmodum ligétur. Non aliàs cum ceteris accidentibus agas, quum apparere videris ea, præuenire mox addiscito.

## CAP. XVII.

*De animaduersionibus peculiaribus in fodicatis vulneribus habendis magis quàm in alijs, & necessarijs.*

Et si



**E**tsi de fodicatis vulneribus antea satis amplè dictum sit, nihilominus, quòd alijs tardius curantur, & præsertim vbi medicamētum non pertingit fundum, aliqua consideratu necessaria iam repetemus. Quòd secta fundum vulnera palàm faciant, fodicata verò non, periculosius cum istis quàm cum illis agitur. Quanquam rarò cōtingere soleat, vt in illis oriatur accidens, vbi fodicationum curata sunt emplastris, quæ vetant illa: tamen apprimè notandum est, quum remedio maiori consilioq; sit opus quàm aliàs.

Præter ea quæ de fodicationum emplastris dicta sunt, cum eis adhuc duo maximum in vsum & necessarium veniunt: prius, vt potio vulneralis administretur: posterius, vt lotura aut lauamentum fiat immisionibus per syringá toties repetitis, donec clarum atque mundum effluat. Lauamentum hoc fit ex melle, vino, aqua, alumine, sale, &c. pro discretionē iuxta necessitatem ordinatè proportionandis. Post huiusmodi lauamentum immittendum est oleum vulnerale per idem instrumentum in fundum vsq; vulneris, & ligandum emplastris quæ diximus. Oculi cancerorum etiam in potum adhibiti maximæ virtutis existunt, efficacisq; mirabilis in fodicatis vulneribus.

Si fortè vulnera deorsum fodicata sint, aut pro decubitus ratione tendant, imperabis vt alio modo patiens iaceat, vt lauamenta vel ablutiones prorsus eximi queant: nam



per latera semper defluunt in fundum, operationesq; medicamentorum impediunt. Fac igitur patiens ita iaceat, & vulneris fundus in altum sit erectum, & orificium eius imum respiciat, ni fortè balsamum aut oleum immisum esset. Notandum etiam hoc loco fodicationum emplastra curare mitius deorsum, quàm sursum versa.

Est etiam aliud accidens in fodicatis vulneribus, ob quod maiorem diligentiam requirant quàm alia vulnera, nempe quòd ex propria sui natura magis in depravationem tendant alijs. Cura nauiter igitur, vt ab eis congelatum sanguinem expurges, ventris naturalem còserues mollitiem, & in cibis meliorem ordinem habeas, potissimùm vbi iam vulnera foetorem emittere cœperint putredinis, ac si Persicus ignis irruere vellet, ac circum orificium cœruleum & rubeum colorem poneret: cauernosæ quoque vicinæ partes apparerent, ac si foramina quædam incidere vellent. Quod reliquum fuerit in fodicatis vulneribus curandis, inuenies in aliorum vulnerum curis. Iuxta hos processus omnes fodicationes curare securè poteris, & absque dubio: nam Deus creauit completam ex omni parte medicinam, quapropter non est (quod ad eam attinet) anxie cures. Nisi fortassis impossibile quid, vt lignum quod ob multitudinem ramorum nodorumue concurrētium findi nequit, occurrat. Medicamentum à monstrosiss



sis terretur, quum non reperit iuxta veram naturam formatos homines. In istis quidē cum difficiles, tum dubiosæ curæ sunt, eo quod propriam naturam destructam habeât. Quid cum his igitur potest agere Medicina?

## CAP. XVIII.

*De cuspidibus telorum alatis, vulneribus adhuc inhaerentibus.*

**A**Latæ cuspides iaculorum aut sagittarum in vulneribus remanentium, vix elici possunt, ob hamos in carnem se figentes, quum extrahere quis conatur: ni fortē maxima fiat industria, tali nempe, vt si torta sint in vulnere, dirigantur alæ rursus æqualiter ad orificium non aliàs quàm intrarunt. Verūm vbi dum retrahuntur, infixi iam hami fuerint, hætenus ars nulla reperta fuit, qua valeant elici. Itidem cum globulis bombardarum solet accidere, qui vī quadā in iuncturas & ossium cauitates eiaculati sunt, ac ob sui contusionem formęq; rotundę mutationem ita comprimuntur, vt eximi nequeāt. Quanquam de radicibus & herbis multa scripta reperiuntur, quę proprijs viribus & naturalibus attrahunt: nihilominus istorum virtus in illis tantū operatur, quę per incurvationem aut intumescētiā solidam non relictatur eiusmodi viribus attractiuis. Cum itaq; hoc impediāt, penes communia medicamenta remanere compertum est vtilius.



Quòd autem seræ fuerint apertæ, vel è parietibus euulsi clauī fixissimī, vel è vulneribus, à Magis id factum est, qui terræ magnetem cum firmamenti magnete reduxerunt in eandem similitudinem, & hac arte clauos è parietibus extraxerunt, pessulâq; forium retraxerunt, aut eleuarūt, serasq; per attractionem aperuerunt iuxta magnetis præparationem. Similibus etiam viribus magneticis extractæ iaculorum & sagittarum sunt alatæ cuspidēs. Nonnullas etiam radices ac herbas Magi præpararunt, quæ prius ex se virtutem habebant attractiuam, & postmodum ubi cum syderibus cœlestibus in similitudinē cōueniunt, non aliàs attraxerunt, quàm de magnete suprâ diximus. Ex eo nullo modo sequitur vnâquamq; herbam aut radicem, nec magnetem quemlibet id efficere, sed ea tantum quæ cōstellatâ sunt: & ista cum tempore pereunt, moriuntur, ac rediguntur ad nihilum, cum in omnibus rebus mors existat.

Sunt etiam verba quædam constellata, quibus ea quæ prædicta sunt, extrahuntur, duobus digitis tantum admotis. Artes istæ naturales existunt, certæ, probatæq;, necnon incantationis omnis aut diabolicæ superstitionis expertes, ad hominum vsum & vtilitatem datæ.

Quum ignoratę fuerint artes huiusmodi, & medicamentis fieri debet extractio, vicinæ partes omnes putrefaciendæ sunt, quousque .  
latus




latus admodum pateat exitus: aut incisio fienda, vel protrusione sunt ad alteram partem oppositam eximenda.

Finis secundi Tractatus Chirurgiæ vul-  
nerum recentium.

IN TERTIVM TRACTA-  
TVM CHIRVURGIAE RECEN-  
tium vulnerum D. Theophra-  
sti Paracelsi

Præfatio.



Lia ratione quàm armis in huma-  
na corpora sæpius infliguntur vul-  
nera, eisdem subiecta medica-  
mentis. Nam etsi canis morsus  
armis non fiat, vulnus tamen efficit: sic de re-  
liquis moribus & infectionibus extrinsecis.  
Itidem ossium rupturæ, vulnera carnis etsi  
non sint, ossium vulnera tamen existunt hac  
ratione sub Chirurgia comprehensa. Sic etiam  
adustiones quocunque modo factæ, sunt vul-  
nera pellis. Et congelatus in corpore sanguis,  
casu vel percussione factus, & gelu frigoreque  
maximo damnum excitatum, ad Chirurgiam  
pertinent. Horum omnium vnà cum sectis  
& fodicatis vulneribus intelligentiam ha-  
bere debet Chirurgus, vt cognoscat ea  
quæ possit in similibus, & quæ non: possi-  
bilia



bilis quæque, necnon impossibilia: quid ad Chirurgiâ pertinet, quid verò non: quid mortale, quid non: quid ad vitam cōducatur, & quid non, &c. Tandem opus est impossibile quodque relinquere, & possibile quoduis in sua potētia conseruare curareq; , ne fiat impossibile: nam ad istud nulla medicina reperitur, at solum ad illud possibile nempe. In possibili namque mors etiam continetur, vt in impossibili: in possibili tamen amobilis, eo scilicet vt conseruetur ne fiat impossibile.

Hoc itaque Tractatu dicitur de vulneribus quæ alijs quàm armis infliguntur, & nihilominus ad Chirurgiam pertinet, quæ quidem indiget vfu maximo, diuturnoq; tempore. Huius artis quodlibet experimentum in vno patiente solum comprobatum fore non debet, at in aliquot ceteris diligentia maxima, necnon animaduersione ad naturales proprietates. Tum demum his vſibus continuis discitur cognosci natura, nec prius operari potest Chirurgus, aut seipsum talē agnoscere. Apud inutiles & nullius aut minimę saltem estimationis homines, experimenta nonnulla reperiuntur, præter verum ordinem ab eis vſitata: quorum Chirurgus vſu longissimo tum experientia corrector & examinador fore deberet, vt in verum vſum redirent, iuxta sui tenoris potentiam & vires. Nam speculationes Chirurgum non efficiunt, at artes, quæ pariter speculationes non existunt, sed experimēta manu reperta.



reperta. Hæc postmodum sequitur contēplatio, quæ propriè dicitur ad naturam animaduersionis, quānam ea sit vtendum. Postremò venit experientia similium artium, & hæc est vera magistra, non ipse tonsor aut balneator, nec eorum collegæ. Theorica Chirurghi fore debet experientia. Iam ponemus curam eorum vulnerum, quæ sunt absq; armis cum regimine, &c.

## CAP. I.

*De ordine cibi & potus vulneratis adhibendorum  
similibus, & primò de canū rabidorū morsibus, &c.*

**P**Rimum ad canum rabiosorum morsus hoc esto remediū, vt videlicet fel & cholera superentur, ne vincant naturam: quandoquidem vt canis rabidus mordeat, inde mox ille morsus vnitur cum felle choleraq; , tunc demum sæuiunt, ac omne quod ex eis oriri potuit accidens, promouent in esse, deq; minimo maximum excitant.

Non est opus hoc loco multis considerationibus, prout in felle & cholera, solum bibatur aqua frigida continuò, tamq; magnis haustibus, vt iterum per os ejciatur. Cauendum est & abstinendum à vino. Ceruisia tamen quæ parum lupuli virium habeat, vti patiens poterit. Præ cæteris autem potionibus illæ quæ fiunt ex oxiacanta, & prunulis syluestribus, aut ex pomis, optimæ sunt.

Idem & frigidis cibandi sunt, vt brassicis

G



albis contusis & acetosis ita per se confectis  
 ut in Germania solent, & ita copiosè, ut etiam  
 euomât. Et ubi voles potum optimum adhi-  
 bere, coquas follicula senæ, & folia rosarum in  
 lacte sero suo priuato, & huic decoctioni be-  
 nediçtæ laxatiuæ parum admiscebis, & frigi-  
 dam bibat ut moderatè purget. Non est quod  
 verba medicorum communium cures, dicen-  
 tium, senæ folia melancholiam purgare: hoc  
 loco debitam purgant materiam. Poterunt ei  
 lactucæ cum aceto & oleo dari comedendæ,  
 rosarû etiam electuarium cum aceto mixtum  
 in potum adhiberi, quum acriter agitari pa-  
 tiens videbitur.

Summopere cauendum est, ne quid cum a-  
 romatibus conditum edatur, aut ea per se, ni-  
 hil quod bene redoleat, aut calidum sit. Nul-  
 lum fiat fumigium. Si calor admodum exces-  
 serit ut in rabiem incidatur, potus adhibea-  
 tur ex aceto rosaceo cum succo oxiacâta mi-  
 xto continuus. Hæc omnia fiant iuxta con-  
 ditiones patientis.

Considerandum est etiam hoc loco, tales  
 infirmitates in caninam tendere naturam:  
 qua de re miti regimine non est opus, ut su-  
 præ diximus. Patientes in aquam iacere frigi-  
 dam, bonum erit.

Ubi tamen in aliam complexionem huius-  
 modi canum tenderent morsus, ut quum cho-  
 leræ parû sunt obnoxij patientes, istorum esse  
 debet mitius regimē. Non in rabiem incidunt  
 omnes,



omnes, quos rabidi canes momorderunt, sed in aliud accidens iuxta cuiusq; naturam. Notanda sunt igitur signa, quibus in quod accidens vnusquisq; possit incidere demonstratur, & ex eo indicio regimen erit ordinandum.

## CAP. II.

*De regimine vulneratorum à morsibus anguim, serpentum, viperarum, lacertarum, & aliorum venenati generis animalium.*

**I**Nter venenatos morsus periculosi magis existunt illi qui per choleram fiunt, alijs qui casu: periculosissimi verò, qui ex incantationibus. In his omnibus remedium est, vt in cibum administrentur ea, quæ stomachum, iecur & cor tuentur atque præseruant. Nam venena mox tédunt ad cor: non enim cupiunt solum in membrum læsum imprimi, sed ex sua proprietate nobilissimum hominis membrum inuadere, quod quidē hac ratione præ cæteris præseruandum est.

In defensionem cordis aliorumq; membrorum principalium, statim atq; perceperis venenum ad cor tendere, oliuarum oleum in quo calibs candēs aliquoties prius extinguitur, & cui pro qualibet libra, corallorum rubeorum & minutissimè contusorum ℥.ij. fuerint additæ, necnon specierum de gemmis ℥.j. calidum in potum haustumq; primùm administretur, alijs verò vicibus frigidum hoc



ipsum detur potandum, quinquies ad minimum vno die. Postmodum sit potus eius vinum rubeum calidum, sicut oleum, extinctione præparatum, cui theriacæ parum admisceatur, & pro quolibet haustu 3. ss. coralli rubei puluerizati. Continuatur hic potus donec signum appareat euident.

Si tamen inter potandum oleum sitis inuadat nimium patientem, detur interpositis vicibus calidum lac mixtum puluere coralli. Est etiam philonium persicum postremæ huic potioni mixtum, perquam utile, sæpius post olei haustus porum, in membrorum capitalium defensionem: contradicant licet omnes quotquot sunt medici.

Nihilominus ubi sitis non naturalis interuenerit, non est necessarium ut omnino satietur: est tamē indicium verissimum, venenum cordi proximum fieri. Quapropter utile fuerit huiusmodi sitim extinguere hoc modo, nempe, ut exterius applicetur aqua rosacea cum camphora sandaloq; mixta.

Quod ad cibum attinet, iuxta infirmitatis exigentiam gubernetur cibus digestibilibus & paucis admodum. Reliquum in medicamento situm est, ut suo capitulo dicetur.

## CAP. III.

*De regimine seruando in rupturis ossium, & in sanguine congelato intrinsecus.*

In



**I**Nrupturis ossium non est ciborum & potuum cura peculiaris habenda, nisi quod eis uti quæ refrigerent oporteat, ut præ calore non incidant in febres ægri: nutritivis & optimis quibusq; moderatè cibentur, &c.

Eorum tamen quibus sanguis intrinsecus est congelatus, cibus atq; potus purgantibus commisceri debent, ut hordei decoctio cum paucis reubarbaro, vel radicibus hirundinariæ, cum senæ folliculis, aut terebinthina modica, vel cum pauca lacca. Et in cibus mumia, vel reupontica coqui debet. Hic ordo simul cum pertinentibus medicamentis observandus erit, iuxta magis aut minus, pro necessitatis exigentia.

## CAP. IIIL.

*De diæta regimineq; pro his qui patiuntur adustiones.*

**I**N communioribus adustionibus diæta minimè fuerit opus, at in illis tantum quæ mortem inferre possunt. In istis regimen optimum erit medicamentum, quo ab internis ad exteriora calor adustionis attrahi valeat. Verum si nimium penetrarit, externis remedijs omnino retrahi non potest, quapropter intrinsecus etiam refrigerijs & extinctionibus opus erit.

Extinctiones internæ fiunt sedi succo aquæ permixto, aut cucurbitarum succo mixto cum liliarum florum aqua per pannum expressa:



& acetum rosaceum cibis admixtum plurimum prodest: & alia quæ suprâ posita sunt. Non diutius tamen his vtendum erit, quàm summè necessarium fore videbitur.

## CAP. V.

*De regimine eorum qui frigore congelati sunt.*

**H**is qui frigore sunt ita congelati, vt ad interiora gelu penetret, acetum rosaceum pipere longo, vinoq; mixtum in potum adhibeatur: eisq; cibus condiendus est, plus minúsue iuxta frigoris intensiorem. His verò qui in mortem vsque gelati sunt, ardens aqua theriaca mixta, radicibusq; tusculaginis detur potanda non modicè. Hæc si haberi nequeant, zingiber vel caryophylli, cardamomum, & grana paradisi coquantur simul & administrentur calida, postmodum sudent.

## CAP. VI.

*De curis morsuum à venenosis animalibus externe factorum, rupturarum ossium, adustionum omnium quibusuis artificibus accidentium, coagulati sanguinis & gelu.*

*De morsibus canum rabiosorum, & alijs.*

**M**orsus canum in tres species diuiduntur: aut rabiosi, vel cholericici, vel communes existunt. Omnium rabiosi pessimi; nam rabiosa natura simul cum ipso morsu na-



su naturam hominis inficit, vt in eam rabien-  
di mordendiq; proprietatem inducat. Postea  
cholerae morsus est, quum canes irritati mor-  
dent; secundum hic malignitatis locum obti-  
net, eo quod cholera cum morfu remanet in  
vulnere. Postremo qui fit à canibus non ira-  
tis, at subito motu, minus omnium periculo-  
sus, tum facilius curabilis existit. Luporum e-  
tiam & porcorum syluestrium ac similium a-  
nimalium, non aliàs quàm canum sunt curan-  
di morsus: non tamē sub rabidis, aut sub cho-  
lericis comprehendendi.

Considerandum vltius, quam ratione  
fiat, vt morsus canum rabiosorum, hominem  
eo vulnere possit etiam rabiosum efficere:  
quod ita contingit. Quum canis mordet, eo  
momento suam naturam integrè fixam habet  
in hominem, & eo loco potissimùm, in quem  
arripit. Mox atq; subitam læsionem homo sen-  
tit, retrogressus totam speculationem habet  
in morfu, & ita conueniunt in vnum ambæ  
phantasię momētaneę, vt speculatio hominis  
imaginatione canis inficiatur, nō aliàs quàm  
vbi duo fumi, redolens vnus, & fœrens alter,  
simul cōmiscuntur. Nam licet imaginationes  
non sint sensibiles, corporales tamen existūt  
vt venti, miscuntur etiam vt isti, vel fumi.

Habet hominis phantasia vires attractiuas  
magneti similes, quibus alias phantasias ad  
se trahit, non secus ac si quis ab alio quid au-  
diat aut videat, hoc ipsum ab istius phanta-



sia trahitur in phantasiam alterius, ut sit in ista prout in alia: hoc loco pariter attrahit homo sua phantasia canis conditiones, quarum attractionibus inficitur, ac in naturam caninam transmutatur: ut croco tingitur aqua, pariter & hominis ratio, maculatur à canis rabiosa natura corrumpiturque, ut conditiones in homine similes fiant illis quæ caninæ sunt.

Euenire namq; solet, ut homo talis rabiosus etiã fiat, & in homines irruat ut canis, stomachumq; similem acquirat, & eo modo conditionatum, ut canum instar voret, istorumq; proprietates complures quæ ex sua natura sibi minimè contingere possunt, at solùm ex imaginationibus antea dictis. Quapropter nō sunt isti morbi naturales, at naturæ maximè contrarij. Et quum rabiosos homines morsus canum efficiunt, eorum est rabies canum rabiei similis, omnibus conditionibus & proprietatibus. Accidentia quæuis etiam ut calores, tumores, paroxysmi, necnō similia, concurrentia, non sunt communibus similia, nec infirmitates accedentes cum alijs conueniunt. In istis igitur nullo modo, prout in vulneribus, operari debet Chirurgus, at eorum in cura primum hoc sit, nempe ut fel & cholera purgentur acerrimè, ne dominentur, cholera potissimùm: nam hoc loco sic inficitur, ut nisi repressa, hominem interimat eius virulentia. Purgatio talis fieri debet, quæ fel & choleram tantum purgent, siue



huc colocintida, vel agarico, esula, succo ex sambuci corticibus, reubarbaro, similibusque constet: quanto violentius, tanto melius infernè, superneque pellendum erit absque respectu.

Inter purgandum exterius etiam refrigerandum est, illis quæ vermem interimunt, vt stupefactiuis, ranarum cruore, oleo mādregoræ, similibusque, donec dolor cesset omnis. Ligetur vulnera morsuum huiusmodi fodicationum emplastris, sine pice græca tamen compositis.

His tribus remedijs, vtpote purgationibus intrinsecis, refrigerationibus externis, & fodicationum emplastris, poteris omnes canū rabiosorum curare morsus. Et si his cessare nollet rabies, opiatīs vtendum erit iuxta consuetudinem eorum. Ab his nullius dimoueri te suasionibus permittas: nā per illa sedatur optimè rabies. Inter quæ potissimum & optimum est sulphur à vitriolo per tostionem & præparationem depromptam: poteris etiam alijs vti notissimis. Varia purgationum, refrigerationū & opiatorum describi recepta possent: verum hoc loco non necessaria, tantum illa quibus fiunt vt suprā, compositionem ex vsu discere debes & industria tua successu temporis acquisita.

Reliqui morsus canum vt cholera facti, medicamentis internis aut purgationibus nō indigent, sed externis, vt superius narratum est.



communes verò morsus medicamentis in secundo Tractatu positis ad vulnera. Haftenus de canum sit morsibus dictum, solum hoc restat, vt admoneamus eos qui curam istorum agent, nisi medicamentis praescriptis vtantur, subsequi facile hæreditarias infirmitates aut perpetuas posse, velut internas corruptiones, aut vlcera manantia crurium, &c. Curam igitur adhibete, ne simile cōtingat vobis & patientibus.

## CAP. VII.

*De morsibus anguium, serpentum, lacertarum, & similium insectorum animalium.*

**V**T naturaliter de venenatis morsibus loquamur, vbi iam venenum in carnem hominis introductum est, aperiuntur venæ, & hoc ipsum in se recipiūt. Est quidem veneni proprietas, vt per venarum cōductus fluat vsq; ad earū originem: vt si capitis & cerebri venas corripit, capiti periculum infert: si iecoris, isti: si cordis, etiā isti. sic de reliquis. In eo loco periculum est mortis metuendum, quapropter internis medicamentis vtendū erit, ad cor & reliqua interna membra tuendū, & cum eis externis attractiuis, ad retrahendum, atq; defensiuis ad exterius membrum a tumoribus & veneno in eo iam existente vindicandum.

Præseruatium internum hoc esto, videlicet vt sumantur mitridati ℥.ij. theriacæ vnc.j. quibus



bus immixta sit vnc. j. ss. coralli rubei, & pro necessitate patientibus adhibeatur: nam dos administrationis nō bene describi potest: experiendo igitur addisce per te hoc ipsum cognoscere. Si hoc etiam non iuuerit, penes me non est melius quærendum.

Medicamentum supra vulnus applicandū est, vt fodicationū emplastrum hoc, quod ex lithargyrio, gummi & mumia cōpositum est, & ad huius vnc. iij. addas quatuor gummi singul. vnc. j. coquas omnia simul & liquefacias, postmodum super vulnera liges, vt moris est. Animaduerte quum vulnera melius habere cœperint, vt mox inde fodicationum emplastris illa cures in finem vsq;. Fac in istis vt velocissimus existas, ob veneni velocitatem.

Defensiuum ad membrum vngendum, & vulneri superponendum est, vt accipias flores taxi, rutæ, flores hypericonis, & rosarum, quæ ponantur in aceto bono ad digerendum in sole suo tempore. Hoc aceto madefacta linteola calefactaque sæpius imponantur aut superponantur membro, donec tumor & calor inflammatus abeat. Aliorum damnorum veneno bufonum, araneorum, salamandarum illatorum optimum remedium est, vt sumatur vera terra sigillata, (non illa pharmacopolarum argilla) salua in pultem conteratur, & moribus dictorum animalium superponatur: hæc venenum adimit.



*De cura rupturarum ossium.*

**Q**Uum talis ossium ruptura facta fuerit, ut pellis aperta non sit, eo loci fieri debet industriosa coniunctio, ut vnumquodque suum locum proprium occupet. Postmodum utendum erit suis medicamentis. At si in similibus rupturis aliquod vulnus apertum interueniat, fodicationum emplastris & oleis vulneralibus, ut ad vulnera dictum est, utere, tum supra hæc eis quæ ad rupturam idonea sunt.

Rupturæ bis quouis die curandæ sunt, compressæ tamen & extensæ ferreis annulis iuxta Chirurgorum expertorum usum. Hoc instrumento potest omnis ruptura curari, præter motionem coniunctionis: quod excellentissimum est in rupturarum curis. Et nisi diligentia summa curentur, metuendum est, ne pessima subsequantur accidentia, præsertim in teneris complexionibus, quæ facilius alijs inflammantur. Et ex inflammationibus putrefactiones oriuntur, istas mox totius membri destructio sequitur, & sæpe mors ipsa, iuxta locum & accidens. Erit igitur summè cauendum ab inflammationibus, maximè quòd putrefactiones ex eis provenientes, amoveri non possint, at foramina generent, fistulas, & foetores maximos eisdem in locis. Liga singulis diebus mundissimis



simis pannis bis, ita securus eris ab accidentibus.

Amotione comprimantium assularum disiungitur commissura partium, aliàs disligando fieri minimè potest, & præter huiusmodi solutiones etiam fit.

Nam si ligare voles in asseribus, comprimere debebis acerrimè, pannisq; suffulcire, quibus operationibus oportet necessariò tumores oriri, nec non paroxismos. Et ut inoris est, istiusmodi tumefactiones manè diminuuntur, & per cōsequens laxantur ligacula, quo fit ut etiam disnectantur quæ coniuncta fuerant: & priusquàm ea comprimas, accidit quod evitare putas. Hac de causa non potes rupturam, ut æquum esset, curare, sed potius inflammas ad putrefactionem, aut inflectis ut semper curuum os maneat. Licet aliquoties inopinatè cures vnicum, nō semper tibi tamen ita succedit. Est ars curandi rupturas ossium certissima, nec nisi propter Chirurgorum ignorantiam fallax.

Ad rupturas ossium curandas, herba quædā Sophia nomine dicta, Sclauonijs optimè nota, cum lacte cocta præ cæteris omnibus est præstantissima. Summè necessarium foret eam ab omnibus communiter plantari, ut curæ multæ releuarentur à malis accidentibus.

Alia cura præter eas habetur, ut rupturam postquàm in ferreis annulis fuerit, optimè vul-



110 THEOPHR. PARAC.

neralibus oleis inungas circumquaque. Postmodum hanc decoctionem superponas. Accipe consolidæ maioris libras duas, aristologiæ rotundæ lb. j. coque simul in vino & aqua, post in pulres cōtundatur, & exprimatur aqua materiæ tantum addito calidæ vernicis, vt fiat in modum emplastri. Calidum hoc ac pati patiens valeat, superponatur. Fiat bis in die ligatura talis, & ita curabitur omnis ruptura ossium.

Communis est etiā & certissima cura, quæ fit vnctionibus ad rupturas, oleis vulneralibus vel similibus balsamis, aut fodicationum emplastris. Quapropter non est necessarium hic adducere multa recepta, quæ potius ad perditionem quàm ad sanitatem faciunt.

CAP. IX.

*De cura coagulati sanguinis, quæ pelli potest.*

**C**Oagulationes sanguinis vario modo fieri possunt, vt trusionibus, casibus, percussionibus, &c. vel in corpore, vel in membris. Quum aliquod membrum graui nimium percussione contusum fuerit, impossibile est vt in eo fiat iterum naturalis vnio læsi cum circumstantibus, quia mortem in se recepit à percussione vel trusione: quapropter auferendum erit separatione prius quod mortuum est, vt à reliquo vitam recipiat.

At si



At si percussionibus, trusionibus, aut casu coagulationes intra corpus contigerint sanguinis, mox in putrefactionem trāseunt: nam ibidem ac in membris extrinsecis tamdiu resistere non potest, ob internum calorem in corpore, qui sic in deterius pronum est, ut quicquid in eo læsum fuerit, mox in putrefactionem agitur. Quamobrem celerius adhibendū est remedium eo loci quā in extrinsecis, ad internorum defensionem principalium membrorum, quæ facile tali sanguine mortificari possunt. Nam vitæ radices intrinsecus existunt, extrinsecus rami. Quapropter magis metuendæ sunt internæ, quā læsiones externæ: hac ratione citius illis quā istis obueniendum erit, & absq; mora.

Sunt itaq; duæ conditiones remediorum pro coagulationib. Externarum, hoc est, percussionum vel contusionum remedium, ut locum oleo laterino perungas, postea liges cū aceto rosaceo. Non est quod cæruleum colorem auferre cures, at resolvere, tum abeunt per se colores. Inter cætera quæq; præstantissimum oleum ad omnia externa membra contusa fractaq; hypericonis existit ac vtilissimū. Itidem & olea vulneralia, balsama, & ex fodicationum emplastris tracta, sunt in vsum quī dictus est, vtilia.

Ad coagulatum sanguinē intrinsecus, multa recepta possunt adferri. Sunt aliqua



tamē corpora præstantissima, è quibus omnia constant remedia, quorum ego tibi seligā potissima, nempe reubarbarum, sperma ceti, iaccam, carbones tiliarum arborum, ostrucium, vel brancam vrsinam, aquam peoniæ, aquam endiuivæ, bolum armenum, terram sigillatam, hirundinariam, reuponticā, lapatium maius, aquam valerianæ, aquam florum tiliæ, mumiā, diagridium, agaricum, scolopendriam, ylopum, aquam cardui Mariæ, sal gemmæ.

Non ignorandum est, omnes purgationes aut laxationes coagulum sanguinē pellere, quum aliud remedium haberi nequit. Locus etiam casus aut contusionis, inungi debet prædictis medicamentis ad exteriora membra positis, ad mitigandum. Poteris etiam clysterijs uti, iuxta necessitatem. Manna pariter est excellentissimum hoc loco remedium. Animadvertone priusquam ad maturitatem pervenias, acribus utaris medicamentis, at à mitioribus incipias.

## CAP. X.

*De combustionibus, ignito ligno, aqua, melle, vel oleo calidis, aut pinguedine factis.*

**H**Oc Capitulo ponam communiora quædam remedia, quibus vulgares uti poterunt.

Accipe butyrum, liquefac, & ita calidissimum effundes in aquam frigidam, & cocleari tamdiu agitabis, donec ut nix albescat.

Post.



## CHIRURGIA.

113

Postmodum ab aqua separabis, & emplastrum ex eo factum adustionibus appones: hoc inflammationes extrahit. Si damnum maius fuerit, ut unico superetur, alia multa post unum statim aliud emplastrum superpones, donec totum incendium extractum sit, atque tumor subsederit. Hoc ipsum ex larido poteris conficere: prout butyrum preparato. Iam aliquot adustionum capitula ponam, & remedia, quibus latius instrueris.

### CAP. XI.

*De adustionibus, quæ liquefactis calidisue metallicis, sale, aut vitriolo coquendis fiunt.*

**A**dustiones metallicæ peculiarem extinctionem requirunt apud fusores & alios metallarios, aliam salium, vitrioli, & aluminum coctores. Similiter cum eis quæ sunt ex mineralibus, ut torredo, liquando, evaporando, necnon illis quæ sub montibus igne subterraneo fossoribus metallorum aliquoties accidunt, & eis qui cinabarim, & minium, ac similia conficiunt.

Primo commune sit unguentum omnibus adustionibus utile, hoc modo.

Accipe nucum oleum, seuum ceruinum, & liquefac simul, inunge combustas partes: hoc unguento metallicæ combustiones curari possunt: & quæ ligno factas curant, eas quæ metallicæ fiunt & curant, & econtrâ. Verum sub

H



curæ finem post extractionem incendij, curabis medicamentis vulnerum, aut siccis pulveribus, aut croco Martis, vel croco Veneris. Si verò salium adustiones vitrioli & aluminum his extinguere non possent, aqua ex squamulis ranarum viridibus aquæ supernatantibus utere. Nam quoduis remedium extrahi se non permittit, nisi prius extinguatur eo loco, in quo quidem existit, ut quod fulgurum ictibus, aut sub montibus, vel coquendo cinabarium, factum fuerit, inueteratumque. Verum ubi mox à principio remedium adhibetur, prædictis medicamentis iuvari potest: si non, profundius indies fixum retrahi se non patitur: quod ab initio tamen amotum facillimum erat. Caue ne impertinentibus extinctionibus utaris ab exordio, sed vide ut simul semper inflammationes extrahas, & nisi iuuet, optimis & potissimis opus hoc exequere: postmodum si curam admittere nolle, vulnerum curato medicamentis. Fodicationum etiam emplastra combustionum extrahunt incendia: verum ordo supra positus est optimus. Alia multa reperiuntur, extinguentia extrahentiaque, sed ob eorum leuitatem relinquere volui, & solum ea quæ communiter omnibus adustionibus utilia sunt, ponere.

CAP.



## CHIRURGIA.

115

## CAP. XII.

*De incendijs à bombardico puluere, sulphure, nitroq; factis, & similibus.*

**A** Nimaduertendum est in adustionibus à puluere bombardico factis, aut eis, quibus inest sulphur, aut nitrum, ignem ad interiora penetrantem fore non leuiter extingubilem. Quapropter ubi quæ præposita sunt remedia non iuuarent ab initio, his quæ sequuntur utere: tandem post extinctionem incendijs, cura medicamentis ut suprâ.

Similia remedia sunt ex eis quæ sunt humida per se: hoc est, naturam habent aqueam ut semperuium, cancri, nenuphar, & linum palustre. Horum tusorum accipe succum, & eo laua partes adustas, quarum incendia facile non extinguuntur: nam ex propria natura vincunt adustiones omnes.

## CAP. XIII.

*De extinctionibus & extractionibus incendijs à globulis bombardicis ortorû, & alijs puluere tormentorum incusis.*

**A**D extrahendum incendijs à globulis causatum nota remedium, hoc scilicet: Lithargyrium in aceto coque ram diu, donec in sal cõuertatur, sed primò debet scetum præparari cum alchali. Postmodû sal istud lithargyrij soluat in aquâ: hæc succo p-

H 2



misce cancerorū. Iste liquor in momento quaecunque sit incendium tollit. Cum igitur a globulis incendium auferre voles, hunc liquorem immitte per syringam in vulnus ut globulum attingat, quem ubi contigerit, mox cum dolore cessat incendium.

Quod ad vulneris oculum aut orificium attinet, si patiatur incendium, medicamentis ultimis hoc ipsum extrahito: quo quidem extracto, nullum in oculo damnum aut accedens metuendum est. Verum si forte neglectum fuisset quod iam diximus, vide ut alia medicamenta quæ veniunt in usum, accipias.

CAP. XIII.

*De congelationibus in aqua vel in sicco continentibus.*

**M**embrorum congelationes duplicia damna secū adferunt, ut paroxysmos & tumefactiones. Paroxysmi successu temporis nascuntur magis indies aucti: verum tumores in putrefactionem incidunt. Hoc medicamentum certo certius expertus sum. Oleum urinae, quod in proprio sale suo conservatur, congelationibus in aqua natis & similibus omnem paroxysmum auferit.

Quod inflationes concernit atque tumores, hoc penes me certissimum est experimentum. Urina perungantur aut lauentur optime, post



postmodum fodicationum emplastris ligen-  
tur: sic conseruari poterunt, præsertim vbi  
mox ab initio remedium hoc fiat. Si tamen  
caro mortificata sit, post illa quæ dicta sunt, fo-  
dicationum emplastris, aut similibus alijs vul-  
neralibus medicamentis erit mundificandum.

Animaduertendum etiam vbi gelu tende-  
ret ad interiora cor versus, vt patientibus the-  
riacam & aquam ardentem in potum ambas  
commixtas administres, vt calor in membro  
congelato restauretur. Quicquid oleo prædi-  
cto fuerit vinctum ante mortificationem, absq[ue]  
damno restitui potest in integrum.

Finis primi Libri chirurgiæ Paracelsicæ.

## CHIRURGIAE PARACEL- SICAE LIBER SECVN- dus, curas vlcera contine- ns.

### CAP. I.

*De cura vlcera seuientium.*



Vum tibi fuerit oblatus vnū aut  
plura patiens vlcera, perquire pri-  
mū eorū origines ab exordio.  
Si dixerit à frigore prius incepit

H 3



se, tandem in calorem fuisse mutatum, & aliquoties id accidisse: post rubedinem ortam in vlceris loco, tumore cum, incendio, duritieq;, &c. huc atq; illuc vagatum esse, in vno loco non quieuisse, donec temporis aliquo successu radicem fixerit, eoq; loci fecerit exitum. Nunc adest sequens vlceris infirmitas.

Istius cura diuidenda est in tres partes. Prima, priusquam vlcus enatum est: secunda, post ortum istius: tertia, postquam curatum erit, quoniam in sanitate conseruandum.

Primam ita curam aggredere: quum frigus aduenerit, nihili faciens illud transire finito per se, quamuis æquum foret intensum vt in pestilentia. Verum vbi calor irruerit, animaduerte nauiter in quem locum ponere cætrum velit. Hoc percepto, myrrhæ rubæ semunciam accipe minutissimè tritæ, & albi thuris tantundem etiã cõtusum, per se ponatur in sacculum lineum vtrumq;, & coquantur ambo in aceti mensura ss. & in vini albi mensura vna: postmodum lintheum hoc liquore madidum, & ita calidum super cætrum collocabis: & vbi siccatum fuerit, humectatum iterum & calidum toties applicetur, donec omne incendium consumptum sit. Melius medicamentum ad vlcera sæuientia reperire non potes: bullire permittas optimè. Calefieri sæpius poterit,



terit, ac materię plus & puluerum iuxta proportionem addi, coqui larius, &c. Non indiges alio medicamento: nam ablato calore tantum, cura hæc erit absoluta.

Secunda fit, vbi iam vlcus patulum os habet, origine simili cognita, quam supra narrauimus. Amoue primum calorem atque tumorem, si adfuerint, dictis medicamentis: postmodum vlcus inspicere num indigeat mundificatione: hanc adhibe, si non, consolida.

Mundificatio talis est: Accipe aluminis vsti vnciam semis, in aceto quidem extincti, mellis vncias quinque, aloepatici vnciam vnam, pulueranda puluerizentur, & super ignem coquendo modicè commisceantur, & in emplastri non duri formam reducantur: hoc manè vespereque ligentur vlcera. Si vetera sint & praua, calcinati parum adde & sic mundificabuntur ad fundum vsque. Mox inde sequitur consolidatio talis: Accipe fodicationum emplastri libram vnam, secundum artem Chirurgiæ compositi, cui croci Martis addatur vncia semis, & calcinati vncia semis, & inter manus commisceantur: hoc medicamento ligentur vlcera manè vespereque in finem conclusionis. Pro tertia cura videndum erit, vt quod consolidatum est, hac ratione stabiliatur, vt singulis annis aliquot vicibus venæ magnæ, vel varices aperian-



tur, & venæ sæuientes in furis aut nodis extrinsecus, aut intrinsecus, pro damni respectu, naturæ proprietatisque.

Animaduertendum etiam inter curandum quales venæ sæuientes appareant: si putridæ sint, aut leprosæ, tum aperiantur, & fluant pro necessitate, quoties opus fuerit. Nam laxationibus conseruantur.

## CAP. II.

*De cura fistularum.*

**S**I patiens offeratur, qui tibi foramen paruum ostendat spumans, instrumentoque reperias tentando, latius intrinsecus quam extrinsecus, & profundum admodum existeret, petas quod eius exordium fuerit, & qualis origo. Si fuisse primò dixerit apostema, quod eò se contulerit post eruptionem, aut ob inconueniens medicamentum, fistulam fore iudicato.

Nunquam hætenus auditum est, genus hoc ulcerum sanatum per se fuisse, verum per medicamenta solum, & optimè conditiuata, vel aliàs minimè curabuntur. Duplex est istorum cura, videlicet interna per potiones, & externa per aquas & emplastra, vel alias illitiones. Quum verò semel consolidata fuerint, nunquam amplius erumpunt,



punt, nec indigent conseruationibus, & minus diæta.

*Potio talis erit.*

Accipe ciclamini m. ij. saniculæ albæ m. j. herbæ sophiæ m. ss. coquantur in vino prout vulnerales potiones. Postmodum adde charyophyllorum olei per alembicum tracti ℥. j. ss. Ter quouis die patienti dabis in potum, vt in quouis haustu iusta sit olei portio mixta & æqualis. Hac potione sola quæ recentes fistulæ fuerint, curabuntur, at si veteres, latius procedendum erit.

*Ablutio talis fore debet.*

Destilla simul ℥. iij. olei laterini, ℥. vj. olei terebinthinæ, ℥. j. ss. olei charyophyllorum, per alembicum: & postmodum cum additione hac rursus destilla. R. mastice, myrrhæ, thuris ana ℥. ij. mumiæ ℥. iij. Destillato hoc ablue fistulam inmissione per syringam vsque ad fundum quouis die bis: & intermissis vicibus abluantur eodem instrumento sæpius vino vel aqua falsa, vt in eis nulla putredo maneat.

Extrinsecus applicetur fodicationum emplastrum cum calcinato mixtum, & eo mane & vespereq; ligentur, secundum vsum.

Alia multa reperiuntur, quæ fistulas & similia curant efficaciter, vt oleum Saturni, oleum Mercurij, aqua Mercurialis. Hæc certissima sunt, & in minimè fallentia medicamenta.



## III THEOPHR. PARAC.

Sæpius euenire solet, vt accidentia similia vel alia nascantur in oculis, auribus ac locis, in quibus emplastris vt non bene conuenit, potionibus & ablationibus contentum esse te decebit, & vtcunque poteris guttulas tres, quatuor aut plures, iuxta commoditatem immittere.

### CAP. III.

*De cura vlcerum simul accumulantium.*

**Q**Uum patiens aliquis multa foramina tibi vnum penes alterum ostenderit profunda, & in latum disposita, sicca, vel paucam saniem proferentia, in quouis loco sita corporis, pauca, siue multa sint, originem perquire. Si prius multæ rugæ fuerint, durique nodi plurimi, quæ postmodum aperta sunt, & mediocrem dolorem inferunt, curabis vt infra.

Ab eorum exordio sine vt sibi per se faciant exitum, quæ nodosa sunt, & nulla durities ibi maneat: nam curare minimè poteris quâdiu duri nodi fuerint ibidem: & si concludantur, non permanebunt. Ad hæc noli corrosiuis vti: nam istis applicatis in aliam conditionem incidunt, & alio loco. Noli etiam propellere quæ certò reuersura sunt. Poteris tamen duros nodos circa foramina medicamento in ista resolvere.

Vnica est eorum cura, videlicet in consolidatione sita, præcedente mundificatione: liganda



ganda sunt singulis duodenis horis incarnatiuo hoc. Accipe vnguenti vitellorum ouorum vnc. iij. olei Mercurij 3. j. his mixtis ligando curabis ea, vsq; ad conclusionem. Vel accipe loco oleorum calcinati magni 3. ij. & cum vnguento prædicto misce. Vel omnium accipe loco fodicationum emplastrum, cum calcinato magno mixtum, iuxta conditiones vlcera. Quocunq; horum vsus fueris, similia quæuis vlcera curabis in quolibet corporis loco sita.

Quamuis talia foramina varias conditiones habeant, ac nōnunquam superiorem partem crurum occupent, inferiorem aliàs, aliquando latera, vel regionem ventris instar cinguli, & quandoq; brachia: licet etiam aspectu similia fore non videantur, nihilominus vnus omnia generis extant, ac sub hac vna cura comprehenduntur. Hoc vnicum animaduertendum est ab initio, num duos nodos habeant, quibus cognoscenda sunt.

## CAP. IIIL.

*De cura vlcera emortuorum.*

**Q**Uum tibi patiens sui dixerit vlcera initium atque finem hæc fuisse, videlicet nunquam, nec pro præsentis sensisse dolorem aliquem. Quaecunq; sit vlcus, vbi signum hoc audiueris, curabis vt sequitur.

Primò quidẽ erit mundificandũ : & postea



consolidandum: postremò verò concludendum, & his tribus operationibus curari poterit, aliàs non, nisi fortassis pusillum foret hoc damnum. Mundificatio fit calcinatis: cura fodicationum emplastris: & conclusio, croco Martis. His curantur huius generis vlcera præter vllam resistantiam.

*Mundificatio.*

Calcinata misce cum vnguento de melle, hoc ligabis tamdiu, donec bonum fundamentum appareat, absque putrefactione carnis, & foetore sine, aut similib. quod quinto ad summum die fieri solet. Post fundamentum hoc operare latius vt sequitur.

*Cura.*

Fodicationum emplastra ex lithargyrio, vel colophonia superpone, & liga: quinto quoq; die renouabis emplastrum ab initio semper continuando. Si tamen successu temporis maiore mundificatione sit opus, iterum ac toties mundificabis, & rursus ligabis amplius iuxta necessitatem. Postmodum fodicationum emplastro proseguere, vsque ad conclusionem.

*Conclusio.*

Accipe crocum Martis in igne per se combustum, aut reuerbératione paratum, non per acetum: hunc vlceribus istis insperge quoq; die bis. Et quum secundò voles eundem inspergere,



spargere, lauato prius vlcus hac aqua.

R. communis aquæ mensuræ partem quintam, aluminis ℥.ij. salis communis ℥.ss. Et vbi mundè laueris, exicca, postmodum insperge crocum Martis, & conclude. Patienti post poteris dietam aut ordinem in cibo & potu prescribere, necnon phlebotomias conuenientes supra damni locum. Etiam in thermis balneare fuerit vtile.

## CAP. V.

*De cura crurum qua per se aperiuntur.*

**S**I tibi quis offeratur, sub genibus crus inflatissimum & humorosum, cum plurimis foraminibus putridis, concauis, circumrodentibus, & maxima duritie habens: origine diligenter examinata, si comperiatur ab initio bullas quasdam aggregatas fuisse, quæ longè post auctæ creuerint, incurabile damnum fore per seipsum iudicabis, & indies prauius futurum.

Ad istorum curam operationes quinque requiruntur. Prima est in vaporibus balneatio: secunda, tumorum ablatio: tertia, mundificatio: quarta, consolidatio: quinta, conclusio: quæ omnes cum diligentia maxima perfici debent.

*Balneatio in vaporibus.*

Accipe hirundinariæ ℥.ij. santiculæ vel diapensæ, anagalidis aquaticæ, vineæ lapideæ,



florum sambuci ana m. j. coquantur in aqua, post in vapore calido crus teneatur, aqua non tacta. Potes etiam addere camomillæ m. ij. fimi palumbini m. iij. fimi gallinarum m. ss. erit eo melius balneum. Hoc manè vesperiq; fiat ante ligationem.

*Ablatio tumoris.*

Accipe florum taxi, florum hypericonis ana m. ij. florum sambuci m. iij. florum camomillæ m. ij. coquantur simul in vino & aceto. Postmodum expresseo prorsus humore, flores râtum superponantur vniuerso damno: tamdiu fiat, donec hic tumor cesset.

*Mundificatio.*

R. vnguentum de vitellis cum calcinato mixtum, hoc imple bis quoque die sine intermissione, donec fundamentum bonum, & foetorem omnem atque putredinem recessisse videas, tum demum ad consolidationem transi.

*Consolidatio.*

Accipe fodicationum emplastri ex colophonia vnc. iij. & fodicationū emplastri ex lithargyrio vnc. vj. resinæ mūdissimæ vnc. j. ss. igne lento misceto simul, & in formam reduc emplastri cum croco Martis & calcinato pro discretione sumptis. Hoc liga secundum emplastrorū vsum quolibet die bis, & renoua iuxta necessi-



necessitatem. Postmodum abstineas à tumo-  
ris medicamento, & à balneo supradicto, so-  
lùm vtere hoc emplastro.

*Conclusio.*

Accipe corticum ouorum calcinatorū vnc.  
ss. aluminis vsti & extincti 3. j. croci Martis  
vnc. j. ss. thuris, masticis, myrrhæ ana 3. ss. his  
omnibus optimè tritis vtere vt moris est.

Non est quòd cures etsi crus gibbū retineat:  
nam sæpius euenire solet, vt aliquoties hoc  
loco tanta fiat induratio, quæ per naturam  
auferri nequit. Animaduertas vt post curam  
tuos in conuenientibus venarum phlebo-  
tomijs opportunis temporibus fiendis in-  
struas.

Si fortè contingat ex cibo & potu fluxus  
aut aliquos humores accedere, tollantur per  
theriacam de corallinis purgando subtus &  
supernè simul, & electuario diacubebe con-  
fortandum erit, iuxta personarum comple-  
xiones. Est etiam patientibus diæta in absti-  
nentiâ præscribenda, prohibendaq; reple-  
tio quæuis.

CAP. VI.

*De cura foetentium vlcera.*

**V**Bi quispiam habens putridū crus obla-  
tus fuerit, non ex corrosiuorum genere  
proueniens, at ex seipso putrescēs, ma-  
ximo cū fluxu, tumore, foetore, putredineq;



perquitas originem. Si perceperis illum eo loco quandoq; percussione, trusione, sectum aut fodicatum vulnus recepisse, vel aliàs ex læsione prouenisse quocunque modo, curabis vt sequitur. In primis hoc loco mundificabis, & postea consolidabis.

*Mundificatio.*

Accipe recentia pinnacidia abietis de mense Maio numero triginta, succo plurimo resinaq; plena: coquantur in aqua tamdiu, donec resina tota exiuerit. Postmodum in euaporationem bullitione cogatur aqua, vt resina pura solaq; maneat in terebinthinæ formam. Ex ea cum vitellis vnguētum confice, quod cum calcinatis mixtum pro necessitatis exigētia, mundificat optimè.

*Consolidatio.*

Accipe ceræ libram vnā, colophonix lb. ss. resinę quam coxisti, ℥. iij. & liquefac omnia simul. Postmodum inijce puluerem hunc, masticis ℥. ij. myrrhę ℥. vj. carabis flauis ℥. j. ss. adde postremò consolidæ maioris, aristolochiæ rotundæ ana ℥. ss. Redige simul in emplastri formam, quo manè vespertiq; ligabis. At si necessarium sit in curæ medio mundificare, non prætermittas, vt semper fundamentum recēs habeas, aut frustra curabitur.

Animaduertendum erit an cum dampnis huiusmodi non sit admixtum aliud: quod si contigerit,



tigerit, iuxta signum operaberis: hoc loco non, at suo describetur.

Post curam patiens mittendus erit in balneum falsum per decem dies aut amplius, ut illa corruptio cesset: nam ex humida frigidityate procedit aluminis, quæ per falsum balneum calefit ac superatur.

## CAP. VII

*De cura ulcerum curatu difficilium.*

**O**mnium pessima & intolerabilia maxime cognosces vulnera, quum patiens de continuo dolore, nullaq; requie conquestus fuerit, ob inflammationis vredinem, propriam corrosionem, ut in lupo & cancro, &c. contingere solet ac in cruribus apertis: nulla poteris istorum alia signa habere.

Cura primò fieri debet per mitigationem: secundò per fundamenti boni recentisq; positionem: tertio per consolidationem: quarto per accidētium si quæ sint expulsionem. Hoc genus ulcerum, non nisi quod mite sit medicamentum patitur. Quapropter ante omnia mitigandum est, & postmodum ut sequitur, operandum.

*Cura.*

Destilla per vas retortum hæc olea. R. caryopillorum ℥. iij. baccarum iuniperi, sulphuris vitriolati ana ℥. j. ss. clausa per optimè distilletur in oleum. Huic adijce olei laterini, quod



mediam partem omnium præcedentium æquet, trium maiorum mitigantium, omnium cum additione quartam partem, at illorum inter se partes æquales fore debent. Hæc simul omnia secundò destilla. Quicquid ulcerum illinitur hoc oleo, dolorẽ omnem remittit, qualecunque fuerit. Postea mundificationem aggrediari oportet, quæ talis est.

*Mundificatio.*

R. olei de arsenico fixo vnc. v. olei caryophyllorum vnc. viij. realgaris clari, perspicui cristallini vnc. j. permisce, & in eo linteam humectatum superponatur ulceri damnoq; toti, singulis duodenis horis iterando tertio, tum demum eijcit squamam tenuem, & inferius fundum recentem efficit. Postea sume parum ex mundificatio de calcinatis antea posito ad alia ulcera, hoc ipso ter quaterue ligato.

*Consolidatio.*

Fodicationum emplastris demũ ligato solis in finem vsq;. Non est quòd cures admodum si primò fueris vsus medicamento, nempe mitigationis & mundificationis: fundum ita recentem ponunt, vt ulcera vulnera fiant leuissimè curabilia.

*Accidentium expulsio.*

Animaduertendum etiam est ad accidētia quæ solent ulceribus cōmisceri: nam aliquo-

ties



## CHIRURGIA.

131

tes rodunt os, aut nigrum faciunt, quâdoque nervos & venas, aliaq; similia. Quod vbi percipies ac ad fundum veneris, non est quod vlllo modo radas aut frangas ossa, prout ex v-  
su Chirurgorum in expertorum: at potius ex-  
tingue calores inflammationum refrigerijs tan-  
tùm, & pòst curâ proseguere: nam ea via caro  
subducit ossa præter vlllum detrimentum. Fa-  
ruum est ea radere, limare, trapanareue tor-  
torum instar, cum Deus aliud medicamen-  
tum dederit.

Hoc medicamento quæ vsta sunt ossa, vel  
corrofa, restituntur. R. olei de camphora per  
aërem clarificat, i olei de caryophyllis ana ʒ. ijs  
misce simul, & his liga cum alijs ligaturis do-  
nec ossa carnibus obducta sint.

## CAP. VIII.

*De vlceribus in latum corrodentibus.*

**S**I tibi quis damnum aliquod in facie, sca-  
pulis, pectore, costis & similibus osten-  
derit locis aridioribus corporis: animad-  
uerte quum in latum extenditur, carnem e-  
rodit omnem, ac ad venas tendit vsque post  
auriculas, dentes & maxillas nudat, costas  
& scapulas ac similia corrodit, vt inter cæ-  
tera quæuis vlcera prauius, nec peius fo-  
re valeat. Duo sunt quibus istæ curantur  
fistulæ, videlicet oleum ex metallis, & Mer-  
curij dulcedo, si quolibet die bis abluzn.



tur aut illiniantur. Oleū hoc à radice mortificat sal omne damnum istud inferens. Optimum ad hoc oleum est Saturni, post Lunæ postea Martis, deinde Veneris, & postmodum Iouis. Excellit hæc omnia tamen dulcor Mercurij, qui formam etiam habet olei. Plura sunt quæ curant hæc vlcera in principio, vnde arcanum regis, aquæ Mercuriales, nec non alia quædam experimenta. Verum graues admodum sunt infirmitates, quæ leuioribus medicamentis minimè curari possunt. Quapropter excellentissima quæque sunt eligenda remedia.

## CAP. IX.

*De cura vlcerum, quorum vnum in aliud genus transmutatur.*

**Q**Uum patiens cōqueritur vlcus suum in varias mutatum esse formas, nunc in hanc, iam in aliam, & nunquam ad priores rediisse, nec in vna persistere, sed novam semper induere: indicium hoc tibi sufficiat, vt contra præsentem formam opereris, non contra præteritas. In duobus horum cura sita est. In Mercurio scilicet, qui bonum fundum efficit absque fallacia: postmodum in colophonia, lithargyrio, & gummi, quæ consolidant.

Præparatur Mercurius coagulando ipsum cum aqua aluminis, & istud coagulatum in puluerem subtilissimum reducendo: hic nul-



um dolorem excitat. Commisceatur cum un-  
uento fusco, hoc illinias vlcera donec fun-  
um bonum acquirant.

Postea fiat emplastrum ex emplastri lithar-  
yrij, olei, & ceræ ana lb. j. & in hoc empla-  
stro siue ceroto liquefiat colophonix lb. j.  
Postmodum inijce thuris ꝑ. j. ss. & inde mox  
ernicis ꝑ. ij. ss. Reduc in formam emplastri,  
quo ligabis vlcera sæpius vt audiuiſti.

Non est quòd plura medicamenta cures,  
hoc loco tibi sufficiunt quæ suprà posuimus.  
Nam vlcera similia curam leuiter admittunt.

*Terminus.*

Vbi diutius ita ex vna in aliam sese trans-  
mutarint formam, vltimò in lepram libenter  
transeunt. Animaduerte igitur ad signa præ-  
sentia, ne maiora suscipias, quàm per natu-  
ram valeas exequi.

CAP. X.

*De cura fluxuum corporalium.*

**S**I cuiusdam agnatum sit à parentibus vlcus,  
est fluxus corporalis, præsertim vbi iuxta  
complexiones & proprietates persona-  
rum correspondent.

Istorum cura non est similis aliorum curis,  
Nam fonti naturali fluxum adimere, non est  
facile negotium, aut impedire. Verum sæpe



sæpe visum est exiccatos fuisse fontes, vel ardore solis, aut ipsius terræ siccitate, vt nullum fluxum emiserint amplius. Sic etiam naturales inueniuntur soles, hoc est medicamenta naturalia, quæ siccam in se naturam habent, & exiccantem vt sol cœlestis: hæc perquirenda sunt. Qui tamen siccae sunt admodum naturæ, fluxus tales naturaliter absument, vt in vlcerum erumpere non possint.

Primum sit abstinentia remedium: nam quid prodesset exiccatio solis, vbi rursus incideret pluuia repleretq;? Post dietam exiccatio sequatur per crocum Martis subtilissimum, qui naturalem operationem promouet in homine. Sufficit hoc medicamentum istis vlceribus, abundè mundificat, vbi tamen opertum semper teneatur, siue fluat, siue non, aërem expetit.

Non secus etiam vt fons per aliam viam duci potest, & corporalis fluxus, at cum summa difficultate: nam etsi quandoque sit eum sistere possibile, rursus erumpit, fiuntque posteriora peiora prioribus. Corpus euacuare non est ad exiccationem hanc inutile, quo melius absumi fluxus valeant: at econtrà metuendum est ne purgationes alio loco noceant.

CAP.



## CAP. XI.

*De generibus vlcerum & eorum cura que ex crurum fracturis, adustionibus, vulneribus, &c. oriuntur.*

**G**enus istud vlcerum cognoscitur ex eo quod ipsemet patiens, de suorum vlcerum, vulnerum, adustionum, aut morsuum animalium cum origine, tum deprauationis successu loquitur: cuius quidem prauitatis causa, Chirurgorum ignorantia est potissima, quod nihil addiscere cupiant, donec occurrat ac periculum adsit, vnde processit omne malum.

Cognoscere quidem oportebit, vtrum eo loco potest remedium hac adhiberi via, vel alia: tum an iterum ad vegetationem adduci queat, os ruptum, vel membrum cui damnum illatum est: quod in vulnerum Chirurgia posui. Si tamen industria tua non possis id assequi, sic facito. Primo quod impurum est, mundifica, tum vt in Chirurgia vulnerum doctus es, proseguere.

## CAP. XII.

*De cura vlcerum ex propria constellatione prouenientium.*

**A**ccipe chelidoniam m. iij. foliorum quercus m. ij. trita simul, in fimo putrescant, & post in oleum destillentur, quo lauentur hæc vlcera: tum ad incarnationem insperge.



tritum puluerem ex eisdem quæ dicta sunt factum, in finem vsque. Non est quod in hoc medicamento metuas, quod ad constellata pertinet vlcera.

CHIRURGIAE PARACELSI  
LIBRI II. TRACTATUS  
secundus de curis vlc-  
cerum.

CAP. I.

*De cura vlcera per mundificationem.*



Nulla reperiuntur simplicia, de quibus composita fieri possunt absque dolore mundificantia. Iam consideratu necessarium est, quænam vlcera mundificationibus curari queant: nam istis minimè cedunt omnia; Quæ tamen eo referuntur, his operationibus curantur perfectissimè.

Hoc te primò scire conuenit, quod medicamentum cuique sit vlceri congruum, vt propria suis appropriatis adhibeas, aut secus faciens errabis, & deprauabis omnia.

Quum sal adurens in se non continuerint vlcera, vel corrosiua, sub hoc medicamento comprehenduntur absque reluctancia.

R. terebinthine lb. j. vitellorum ouorum numero viginti, misceantur in vnguentum, postea tantundem adde mellis vt amborum est pondus,



pondus, & coquantur igne lento, spatula semper agitando (ne comburatur,) donec fuscum inde pulmentum fiat. Hoc ligabis vlcera manè vespèrîque: mundificat enim impuritatem omnem, & foetorem aufert. Quo peracto fundum ad curam habes optimum, vt nihil relinquatur, quod curam impediat. Si tamen hoc fundamentum ab initio iactum non sit, ad curam peruenire minimè licet.

Notandum est, hanc mundificationem priorem ad perfectam curam non sufficere: quapropter sequens hoc receptum posuimus, quod perfectam docet mundificationem, hoc modo: R. mixturæ superius positæ libram j. terebinthinæ lotæ libram ss. permisce calida simul, non tamen bulliant, & iniice galbani triti, opopanaci, bdelij, ana ʒ. j. Scinde, contundeque minutim vt potes, & vt supra coque cū aceto, vt mixturam habeas omnium. Deinceps adde aristolochiæ rotundæ contusæ ʒ. j. ss. optimè commisce. Hoc omnia curabis vlcera, quibus nullum corrosiuum inest, nec sal adurens.

## CAP. II.

*De cura ulcerum per calcinatā.*

**I**N calcinatis peculiaris est operatio: hoc est in his quæ corrosiua non sunt, vlcera mirabiliter illa curant, & vi quadam. Hoc tamen ignorare minimè potes, ea tantum vlceribus conuenire, in quibus vrentia vel cor-



rosua salia (quæ causa sunt ipsorum) operationem suam perfecerunt, ac mortua sunt. Sæpius enim accidere solet, ut fluxus abundancia, tanquam nubis repentina laceratio fiat, indeque mox vlcus erumpat, & postmodum nihil efficiat amplius. Ex eo concluditur, vbi congruum non adhibetur medicamentum, peius quid oriri posse, quod sal balsami rursus incendit, vnde permanens vlcus enascitur. Quum ergo similia tibi fuerint oblata, calcinatis cura, prout sequitur: Recipe vitella ouorum decem, terebinthinæ ℥. viij. ss. in vnguentum age, prout moris est: huic adde calcinati ℥. ss. His bene permixtis, manè vespereque liga: videbis mirabiles operationes hoc loco.

In concludendis vlceribus his, emplastro de resina poteris vti, quo melius pellem obducatur. Recipe resine communis libram j. ceræ lib. ss. picis græcæ ℥. iij. liquefac simul, & his permisce calcinati ℥. j. & vtere hoc emplastro solum in vlceribus non vsque adeo profundis aut magnis, & facile curabuntur. At si profunda lataque fuerint, poteris hoc ipsum emplastrum indere filis in pinnacidium contortis, &c. Curabis omne genus horum vlcerum ex abundantia fluxuum ortum habentium.

Animaduertendum in his, ut in principio scuire permittas. Nam hæc est multarum infirmitatum deprauatio, quod Chirurghi curare velint ante maturum tempus, & quum adhuc scuiunt



sæuiunt morbi. Quicquid eo tempore fuerit assumptum, siue ligno, fumigijs, aut vntionibus, hoc omne deprauatur, & ita fit enorme, vt nullum amplius medicamentum, non nisi post multos annos admittere velit. Quapropter Chirurgus optimè sæuientis naturæ terminum obseruare debet, antequàm incipiat curam: vt non sæuientem naturam laceßat magis, dum in opere suo fuerit, at expectet finem turbationis eius, & fatigationē, postquam omnia requiem quærunt. Hoc ipsum felices curas efficit, & Chirurgus eo sibi laudem acquirit non exiguam.

## CAP. III.

*De cura vlcærum per corrosiua salia  
calcinata.*

**N**onnulla per corrosiua calcinata salia curantur vlcera, sed ea solùm, quæ deprauata, & nõ sunt in proprio corrosiuo suo genere, nihilominus curã alia via factã abhorrent. Eius causam esse scias, quòd fundamentum nullũ habeat, super quod carnẽ plantare possent, aut in quo vegetare quidpiã aut crescere valeret. In his animaduertendũ est, nonnunquã vlcera curam suscipere nolle, quæ tã aspectu pulchra iuxta conditiones vlcærum existunt. Hoc fit, quia fundus eorũ nõ valet. Quapropter amouendus est, donec bonus inueniatur. Vbi quæ diximus iã nõ apparuerint, isto medicamento nõ erit vtendũ: nã eo damnum



fiet maius & ita prauum, vt vero suo medicamento reluctabitur. Certissimum hoc est, statim atque medicamentum incongruum adhibitum fuerit, in deterius damnum vergit, vt longo tempore post nulli curæ morem gerat.

*Cura.*

R. alumen vstum in aceto extinctum, & oleum de arsenico per propriam suam resolutionem paratum, permisce simul in vnguentum. Postea fac vnguentum ex vitellorum vnguento cum alumine mixto. Item fac vnguentum cum calcinato vitriolo, & vnguento de cerusa. Sic vttere.

Cum itaq; scire non possimus quàm profundè caro sit auferenda, primò nobis vtendum erit vnguento ex vnguento cum alumine calcinato, ligandumque tam diu, donec sanum sit vlcus, quod plerumque fit in quatuor diebus, aut citius. Si hoc non iuuerit, vtendum erit vnguento cum alumine & oleo de arsenico. Et si hoc secundum nihil proderit, vnguentum de vitriolo rem perficiet. Animaduertendum vt quod vnguento primo potest fieri, fiat, & nō assumatur ad hoc tertium, ac si crederetur isto rem absolui citius, vtriusque nempe Chirurgi patientisque damnum erit: nam rarò bene succedit hoc negotium, vbi melius operari præsinitur, quàm res ipsamet exigat, Chirurgo dedecus maximum est, ordinem Chirurgiæ non obseruare.

*Latus*



Latius notandum erit, vbi necessum fuerit vti postremo, quandoque eijcit escaram, hanc oleo laterino subleua, butyroque statim superposito, vt separari melius valeat. Nihilominus curandum non erit, etiamsi escara sit adhuc in foramine, sed absque butyro & oleo ligandum vnguento de calcinato semper, aut cum eisdem calcinatorum emplastris, & eijcitur. Vbi iam ceciderit, æquatum est vlcus, & sola consolidatione, positioneque pellis indiget.

Plura corrosiua reperiuntur, vt Mercurius sublimatus, arsenicum, & similia. Verùm ab eis caueat vnusquisque: nam ex ordine Chirurgiæ non sunt hoc loco idonea, quòd martyria carnicum adferant tormentis haud absimilia. Leuius negotium hoc alia via rationeque perfici potest.

Dicam & hoc: Vbicunque talia fuerint vlcera, quæ fundum peruersum habent, corruptione melius & perfectius, præter escaram curari poterunt. Aut vbi caro bona foret, at infecta veneno, sine damno carnis erit extrahendum. Cuperem in vtilitatem patientum, hanc artem penes Chirurgos omnes fore communem. Puncta duo hæc notatu dignissima sunt, ad euitandum intolerabiles calcinatis salibus dolores excitatos, & præsertim eorum abusus maximos. Vnum est putrefactio, & alterum à carne veneni præter læsionem extractio.



*Putrefactio.*

Recipe aluminis adusti per acetum corre-  
cti ʒ. ss. salis armoniaci ʒ. j. vitella ouorum nu-  
mero quatuor, mellis cochlear vnum, farinæ  
hordei ʒ. ss. in vnguentum simul omnia per-  
misce, quo singulis vigintiquatuor horis liga-  
to semel, foramen implendo: tum incerato lin-  
teo superius obstrues optimè, ne quid exeat.  
Hoc fac ter aut quater, & satis erit. Quod nul-  
lius est momēti, putrefit, ac separatur à bono  
sine corrosione, dolore, & præter escaram, ac  
similia: quodq; remanet, bonum est, vt super  
hoc incarnare tutum sit.

*Extractio veneni de carne, quæ adhuc  
bona est.*

Recipe carabe tritū optimè, & in vase coo-  
perto positum, igne lento paulatim liquefiat:  
innox atque liquefcere cœperit, inijce terebin-  
thinæ tertiam partem, & misce. Postmodum  
infunde plus terebinthinæ, & misce: qualibet  
vice, parum huius affundes, donec in vnc. ss.  
carabis, vnc. ij. terebinthinæ miscueris. In hac  
materia fila inadesiant: si durior extiterit, ad-  
miscebis oleum lini, vt illiniri se permittat, &  
vulneribus indi calida. Deinceps sodicatio-  
num emplastra superpone de colophonia per  
dies quindecim, & ita venenum extrahitur in  
sanie. Poteris post quinque dies addere  
calcinatum iuxta negotij  
conditionem.

G A P.



*De cura vlcerym per balsamum  
tartari.*

**V**Lcera quæ centrum habent in eodem loco, in quo sumpserunt originem, vtilissimè curantur balsamo tartari. At si origo non sit ibidem, eius erit cura frustranea. Maximi namque per abusum tartari sunt ab ignaris errores orti, præsertim quum locis quibus non conuenit, applicarunt, eo quæ plurimos seduxerunt. Errarunt etiam turpiter in præparatione, dum non calcinatum resolverunt, &c.

Maximæ virtutes in præparato tartaro latent, vt in eius balsamo, quo ad consumptionem humorum superfluatorum, putredinum, inflammationum, & corrosionum, vt in crucibus putridis, in quibus operatur potentissimè, qualiacunque, & quantumuis magna, tumefacta, vetera, putrida, foraminata, vel corrosa fuerint. Vbicunque balsamum hoc vsurpatum est, instillationibus, vnctionibus, illitionibus, aut superpositionibus, ad interiora penetrat, & in os tam profundè ac origo latet vlcerys, ibidem quæ mortificat omne quod inutile reperit, à radice quæ prorsum euellit: consumit & exiccatur omnes tumores, & admiranda siccandi virtute sua tollit omnem infirmitatem à fundamento & origine. Salia quæuis hæc



ulcera causantia mortificat, & mundissimè repurgat, vt nullus humor eo locò redire potest amplius, & vti sol aquam in terræ superficie, siccat. Nihil est quod huic balsamo comparari valeat: nam radicitùs & fixè curat, & in pristinum statum adducit ea quæ putrida erum sunt ulcera. Verùm in alijs non est eius experientia tam perfectè probata, ac in illis,

*Præparatio balsami tartari.*

R. salis petrae libram j. arsenici ℥. j. calcis vi-  
uæ ℥. iij. tartari ℥. ix. terantur omnia minutis-  
simè simul, & ponantur in ollam ad ignem, &  
calcinentur. Quod calcinatum fuerit, solua-  
tur, & per filtrum destilletur. Solutum hoc ite-  
rum calcina ter: primò coagula, & adde salis  
petrae tantundem, & iterum calcina, postmo-  
dum bis iterum vt prius. Ad postremam coa-  
gulationem affunde acetum destillatum, &  
per destillationem separa toties, donec in dul-  
cedinem transeat, cum calore maximo, tum  
demum ita compones.

Hoc oleo crus madefac optimè, postmo-  
dum cum alumine calcinato per acetum ex-  
tincto quod residuum est in vnguentum per-  
misce, quo ligabis ulcera iuxta consuetudinē.  
Post horas duodecim animaduerte quæ se res  
habeat, si cū rubore tumoreq; paulatim pro-  
gredere, & singulis viginti quatuor horis liga  
semel tantum, nec cesses, donec rubor & tu-  
mor abierint: tum demum ista compositione  
ligabis



ligabis à priore non vsque adeò dissimili.

R. purum hoc oleum & lb. ij. addito draganti in aqua rosarum soluti ℥. ij. camphoræ tritæ ℥. ss. optimè permisce, & eo totum damnum unge, tum in foramen injice donec apertum fuerit. Tum demum incipit operari sine damno doloreq; & exiccare, vt non secus ac à facie solis aqua dispareat. Sequere processum hunc, donec in pristinum statum crus adductum sit.

Animaduerte si foramina sint, quæ incarnari debeant, alia compositione fieri debet, utpote: R. huius olei vnc. v. mumia vnc. j. croci Martis vnc. j. ss. olei onorum ℥. x. misce simul, & hoc ligato: nam incarnat & concludit.

Post conclusionem bonum erit vt eodem oleo balsamoq; per se præter additionem totum perungas membrum diebus decem, &c. Deinceps quolibet anno vicibus aliquot venas in furis aperire iuxta commoditatem, & experti medici consilium erit utile.

## CAP. V.

*De cura vlcerum per ablationem venarum & nervorum.*

**C**ontigit aliquoties, vt ex originibus vlcerum, humores deciderint subtus genua, &c. ac ibidem vlcera generauerint: & licet eorum salia non sint infecta veneno, tamen quia sunt in alijs locis quàm suis, & ob

K



eorum abundantiam in vlcus erūpunt, quod in eo loco non potest curari, sed in alio. Quapropter factum est, vt iuxta meatum retrogressum, ac inuentum ibidem fuerit, materiam peccantem non amplius fore venenosam, indeque venarum & neruorum ablatio sumpserit originem. Hæc tamen fieri nulla ratione debet, nisi fluxus huiusmodi peccent inferius tantum, & non superius: aliàs frustra futura sunt omnia, nec solum frustra, sed in dubium adferent vtrum accidere possit, nempe vt vel incurabilia reddantur, vel ad mortem tendentia. Nam si natura fluxum infra direxerit ad crura, & Chirurgus eum retrorsum ad corpus resciderit, eo cordi fit proximior, & ad infectionem pronior. Et si contigerit paroxysmum intercedere, vitam impedire vel auferre conabitur omnino: aut si fortè concludatur, operationem in corpore suam exercebit mortalem, vel absque spe curationis, damnum hoc relinquet. Quamobrem vide quā operaberis, ne fias homicida. Siquidem curare vel medicinam agere præter artem & experientiam, latrocinio peius est artificium.

Truncatio venarum aut neruorum in ablationem, fieri debet supra genua, vbi proprius & conuenientius videbitur abscissionibus, adustionibus, corrosionibus, aut alijs quibusvis truncationibus, vt satis amplū vulnus fiat. Et inter ambas extremitates venarum & neruorum



uorum fluxus est attrahendus, cum superior & inferior pars cōiungi nequeant, fluxus etiam quo prius, descendere minimè potest. Contigit aliquando, vt fluxus super alias venas deciderit, ac per eas ad suum locum rursus venerit, eruperitq; : aliàs vt in aliud latus defluerit, illudq; destruxerit: quandoq; ob abundantiam ambo latera. Nōnunquam etiam per membrorum huiusmodi truncationem intrinsecæ fuerunt infirmitates ortæ, vt flauiores, stomachi debiles, infirmia iecora: quandoq; successu temporis est subsequuta mors. Admoneo te igitur in his vt non erres, abundantem fluxum arripiendo, vel assuetum, sed mitem & recentē, in iuuenibus tantū. Phlebotomijs etiam indies curato pro necessitatibus exigentia.

Truncationū istarū vsus, nec docendus, neque laudandus est, cū nulla sit ars. Alius est venas truncandi modus per adustiones etiam non adducendus, quod rustici non ignorent. Solum animaduertas vt locum quæras proprium, ne quem contractum reddas, vnā cum alijs accidentibus ex truncationibus facillimè prouenientibus. Latius cōsuevit Mercurio sublimato, & alijs corrosionibus escaram eijci: pariter non est memoratu dignum, cum sit vnā cum cæteris præcedentibus carnicum ars, non nisi propter summam necessitatem vsurpanda. Latius vulnerum postcuræ modus est communis, adustio & corro-



sio, quæ describendæ non sunt, at solùm industria cuiusvis relinquendæ.

Si tamen expertum sit per truncationem venarum & neruorũ vlcera talia curari, compertumq; latius in dñum incidi posse, meum hoc documentum est, vt potionem vulneralem componas iuxta communem vsum, & in potum administres, ita fiet vt ex foramine fluat egregiè: si clarus liquor extiterit, indicium est ablationem non procul à foramine fiendam, & quanto proximius, tanto melius, & sub genu potius quàm supra. Quum locum sciueris, vnguentum istud superpone, tam latè ac opus fore videbitur: hoc enim coagulat fluxus intrinsecus & in venis atque neruis, durefcitq; , & nō amplius defluit. Maneat hoc emplastrum quatuor aut quinque septimanis: tum demum certus eris nihil amplius descendere. Quod citra dolorem omnem fir, ac apertionem.

Quo peractō curabis vlcus communibus medicamentis à me recitatis antea, & cum fodicationum emplastris, per mundificationem aut aliàs: nam faciliè pōt curam admittit.

## CAP. VI.

*De cura vlcenum per vapores aquarum & sudores.*

**S**Vnt & alia multa vlcenum genera quæ sub genibus accumulatur, tamen sub cura balneorum non comprehenduntur. Quapropter



propter optimè cognoscenda sunt ea, quæ curam istam habere cupiunt, aliàs plurima deprauabis vlcera. Nam in isto balneo particularis conditio sita est, vt ea quæ ad hoc nõ sunt ordinata naturaliter, in aliã quàm propriam naturam transeant, vtpote in sanguinis maximam effluxionem, præter eorum vsum.

Quæ verò sub curam hanc pertinent, ea sub genu sita magna, putredinis & cruoris ac similia plena sunt, crurum putridorum instar, & mox atque tacta fuerint, sanguinem emittunt. Illa per huius balnei proprietates curari possunt, etsi alio quouis loco posita sint, modò signa quæ diximus, edant.

Si medicamento simili voles vti, vide vt ipsum optimè cognoscas: nam eius operatio talis existit, vt cruorem putridum, & carnem inutilem extrahat ab vlceribus in aquam. Vbi iam fluxus omnis exiccatus fuerit, alijs medicamentis postea curandum & consolidandum erit, siquidem balneum ad euulsionem sanguinis superflui tantum ordinatum est à carne venisq; , propter quem vlcus enatum fuerat. Hoc enim ablato, cura facilis erit. Animaduertendum ne diutius æquo balneum continues: nam vbi terminum eius præterieris, aut non repereris, in posterum & sanguinem bonum attrahit, vt non facile, nec sine periculo sisti potest.

*Cura talis est.*

R. viridia pinnacidia abietis, quæ succi ressi-

K 3



næq; plena sint, m. ij. summitates recentiores juniperi, corticum fagi ana m. j. chelidoniæ, cepeæ, foliorum quercus, ana m. j. radicum hirundinariæ, aristolochiæ rotundæ ana lb. ss. Coque simul in aquæ tantum, vt sat est ad pedum balneum. In eo manè vespertiq; balneo teneatur vlcus, &c.

*Alia.*

R. saniculæ vel diapensiæ, pirolæ, dragunculi, foliorum quercus ana m. iij. hirundinariæ radicum m. j. consolidæ maioris, aristolochiæ rotundæ ana m. ss. pinnacidiorum abietis viridium m. j. ss. Coquantur vt suprâ. Huiusmodi balneum ad tres dies sufficit, ni forte fœteat, tum demum innouetur.

Post balneum habeas vnguenta vel emplastra quibus cures optima: nam solo balneo curari nequeunt. Est etiam quòd ea quæ sistunt sanguinem, tibi sint promptissima, vt superuenientem quandoq; fluxum retinere valeas: aliàs abstine prorsus ab ista curandi via. Non sis etiam temerarius in suscipiendis huiusmodi curis, nisi cognoueris optimè sub istis medicamentis vlcera talia comprehendere.

## CAP. VII.

*De cura vlcenum per olea destillata, gummi, & per similes aquas.*

*Alia*



**A**Lia reperiuntur vlcera, quę maximum dolorem inferunt inflammationibus & stimulationibus, in eis tamen corrosi-uum aut calcinatum vitriolum nullum, nec alumē aut aliud quidpiam operari potest, neque medicamentum quoduis aliud optimum illa recipere vel admittere volunt, vt fodicationum emplastra sunt vnguentaq; : nec ad vlcera quęuis alia perquam vtilia quicquam in eis efficere possunt, imò his omnibus indies redduntur prauiora. Ista quidem vlcera pertinent solū ad curam, quę fit per destillata. Verūm his quum curare voles, vide vt etiam optima consolidatiua quęque habeas: nam per destillata solū curari non poterūt, at præparari, & medicamētis obedientia reddi. Quę potiora sunt enarrabo: tamen est quòd animaduertas sub istam ea tantūm comprehendī curam, quę nullis medicamentis volunt cedere, quęq; dolores noctes & dies inferunt cum ardore, acerrimisq; stimulationibus absque requie.

Pauca sunt ea quę ad hoc negotium destillanda veniunt, vt oleum petroleum, terebinthina, caryophylli, zingiber, miristica nux, & similia. Vbi destillata iuxta conditionem vlcera istis indita sunt, omnem dolorem auferunt, & ita mitigant, vt libentissimè curam admittant. Pariter omnia quę glarealem aquam sistunt, in sole digesta vel destillata conducunt.



*Cura.*

Hoc loco  
efficere vi-  
detur ali-  
quis li-  
quor.

R. caryophyllorum vnc. v. zingiberis vnc.  
j. nucis muscatę vnc. fs. destilla simul per alem-  
bicum, & separa gradus, quos iuxta dolorum  
gradus applicabis.

*Alia.*

R. olei communis vel oliuarum libram v.  
nam, thuris albi vnc. fs. caryophyllorum vnc.  
ij. fs. destillentur omnia per alembicum, & se-  
parentur eorum gradus.

*Alia.*

R. terebinthinę lb. j. petrolei vnc. j. fs. destil-  
lentur per suos gradus, & secundum eos ap-  
plicentur.

*Alia quę cum precedentibus incarnat, con-  
solidat, & concludit.*

Accipe thuris, masticis ana vnc. j. fs. caryo-  
phyllorum vnc. j. mumię vnc. ij. fs. bdelij ʒ. ij.  
galbani vnc. j. destilla simul, & separa gradus  
inter stillandum. Postmodum oliuarum olei  
per gradus etiam destillati partem æqualem  
adde misceq; , & in vitro positis ambobus o-  
leis impone: flores hypericonis ad summum  
vsque digerantur, & in vsum assumantur.

Vsus eorum destillatorum est, vt illinian-  
tur plumis integra damna circumquaq; ma-  
nē vesperiq;. Et si fortē interea dolores inci-  
derent aut ardores, mox iterum illiniendum  
erit



erit absque intermissione.

Quod ad superpositionem, optimum erit emplastrum de calcinato, ut in priori particulari ponitur, aut in secundo.

Horum ulcerum conditiones attractiva nulla patiuntur, nullam terebinthinam crudam, aut emplastrum, nullum etiam unguentum, &c. siue initia sint, aut non, at solum destillata, vel destillatione præparata. Quapropter Chirurgus omnis rerum omnium destillationem calere debet optimè, ut ea quæ pharmacopolarum coquina restaurare non potest, id potioribus efficere valeat.

Sunt etiam nonnulla collyria ad oculos ordinata, quæ in istis ulceribus admiranda pandunt, quosuis dolores auferunt, salia corrosiva mortificant, illisque vires adimunt, & potissimum quæ destillata sunt, imbutaque pinguedine.

Nonnulla balsama ex prædictis destillantur cum corrosivis, & corrosivam naturam amittunt, fiuntque mitiora per destillationem, nihilominus eam retinent qualitatem: ista mirabiliter operantur in vulneribus.

### CAP. VIII.

#### *De cura ulcerum per naturalia balnea.*

Nemo de balneis naturalibus vel thermis dicere potest, quod vires in se non contineant, ac virtutes hominibus plurimum utiles, ut sunt aluminosa, vitriolata, sul-



phurata, siue acida, siue dulcia sint balnea.

Per medicinam expertum est, ea quæ nascuntur in terra, maximas habere vires, & nonnullas aquas illis esse conformes, ac salia plurima variaque hoc loco non adducenda. Hac de causa tantillam istorum hîc facio mentionem, vt cognoscatur viribus alijs etiam crescentibus ad curam vlcera conducentibus non impares aquas fore, cum vt alia productæ sint naturaliter.

Vlcera quæ non habent originem ab interioribus regionibus corporis, at ab eo loco tantum in quo sunt, balneis curari debent, natura similibus: hoc est, si vlcus aluminosum fuerit, aluminoso curandum est balneo: cum illa duo conueniunt, cura feliciter subsequitur: & vbi similis concordia non fuerit, frustra curabitur. Est igitur hæc obseruanda Chirurgis & cognoscenda.

Vlcus omne quod fluxum prorsus eiecit, expurgauitque, facile curari potest: quapropter vbi Chirurgus tale cognouerit, ad balnea relegare debet. nam citius & melius quam aliquo medicamêto curabitur, ac illa quæ sunt adhuc recentia, & fluxu, necnon accidentibus carentia. Demonstrant etiam balnea propriam virtutem, vt quæ incarnatiua, quæ consolidatiua sunt, & quid simplex eorum sit, aut species, iuxta similitudinem vlcera sunt illis committenda.

Summè cauendum est, ne remittantur ad  
balneum



balneum illi, qui suapte natura facile curantur, & vlcus patiuntur, quod non prius curari debet, quàm à radice prorsus extirpetur, ac origo non sit eodem loco in quo foramen apertum est: nam in istis vlcerum conclusio peius accidens & quandoque mortem adferet. Si tamen à sæuitiâ deprehendantur vlcera fore, similiaque, tum demum concludi poterunt, & phlebotomijs iuxta sæuientem eorum succurre naturam: his enim propulsantur accidentia quæ succedere possent. Accuratissimè cum balneis igitur agendum est, & certissimè, ne quispiam ad sui ruinam seducatur.

## CAP. IX.

*De cura vlcerum à tempore.*

**N**on aliàs quàm pluuiâ diu decidens, tempore suo postmodum cessat, & per seipsam, vlcera quædam vbi diu satis malitiam suam exercuerunt, & adimpleuerunt, quiescunt. verùm hac de causa nondum curatum est vlcus: id est, foramen illud à tempore solùm curari non potest, quamuis ablata radix & origo sit, remanet adhuc vlcus.

Hoc loco non est opus alio quàm ad vlcera medicamine, quibus nulla materia peccàs inest amplius. Inde colligi potest, plurimos Chirurgos, q̃ talia conati varijs medicamētis ante suū à natura tēpus determinatū, frustra laborasse: at vbi tempus aduenerit, leuissima



quæque res ea curare potest, vt emplastra, vnguenta, fumigationes, lotiones, guaiacum, & similia, quæ nil operantur in istis vlceribus, donec tempus dictum præterierit, & fuerit consumpta radix eorum. Aliàs vbi hæc adhuc aderit, frustra futura sunt omnia. Hinc fit vt multi guaiaci decoctionem bibant, vnguantur, & fumigentur: quibus hæc omnia profunt nihil, nisi tempus adimpletum sit originis consumptionis.

Tempus hoc igitur animaduertendum est, & quum venerit, omnibus remedijs vti poteris quæ tibi sunt cognita, prout vñctionibus, fumigationibus, & guaiaco: si verò non, abstinere penitus, quoniam prauiora per te fient omnia. Ea quæ diximus rudissima sunt medicamina, meliora quidem sordidationũ emplastra, & vnguenta vulneralia, quibus vlcus omne qualecunque sit, vbi tempus originem illius absumpserit, facillimè curatur.

Cognoscuntur vlcera hæc, vbi dolorem omnem reliquerunt, ac per se disponuntur ad curam: hoc est, vbi reluctantur, & nihilominus veterem suam reliquerunt malitiam, ad huiusmodi curam satis apta sunt: nam iuuat ipsamet natura. Non existimabis ideo quòd vnum curaueris vlcus, & casu potius quàm arte, reliqua te curare posse: tempus in omnibus non est impletum: hoc te considerare decet, ne patientes vñctionibus, fumigijs, & guaiaco ruines.

CAP.



## CAP. X.

*De cura vlcerum per sparadrap, id est,  
fluxuum retentionem.*

**V**Lcerum sub genibus quorum fluxus à corpore prouenit, est alia cura nō multum ab ea quæ venarum & neruorum truncationibus fit, ablimilis, at pariter intelligenda, quòd in illa prout in ista fluxuum retentione fiat, ne decidant amplius: & postquam steterint, sub genibus curatur vlcus. Verū considerare te nō solum oportet, qua ratione curare valeas, at etiam, vte cura peius non adferat accidens, vt hoc loco per fluxus retentionem intelligi potest. Nam per seipsam ars dici nullo modo, sed potius deceptio (cui magis videtur æquiparari) debet. Nequaquam etiam istius retentionis vsus in omnibus admitti, nec vsurpari deberet, at solum vbi fluxus eò moliantur exitum, non ex propria malitia, sed ex occasione data. Verbi gratia, si damnum aliquod pedibus inferatur fricationibus, aut contusionibus, &c. ob contemptū vel iniuriam, apertum vulnus hoc humiditatem corporis ad se quandoque fluere cogit, quæ tamen aliàs eò non descendisset. Vbi simile quid acciderit, sparadrap vsurpari poterunt, donec foramen conclusum fuerit: in eis tamen quibus causæ tales non interueniunt, nulla ratione vtendum est.

Sparadrap ars ligationum linteis & simili-



bus executā, non fuit antiquitūs vt iam in abusu maximo: sed facta fuerunt olim ex eis quæ sanguinem & glaucālem aquam sistunt, hoc modo videlicet: Accipe limacum domuncularum vltarum, & corticum ouorum calcinatorum etiā ana ℥. v. lapidis hæmathitis ℥. j. ss. boli armeni ℥. iij. terræ sigillatæ ℥. ij. ss. minutissimè terantur omnia simul, & cum dragantogummi in aqua rosarum dissoluto misceantur in pultes, quibus ligandum est ab imo ad supremum. Hæc est omnium optima ligatura. Nonnulli decem assumpserunt materialia, quæ superposuerunt, eo suam insecitiam patefacientes.

Quum fluxus itaque retenti sunt, facile fuerit inferius vlcera concludere. Verum humores qui superius hærent, absumendi sunt aut abstinentia, vel purgationibus, phlebotomijs, guaiaco, vel alijs exiccantibus, quocunque modo poteris. Hoc enim tamdiu fieri debet, donec omnino certus fueris post solutionem vinculorum humores amplius non descensuros, at in propriam rediisse naturam: quod omne minimè fieri poterit, vbi fluxus corporales extiterint. nam semper iterum erumpēt, & constantiam nullam habituri sunt. Quapropter cognoscere te prius decet, in quibus vtendum erit hoc remedio:


CHIRVR.



CHIRURGIAE PARACELSICAE LIBER TERTIUS  
de Morbillis.

CAP. I.

*De prima curæ morbillorum practica.*



**H**VIVS curæ communis & primus ingressus fore debet, ut anatomia cognoscatur: id est, locus, origo, finisq; morbi. Maximi hinc oriuntur & enormes errores, dum lauantur, aut unguntur iuncturæ, scapulæ, vel aliæ corporis partes, siue doleant, siue non, inconsideratis accidentibus, quæ subsequi possent ea de causa. Nam si latius extendatur unctio, quam ipse morbus, venenum est alijs partibus: & non ungatur locus integer æquè latè ac anatomia morbi comprehendit, debilis erit unctio. Primus est huius practicæ punctus iste quem audisti: nam quæ iuncturæ fuerint unctæ, latius iam dilatatur medicamentum quam sit morbi locus. Est igitur arbor cognoscenda morbi, necnon ramorum eius extensio, ut in ea maneat Chirurgus, & limites non prætereât. Si morbus in venis foret, ut in ulceribus, qui procederet ex saluatella, in vena locus eius est quærendus, & eius medicamentum solummodo recipiet, aliud non,



*De potissimis ingredientibus medicamen-  
ta morbillorum.*

**I**N morbillorum medicamentis primatum obtinent Mercurius, Marchasita, & metalla, sine quibus morbilli curari nequeunt. Vis Mercurij summa purgatio est, præter quã euelli morbilli nullo modo possunt. Eorum purgatio fit per secessum, per os, per lotium, per sudorem, &c. Nihil excellentius, felicius, fixiusque purgare potest essentia Mercuriali, quam præparatur in laxatiuorum ordinem & vires, quorum ista sunt nomina.

Sulphur vitriolatum, est sulphur à vitriolo per elixationem tractum, cuius dosis est vt el-  
Jebori albi.

Vitriolum liquefactum, est id quod ex minera trahitur, & coagulari se non permittit.

Mercurialis seña, est aqua ex aluminibus tracta, in qua Mercurius natus est.

Laxa chimolea, est puluis abrasus à salis mineræ floribus.

Mercurius metallorum præcipitatus, est reductio metallorum in primâ suam materiam, postmodum in seipsam subsidere coacta.

Mercurius mineralium, est oleaginitas quæ ex mineris argenti vel auri trahitur, vel  
ex eis quibus immixta sunt  
naturaliter.

CAP.



## CAP. III.

*De abusibus in medicamento Mercuriali factis,  
& eorum correctionibus.*

**S**Va quibusuis ordinata sunt tēpora, morbi etiam determinatum suum terminum habent ad curam, ultra quem accelerari minime debent, imò potius medicamentum hac ratione dirigendum est, ut eius tempus cum infirmitatis tempore simul concurrat. Alias, ut ubi medicamentorum tempus æquocitius expiraverit, idem accidit ac dum æstas nimis tempestive desinit. Hoc potissimè notandum in Mercurio, nempe nihil fore quod potentius maturitatem promouet. Quapropter Chirurgo maximè necessarium, ut istius tempus morbi tēpori valeat aut sciat accommodare: nam iste nec præcipitari, nec tempore Mercurij pelli sese patitur. Quamobrem vnumquodque non ut aliud medicamentum ordinari debet, nec sana membra Mercurialibus viribus arripi, velut fumigationibus, vnguētis, aut lotionibus. Istorum omnium maximam habere noticiam oportet eum, qui velit uti Mercurio vel argento viuo: pariter & corpus ita cognoscere, ut sciat an occultus aliquis morbus, aut eius initium in eo lateat, quod in posterum erumpere posset.

In cura morbillorum nulla ratione gummi, laxatiua, constrictiua, repercussiva, opiliatiua, stupefactiua, &c. sunt usurpanda, sed pe-

L



nes Mercurium tanquam scopum erit manendum. Hic tribus corporibus concluditur, utpote minera sua cum sanguine, quæ præparatur ut Mercurius. Postmodum corpus à minera separatim repurgatur igne. Tertium verò corpus est, quæ in formam adusti metalli reducitur. Ex tribus istis corporibus omnis morbillorum cura petenda est, vngendo, fumigando, lauando, &c.

## CAP. IIIL

*De præparatione Mercurij in vnguentum.*

**P**ostquam tempus morbi repereris ordine, locum, & expellendi modum, cum simili medicamento auxiliari, Mercurium in vnguentum sic præparabis.

R. mineræ ex qua Mercurius oritur prout in prima coagulatione reperitur, antequàm indureseat, vel in corpus facta sit, libras xx. Tere & in aqua pluuiali coquas per horam, sic decedit impuritas à puro, quod effusum reseruabis, & cucurbita destillabis igne vehementissimo: ascendet liquor albus coloreq; cæruleo mixtus, hunc serua. Postea destillato phlegma separatoq; balneo Mariæ, manebit in fundo quædam oleaginitas æquè ponderosa fermè ut Mercurius, immaturæ mineræ liquor, hoc vtere, nempe granis ij. cum olei spicæ granis vj. iuxta consuetudinem & argenti viui conditiones.

*aliud*



*Aliud medicamentum corporis Mercurij.*

R. Mercuriū corporalem, & amalgama cum tanto sui pondere stamni, fluere permittas & in aquam verti, quam vnā cum tanto sulphu- *fat of*  
*sp*  
re destillabis, & ascendet oleum in forma lactis ponderosum, absq; aliqua asperitate. Hoc vtere cum vnctione vt suprà, iuxta pondus, &c.

Omnis Mercurij præparatio fieri debet tam diu donec fatigetur, & nullam habeat asperitatem amplius, post vtere vt suprà.

## CAP. V.

*De fumigatione Mercurij.*

**S**I vapore Mercurij voles vti; primò præparandus est in attractiuam naturam. Est etiam quod scias vsum ipsius varium fore posse, videlicet; ad constipandum, purgandum, laxandum, consolidandum, mundificandum, corrodendum, &c. Istius ad fumigium præparatio talis est.

R. Mercurium & cum sulphure mortifica prout ad cinabarim fieri consuevit. Postmodum à sulphure cum tanto sale petræ quantum vtriusq; pondus fuerit, sublimato. Ponatur in vas aliquod altum palmis duobus à terra, quod latum sit inferius & strictum superius ab vtraq; parte vel extremitate patulum. Applica dāni locū extractē supra vasis orificiū strictius, vt istud & emūctorium à quo fieri debet extractio è directo conueniant. Gale.



fiat igne lento Mercurius vt non euaporet: fiant hæc omnia iuxta morbi respectum & personarum. Per calidos vapores quos recipit emūctorium à Mercurio per vas sursum ascendentes, operatio melior ac si Mercurij corpus damnum subintraret, efficitur, & sine damno: quoniam ab istius corpore cauendum est, & à substantia ne ad curam vsurpetur, aliàs vsus eius nouas infirmitates producet.

## CAP. VI.

*De cura morbillorum per lotionem.*

**C**um lotio præter Mercurium nullas vires habeat, nihil iuxta cōmunem vsum addendum est, vt piper, cardomomum, flammula, &c. Nam ista Mercurium incitant ac inficiunt. Nulla etiam ardens aqua fuerit assumenda, quòd illum ad cor vsq; penetrare faciat, vnde ventris purgationes & ardores oriuntur.

Antea dictum est, Mercurium non latius quàm ipse morbus extenditur, applicari debere, ne venenum eius operetur vbi non est opus. Cum igitur lotionibus vti voles ex Mercurio, noli præterire locum infirmitatis. Hæc etiam ad contracturas plurimum conducit.

*Lotio per Mercurium.*

Accipe Mercurium per seipsum absq; additione



sione sublimatum, & aliquot vicibus à liquefacto sale sublimetur, ab eoq; destilletur ardens aqua, donec amplius non sit corrosius, at absq; asperitate. Coque post in aqua hircinariae per mediam horam, & effundatur liquor, vt Mercurij corpus non permisceatur, neque assumatur in vsum, at spiritus eius tantum.

## CAP. VII.

*De cura morbillorum per corrosionem correctione.*

**V**Sus corrosionis omnis est, ad superfluum aut infectum veneno tollendum. Et quicquid in vlceribus nascitur superflui, non oritur ex eis, at ex radice intrinsecus existente. Sequitur inde cum origo non sit extrinsecus, omnes corrosiones fore superfluas. Nam quidquid per eas tollitur, iterum vt prius ex intrinseca radice corporis nascitur. Quapropter frustranea sunt corrosiua, solum ad internam originem confluendum, & postmodum externa tollenda sunt.

Ex altera parte fluxiones in vlceribus carnem, sanguinem, neruos, & ossa quum inficiunt, primum imperitorum Chirurgorum est remedium, carnem, neruos, &c. corrodere tam late ac infectio se extenderit: quod etiam factum est. Nam etsi caro sic infecta, mortua fore prorsus appareat, & os nigrum ac si mortuum etiã foret: nihilominus vt linteum



album iam infectum & maculatum, lotionibus ut prius album & mundum redditur, non secus etiam caro & ossa lauari possunt emplastris & unguentis quæ venenum extrahunt, & mundant carnem sine corrosivis: omne tamen quod aufertur, putrefactione rebusque separantibus ut supra fieri debet. In Chirurgia igitur, corrosiva nullius valoris existunt, eorum verò loco hoc emplastrum est usurpandum. Accipe mellis sylvestris libram, aloepatici ℥.j. ss. aluminis adusti & in aceto extincti aliquoties ℥.j. vitella ouorum numero xx. terebinthinæ lib. ss. permisceantur in pulvis omnia, & bulliant in sartagine donec emplastrum croceum & obscurum fiat. Hoc utere, nam venenum attrahit, & mundificat.

Potest etiam emplastrum hoc, ut omnia, cum gummi iuxta modum Apostoliconis coqui, & optimè mundificat. Nam absque melle, gummi, ovis, terebinthina, litargyrio, cera, & oleo non potest ullum vlcus mundificari. Hæc omnia Chirurgus iuxta necessitatem & respectu vniuscuiusque patientis & morbi, debet quænam ordinanda sunt, cognoscere, non in vno permanere semper.

## CAP. VIII.

*De cura morbillorum erronea, quæ fit per  
adustionem.*

*Non*



**N**onnulli solent adustionibus vti, quod vt corrodere fatuum est: nam ferrum vel aurum nihil ad rem adferunt. At medicamento solum vt suprâ de corrodentibus opus est.

## CAP. IX.

*De incisionibus.*

**E**X ignorantia simili Chirurgorum imperitorum incisiones ortæ sunt, quibus no- uam ad veterem infirmitatem adduxerunt. Dum putant antiqua recentibus loco cessura, noua curant veterum obliti. Verum hac via tam possibile foret morbos in aliam adducere conditionem, ac albam cretam ex carbonibus facere. Quamuis ab incisionibus huiusmodi curæ nonnunquam promoueantur, nihilominus corrosionibus aut illis ne p- lo meliores existunt. Verum est quod ex abundanti sanguinis effusione curæ possint accelerari, quod accumulatus & infectus ille sanguis effluat. Nulla ratione tamen fieri deberet, at solum per medicamenta prout suprâ de corrosiuis habetur, curandum est. Ratione sanguinis venæ sunt aperiendæ, quæ ex damni radice profluunt, & vlceribus affines existunt, vt ex phlebotomiarum ordine cognosci potest.

## CAP. X.

*De cauterisatione pustularum ex morbillis.*



**P**ustularum ex morbillis prouenientium cautherisationis vsus etiam est ineptissimus: tamen admittendus magis quam illæ quæ præcesserunt operationes ob calorem qui hac via frigore gelidis locis introduci potest. Contrà quia membra possunt exicari, & humores eorum absumi, non facile cura similis est assumenda: solùm in his vbi dolores congregantur absque fluxu sub loco in quo dolores existunt, ea cōditione tamen, vt post apertionem pustularum, attractiuorum applicatio fiat, vt infectio quæuis extrahatur, Cauterium in pustulis per se medicamentum non est perfectum, at apertio tantùm, cui medicamentum infirmitati congruum (hoc scilicet) applicari superponi q̃ debet.

*Attractiuum potentissimum ad  
cauteria.*

Accipe viridia pinnacidia abietis numero xx. coquantur in resinam, vt superius dictum est. Huic terebinthinæ tantundem adde, & alterutrius medietatem resinæ foliorum; coquantur simul in mixtionem.

*Aliud quod nihil relinquit.*

Accipe gummi opopanaxi vnc. ss. galbani, armoniaci ana ʒ. ij. bdelij ʒ. iij. soluantur in aceto, cola, & in emplastrum reduc, huic impone reubarbari ʒ. duas, colchiconis ʒ. ss.  
galbani



galbani, carabis ana ꝑ. ss. terantur & immisceantur.

## CAP. XI.

*De cura morbillorum per sudorem.*

**N**onnullæ morbillorum species curantur sudoribus. Nō tam efficaciter cum theriaca, vel aqua pestilentiali, atq; fit, quum ipse Mercurius sudorem excitat: tum demum in sanitatem eius hominis id futurū est certissimum. In alijs sudoribus non est fidentum, quā à natura vel Mercurio pulsus hoc medio. Recipe Mercurium cum stanno coagulatum, & postea minutissimè tritum, & in aureum vas profundum satis positum, ita mergatur in acetum acerrimum & vinaceum, cui quidem ardens aqua rectificata prius affundatur: accendatur & aduratur aliquot vicibus: hac operatione Mercurius, viuum, & stannum in oleaginitatem reducuntur. Hanc serua. Dosis eius est granum vnum in optimo vino veteri potum. Postmodum sudor impetretur in lecto, ordoq; seruetur & experientia.

## CAP. XII.

*De ligaturis per rotulas.*

**R**otularium vsus ligaturarum est potissimum ad crura, quibus vlcerum fluxiones retinentur. Eorum ad interiora nullus est vsus, at ad fluētia solūm. In his metuen.



dum est, ne retenti fluxus accumulentur in corpore, ac ibidem generēt apostemata, post indubiè mors irruat. Huic solus præuenit malo Mercurius laxus, qui resoluit apostemata morbillosorum fluxuum in corpore congregatorum. Ligaturæ similes retinent fluxiones, at contrà sunt apostematum interiorum origo, tum etiam post curam eruptionis. Duo hæc per Mercurium laxum modò qui sequitur præparatum evitantur accidentia.

Accipe Mercurij puluerem, per ouorum aquam toties actum, vt coaguletur. Huius dosis est ʒ. viij. cum optima confectione: fluxus ex ligaturis rotularibus aut alia via simili congregatòs auferit. Sæpius tamen ad-

ministrandus

est.


## FINIS CHIRURGIAE

Paracelsicæ.



AVREOLI THEOPHRA-  
STI PARACELSI TRACTATVS  
prior, de Contracturarum  
origine.

CAP. I.



ULTIGENVVS inter homi-  
nes contracturarum numerus,  
me summopere mouit, duos de  
contracturis in præsentiarum  
tractatulos in lucem ædere, partim in Chi-  
rurgorum vtilitatem, vt ex his earum origi-  
nem & curam addiscere valeant, partim, &  
potissimum, vt patientibus melius tutiusque  
subuentum sit. In primis de Contracturis ex  
læsione dicemus. Earum ergo differentiam  
quintuplicè esse repperi, quarum quidem o-  
mnes, & per se quolibet membrorum contra-  
ctionem modò curabilem, aliquando prorsus  
incurabilem efficit. Singularem quæuis origi-  
nem habet, sed nō sunt vnus & eiusdē omnes  
principij, per eandem viam ad locum diuer-  
sum, & diuerso modo perueniūt, vnaquæquæ  
pro suæ naturæ proprietate, sicuti suis capitu-  
lis infra dicitur latius. Illa quæ fit ex læsione  
corporis, est omniū pessima, de qua primò tra-  
ctandum etiā esse duximus, externis acciden-  
tibus fit, vtpote verberationum, vel fodicatio-  
nū ictibus, casu, vel aliàs diuersimodè, iaculis,



telis, bombardis, abstrusionibus, fractionibus, &c. Quandoq; propter constipationem in carne, quæ nutrimentum impedit, contracturæ fieri solent, vel ariduræ, quarum suo loco mentionem facimus, vbi de aridura loquimur. Similiter accidere solet propter venarum obstructionem, quæ nutrimento suum transitum impediunt, nō per naturam, sed accidentibus extrinsecis, vt si cuiquam venæ truncatæ fuerint, nisi per competēs medicamentum in vulnerum cōclusionē ritē iungantur, quod vias, atque meatus omnes aperiat: ex alteratione pororum & meatuum in arterijs, oriuntur contracturæ. Sæpius etiā euenire consuevit, vt propter abbreviationem alicuius membri vel curæ defectum (quod plerunque fit ex medicamentorum impertinentia, sicuti loco de vulneribus habetur) cōtractura nascatur, cuius cura sub antedictis accidentaliter factis continetur, quia causa per quā lapsus iam factus fuit, carnes & venas obstruxit, atq; mortificauit, vt nerui prorsus in seipsis deficient, membroque nullas vires adhibere valeant, vnde ipsum etiam deficere cogitur: quod patebit clarius, vbi de cura per quam mortificata membra quæque refocillari, viuificarique rursus possunt, agetur in posterum.

## CAP. II.

*De contracturis ex tartaro calculous  
procedentibus.*

*Offertur*



**O**ffertur & alia contractura, quæ procedit ex calculo, vel tartaro, sub cingulo duntaxat regionem habens, doloribus quandoque maximis præcedentibus, totam illam corporis plus mediam partem interimit, insensitivam & immobilem reddit. Nonnunquam in ventre solùm torminibus intestina contrahit, quod externè videri nequit. Aliquando nates & fundamentum arripit, dorsum incuruat, & femora, feminaque super genua, tunc in fundamento contracturam facit. Aliquoties vsque ad ipsa genua extenditur, & crura, postmodum totam corporis partem sub cingulo contractam, impotentemque reddit omnino. Iam de huiusmodi contracturarum origine loquemur, calculi relinquentes originem, aut renum & vesicæ tartari, quæ licet istarum sint contracturarum exordia, libro de Lythiasi tamen, & arenis abundè satis explanantur. Arena & lythiasis in spiritu rerum, in sanguine, & in omnibus quæ concavitates habent, existunt, præsertim in renibus, & cum sanguine per totum corpus expanduntur. Vbi iam ista materia congelata, vel ad congelationem eo loci quo se recepit, ex sua natura proprietateque disposita fuerit, spiritus vitalis, & humor vitæ cordisq; (in quo sumit exordium) qui ad femora, crura, pedesque totos pertinent (cum per totum corpus diffusum sit) eiusque potio, quæ partibus inferioribus competit, per loca transiens, in quibus tarta-



rum, & calculus situm habent, ibidem sophi-  
 sticatur: & propter suam humorum attra-  
 ctionem, per quos transitū facit, à tartaro vel  
 calculo recipit impressiones, tartareasq; pro-  
 prietates, quas retinet, secumq; vehit ad regio-  
 nes, ad quas à natura disponitur, in singula  
 membra scilicet inferiora. Quòd si pauca fue-  
 rit huiusmodi substantia, manet in fundamen-  
 to hærens, & incurvationem dorsi facit. At si  
 paulo plus fuerit substantiæ, progreditur ad  
 femora: si plurimum, ad extremas corporis  
 partes, infimasque transiens, cōtrahit omnes,  
 impotentesque reddit. Non omnes hac ratio-  
 ne qui tartaro laborant, vel calculo contractu-  
 ras patiuntur, quòd eorum calculosa, tarta-  
 rea que substantia compacta coagulataq; sit,  
 ut humori, spirituiq; vitæ permisceri non pos-  
 sit, illæsiq; renes, & vesicam transeant. Est &  
 alia ratio, videlicet quòd arenosæ, calculosæ-  
 que substantiæ paucitas, parū etiam inficiant  
 spiritum, isq; non plus damni potest quàm re-  
 ceperit inferre. Hæc est indubia ratio, cur vitæ  
 spiritus, & humor, quòd nempe materiam ad  
 se talem receperint, membra contrahant. Are-  
 næ lythiasisque materia lapidea est, acerrimæ  
 concretionis & coagulationis. quum igitur  
 venis, iuncturis, ossibus, medullis, & carni-  
 bus admiscetur, horum naturam immutat, ne-  
 trimentorū ductus obstruit, venas & medul-  
 lam ossium frigefacit, ut instar aceti conge-  
 ri fiant, &c. Natura sua tamen per commixtio-  
 nem



nem cum spiritu vitæ nō immutatur, imò semper acrior euadens illum in qualitate magis falsificat, qui rursus id ipsum quod nutrire tantum deberet, etiam falsum, non ex suo, sed ex alieno facit. Ex ista qualitate, complexionum, & naturę contrarietate, nascitur constipatio pororum, arteriarum, carnis, & medullarum in ossibus congelatio: sic vt per acetosam & tartaream huiusmodi frigiditatem, prorsus immobilia membra facta sint: nec solum propter frigiditatem, sed etiam ob aciditatis asperitatē ipsæ venæ corroduntur. Corrupta quædam est frigiditas omnis spiritus expers, & materia spiritu carens, tanquam acetum quod fixum est absq; spiritu corpus, & membris inhærens humida frigiditas, spiritum nullum habens: quod alijs corporibus frigidis & humidis nō contingit, quia viuente ista spiritum continet, qui nō permittit ea contra naturam aliquid moliri, sicuti scripsimus de acetosis, in libro de Lapide & arena: quorū etiam generatio, contracturarum ex arena tartaroq; prouenientium est origo, spiritumq; vitæ, nec nō eius humorē impediens tartarea calculosaq; sua proprietate mēbris in inferioribus dispersa diuisaq; materia, prout suprà dictū est.

## CAP. III.

*De contracturis, quæ ex colica ducunt originem, in manus atque pedes repartitis.*



**C**ontracturæ quædam ex colicis passio-  
nibus oriuntur, de quibus colicam &  
originem eius, quòd in alio Libro par-  
ticulariter tractemus eam relinquentes hoc  
loco scribere prætendimus: quarum variæ sunt  
species. Nonnullæ cum aridura. Aliæ cum tre-  
more. Aliæ cum membrorum & venarum at-  
tractionibus. Aliæ cum venarum prominen-  
tia. Cum doloribus aliæ. Quædam per mem-  
brorum indormitionem. Aliæ cum vomitu  
prorumpunt: quarum omnium colica ut in po-  
sterum audieris, causa est. Primò cum tormi-  
na colica ventrem exagitant, ut eorum est pro-  
prietas, eius loci natura quærens auxilium ab  
ipsa natura, de membris carne minus onustis,  
utpote brachijs, cruribus, & spina dorsi (qui-  
bus vitæ spiritus debilior existit, ideo facilior  
ad recedendum à suo loco, membrisque læsis  
succurrendum) attrahit humorem hunc vitæ,  
qui quòd in illis membris paucissimus exi-  
stat, totus affluit: non ita quidem à carnosiss.  
Vbi iam humor vitæ relictis suis membris per-  
venerit in ventrem, à colica materia propter  
coniunctionem inficitur, illiusque veneno  
tingitur (de quo mētio fit in descriptionibus  
colicæ) & inde contracturarum tres species  
oriuntur. Vna, postquam per se iam cessauerit  
morbus absque medicamento, rediens unde  
processerat, victoriam adeptus humor iste vi-  
talis, ad singula sua membra colicæ perniciem  
secum vehit, quæ non alias, quam arena & ly-  
thialis



thiasis est contractæ naturæ. Talis corruptio quod contra membrorum naturam illa subintrat, aliarum instar in contracturam transit, & inde sequitur impotentia. Quod ex quavis colica non accidat, ratio est, quia substantiæ colicæ parum hoc, ab humore vitæ penitus absumitur. Secunda colicæ contractura fit ex insufficienti, vel impertinente medicamento, quod omnem huiusmodi materiam consumere minimè potuit, & quod residuum fuit humori vitæ permixtum est, qui postmodum sparsus in omnia sua membra, contracturas induxit. Tertia colicæ contractura nascitur, quum sub istis passionibus intratur in balneum, quia statim atque membra calefacta sunt, calor iste rursus humorem vitæ reuocat in suum locum, maximè quod eius sit proprietas ad calorem se recipere. Vbi iam in sua venerit, secum adfert colicæ materiam sibi permixtam, & membris refrigeratis relinquit eam, quæ tandem operatur ex proprietate sua, capitaliaq; membra quatuor impotètia reddit. Nonnunquam inter balneandum, si talis materiæ plurimum fuerit, quia iam aliàs quæ assueta sit (in ventre scilicet, in brachijs, & pedibus se reperiatur) continuo membra contrahit: eius namq; salsedinis asperitas (cum nihil aliud sit colica, præter sal ut ignis calore, aciditateq; vehementissimis vrens) venas atq; iuncturas impotentes reddit, ut in alijs suis agnatis proprietatibus efficere solet: aliquando carnes & musculos, ut

M



acidorum est natura, corripit. Talis est in istis locis contracturarum origo, quæ nihil aliud esse videntur, quàm humoris vitæ in colicam attractiones, & postmodum istius in quatuor membra capitalia cum concepta malitia receptio, ibidemq; manens corruptio similis tam diu, donec per eam humor ille vitæ penitus absumatur. Ex huiusmodi corruptionibus membrorum aridura nascitur, eo quòd natura retrocedere, suasq; nutriendi vires cogatur his amittere: tum propter fellis aciditatem abundantissimam, tremor in membris excitatur: in vno tamè quàm in alio magis: aliquando cum retractione membrorum, quòd fellis natura sit in quæ dominatur ea stringere: aliquoties cum extensione superflua, propter humoris vitæ fortitudinem, qua membrum læditur ad impotentiam: & persæpe cum debilitatione propter eiusdem humoris depredationem à colica factam. Insensitivæ contracturæ sunt emortuæ, propter humoris corrosionem ab aciditate, frigiditateq; materiæ colicæ temporis successu factam, sic vt stupefacta membra non sentiant. Sunt & aliæ sensitivæ, quòd robustum humorem vitæ retineât, qui se contra morbi conflictum defendere nititur. Quæ vomitum excitant, à colica procedunt, membra nondum obsidente prorsus, sed partim in ventriculum recepta per fel, eum infestat, vt libro de Colica demonstratur. Quicquid præterea de prædictis contracturis



## DE CONTRACTVR. 179

Eturis scitu necessarium fuerit, capitulo de  
cura continetur.

### CAP. IIII.

*De contracturis, quæ ex cholera pro-  
ueniunt.*

**O**Mnium est pessima quæ cholera gigni-  
tur contractura: nam transmutatione  
contra naturam, ex totius corporis ac-  
censione, cum externorum, tum internorum  
membrorum in cholericis tantum, & præfer-  
tim in mulieribus, in omnia membra produ-  
citur in hunc modum. Ad excessiuam hominis  
cholera, fel aciditatis stipticitate sua calorem  
addit in corpore; quo tandem in venis omni-  
bus accendit sanguinem, ex cuius feruore su-  
dant venæ sub cute: sudor hic est sal in quo vi-  
uit & cōseruatur sanguis, vti de sanguine suo  
loco dicitur: huiusmodi sal ad venas, nervos  
& carnes transit, ac ad omnia quæ corripere  
potest asperitate sua. Sic etiam ex impressissi-  
ma cholera solet accidere, quū per vniuersum  
corpus sæuit, huius motu sudor excitatur per  
quàm acidus; qui nulla alia motiua cogi po-  
test in exitum; quàm superfluo calore per cho-  
leram ortum habente, quo fel accenditur in  
amaritudinem, eam adfert, ac vnà cū sudore  
per venas ad sanguineum transit: postmo-  
dum acrimonia fluxionis istius, in materialē  
aquam sal huiusmodi resoluitur, per quam di-  
storum quatuor in vnicam formam essentia-

M



lem fit in venis & iuncturis commixtio, sicut in alijs. Postquam sudor huiusmodi cholera motus iam cessauerit, fel ad suum locū redit, sedatur calor, sed remanent illæ commixtiones in locis, ad quæ cholera sudoreq; promotæ sunt, quia nō recedunt à iuncturis, in quas receptæ semel fuerint. Cholera pariter abeunte, mox adest humor vitæ, qui cum dictis commixtionibus iunctus, acrimoniæ materialem earum subtilitatem recipit, hac etiam brachia pedes, & exteriora membra quæquæ reddit contractionibus impotentia. Periculosa tandem cura subsequitur, atque difficilis, & potissimum in mulieribus, quibus tam inordinata cholera naturaliter inest, vt sanguinem vitæ spiritu suo prorsus euacuet. Quapropter in mulieribus cholæræ contracturarum curæ difficiliores existunt quàm in viris, & plerunque mortem inducunt: maximè quòd accedat inuidia, per impressionis ascensionem orta: quæ non aliàs ac fel ascendit, ac mouetur ab inuidia, sicuti fel à cholera. Fieri potest igitur, vt ex inuidia nascantur incuruationes, & ex istis contracturæ, prout ex cholera proueniunt. Ex itaque cholæræ contractura, calor ab exterioribus cholæræ motibus ascensus, quo spiritus, & humor vitæ contra venas & iuncturas inficiuntur, & corpus suum in contracturam ducere, motumque similem in his magis, quàm in alijs contracturis exercere coguntur. Iade fit etiam, vt minus alijs curabiles existant



## DE CONTRACTVR. 181

existent, raroque penitus curari possint: nisi spiritus adhuc aliquid residuum sit in membris, totusque non fuerit exsiccatus, sic ut ex tantillo rursus multiplicari queat, aliàs frustra curabitur, ut in practica latius.

### CAP. V.

*De contracturis ab excessiuo potu pro-  
uenientibus.*

**E**X vino superflue poto generatur etiam contractura, quæ prolixissimæ durationis, membra præ cæteris exedentes, & ex sua natura difficilimæ curationis existunt hac de causa. Vinum spiritus habet subtilissimos: quos ubi potum fuerit, unâ cum humore vitæ permiscet, facileque recipiuntur, cum propter similitudinē, tum etiam ad humoris vitalis nutrimentum. Permixtione facta, vini qualitas calida & sicca suas operationes exercet indomitè: propter sui subtilitatē tartarum in se resolutum etiam cōtinet: inde fit, ut cum tempore inagis atque bibitum, humorem vitæ magis exiccet, absumatque, nec vegetare permittit: quod ubi perfecerit, membrum eo loco priuatur suo nutrimento, motu post, & ultimò vitæ: venæ siquidem, ut ex sua natura, stringuntur. arescunt, ariduraque subsequitur, aut crassus spiritu vitæ vacuus humor effluit. Non tamen omne vinum id efficit, potissimum illud quod subtiles admodum, tartareosque spiritus non habet. Quapropter ex




aliquo podagra vel calculus oritur, sicuti libro de Podagra & Lythiasi diximus, hoc fit ex diuersitate naturæ cum vini, tum hominis, vti libro Philosophiæ nostræ de varietate crescentium secundum naturam, ponimus.

MEDICORVM EXCEL-  
LENTISSIMI DOCTORIS AV-  
reoli Paracelsi Tractatus alter, de cura  
& medicamentis, quæ sunt  
contractis adhi-  
benda,

CAP. I.

*De ordine differentiaq; seruandis in  
practica.*



VM supra quinque contractura-  
rum origines posuerimus, æquū  
etiam fuerit, earum curas ex ordi-  
ne describere, qd̄ præsertim hoc  
præsenti Capitulo facere conabimur. Eadem  
præmissæ contracturæ, nō diuersa ratione cu-  
randæ sunt omnes, & in sui cura non separan-  
dæ, quod eundem habeāt exitū, & principio-  
rum causa medicamentis non indigeat. Nam  
atq; morbus à membris expulsus est, & spiri-  
tus, humorq; vitæ restituti sunt in pristinū sue  
naturæ statum, isti per sese curant, ac omne  
quod



## DE CONTRACTVR. 183

quod vitiosum est, explodunt. Primò de cura dicimus, medicamenta quæuis ad contracturas aperitiua pororum, humorũ calefactiua, humectantiaq; neruos & arterias esse debere. Hoc tamẽ animaduertendum est, vt in eodem gradu sint, in quo morbus ipse: nam si leuiora fuerint, inutilia prorsus futura: qualitates eorum morbi qualitatibus oportet ex æquo correspondere. Non omne calidum nec humidum quoduis, licet etiam aperitiua sint, &c. faciunt ad curam hanc: sed vt inclinacionem habeant à forma specifica necessarium est, particulariterq; particularibus etiam contracturis apta sint: qua via, non alia, cura possibilis est. Notandum insuper contracturas in supremo gradu morbi constitutas, & postremò, non solum siccitatis, humiditatis, caloris, aut frigiditatis, verum etiam extinctionis humoris, & mortificationis, æqualibus etiam extremum sanationis gradum obtinētibus medicamentis, & quæ ad vitam restituendam membris valeant, curari debere, nō alijs. Talia proprietatũ præparationibus rerũ naturalium quæ sequuntur, at non omnium, acquiri possunt medicamenta. Spiritus vitæ reuocandus est, recuperandus, & renouandus, excellentissimis & confortantibus plurimum remedijs, quorum humore nouo spiritus ille vi quadam introducatur in membra, de quibus prauum cū suis venenis & infectionibus humores expellatur, singulari medicinæ practica natu-

M 4



raliter hoc ipsum operante. Considerandum est ulterius, huiusmodi medicamentum quod istis morbis resistere debeat, non commune, non crudum, nec inseparatum (ni fortè leuis, & quæ iam cessare cœpit contractura sit) existere debere, sed spirituale quid, corpus totū penetrans cum proprietatibus antedictis. Duobus modis ista cura fieri debet: Vno quidem, vt illa membra quæ sunt à suo loco mota, restituantur, vt decet. Altero verò, quod maximis confortatiuis vti sunt, Aurum potabile, Oleum Solis, Materia perlarum, Essentia antimonij, Arcana quintæ essentiæ, Aqua vitæ, Oleum vitrioli, Aqua tartari, Quintum esse gemmarum, Coralliorum, & similium, paulatim subleuentur, confortentur, & in pristinas vires reuocentur. At licet hæc vocabula sint medicis antiquis, vel qui saltè antiquorū nomine medicorum se venditant, cū tamē antiquas denominationes & medicinas ignorent, incognita, nō est quod cures aliud, quàm vt bene cures: illa tibi clarius in libro nostro Quintarū essentiarum, & eorum præparationes pro maiori parte ponimus. Nunquam D. O. M. sufficientes canere laudes, nec agere gratias totum genus humanum poterit, pro tanto medicamento, quod paterna sua liberalitate suis dedit creaturis: nam illud est ad calorem & frigiditatem, omniumque supplementissimum, humoris & vitæ spiritus ita restauratiuū, vt isti postmodū quasuis infirmitates  
naturæ.



naturaliter pellant, quæ ad finem à Deo positum impediunt corpora peruenire : verum vnde similem efficaciam nactum sit, hoc loco non, quia libro Quintarum essentiarum aperitissimè declaramus. Admirabilis profectò medicina, quæ pariter humidum, atq; siccum, calidum æquè ac frigidum curat. Hæc est ratio, cur generalem curam ad omnes contracturas ponimus, vt in auro potabili: cuius etiam non miratur quicunq; verè philosophus existit, quòd aurum & eius proprietates, eiusque supremum operationis gradum nouit, in confortatione totius naturæ humanæ : per quâ solam omnes morbi sunt, & potissimum illi qui supremum gradum occupant, vt contracturæ curandi. Non aliàs in perlis vel vnionibus, quum præparatæ fuerint : & magis quàm in illis in antimonio, qui virium in corpore est renouator omnium, vti loco de restoratione, vitæque ranouatione ponimus: item in arcano quintæ essentiæ, in aquis vitæ, quæ per earum subtilitatem virtutes omnes in vniuersa corporis mēbra ducunt, augētq;: singulariter in viribus olei vitrioli, & aquæ tartari, quum ad similitudinem essentiæ quintæ præparantur. Non minor est in corallo, preciosisq; lapidibus virtutum efficacia, quæ singula præfatis libris enarrauimus : quod magis requiritur, addemus ad hanc practicam.

Est & alius contracturas curandi modus, per externa medicamenta non inutilis, vt per

M S



fumigationes ex balsamis, & arcanis: per balsama terebinthi, lauri: per oleum ranarum, adipum, gummi: per arcana, compositum, solidum & elementatum: quorum descriptiones ponemus, at præparationum processus, cum in libro de Essentijs existât, hîc superflue non repetêdi. Pariter ad vngueta nullâ demônstrationem, quod in libro de Ægritudinib. membrorum habeantur, facimus, at solùm practice docemus, curas cuique suam dosim & vsum adscribentes.

## CAP. II.

*De auro potabili, & oleo solis ad membrorum contractiones.*

**D**Iximus antea contracturas alio modo curari minimè posse, quàm per medicinas in supremis gradibus existentes, ut est aurum potabile, similesq; de quibus in gradibus maioribus egimus: quamobrem earum, ut in libro de Quinta essentia dicitur, est habenda maxima cura.

Dicitur aurum potabile, quoties vnâ cum alijs spiritibus & liquoribus, in substantiam quæ bibi possit, redigitur. Oleum eius est, quum ex sola sui substantia præter additionem, oleum iam factum est aureum. Quinta essentia dicitur auri, quoties ab eo rubea tinctura tracta, separataq; fuerit à suo corpore: nam virtus, ætternaq; vis in tinctura duntaxat existit. Dosis auri potabilis est ʒ j. qualibet vice. Olei dosis  
aurei



## DE CONTRACTVR. 187

Auri pondus granorum hordei decem non excedat. Et quintę essentię auri, granorum est trium similium per vicem aquę vitę bonę, vel alterius aquę subtilissimę cōmixtorum, maneq; sub meridiem, & vesperi sumptorum, pro medicinę quidem exigētia: quę sine corrosiuorum, aut corrumpentium additione fit eius naturam immutare minimē valentium, vel cum ea permisceri.

### *Auri potabilis descriptio.*

Accipe auri foliati, puluerati, necnon in succum soluti ℥. j. & aceti destillati quantum satis est addito, simulq; destillando toties à se mutuò separato, quoad saporis eius quod adiunctum est, nihil prorsus maneat. Postmodum sume subsequētis aquę vitę ℥. v. quas in pellicanum affusas vnā simul per mensem digerendo, perfectum habes aurum potabile, cuius practicā ex libro nostro de Quinta essentia discas oportet: quęque licet multis coloribus non depingatur, vt moris est, par tamen hoc sæculo medicina reperiri nō potest.

### *Eius aquę vitę descriptio.*

Recipe vini ardentis lib. decem.

Rosarum.

Melissę.

Rorisinarini.

Anthos.

Cheiri.



Foliorum vtriusq; ellebori.

Maioranæ ana m. j.

Cinamomi.

Macis.

Nucis muscatæ.

Garyophyllorum.

Granorum paradisi.

Piperum omnium.

Cubebarum ana ℥. ij.

Succi chelidonæ

Tapfi.

Melissæ, ana lib. ss.

Cinerum fabarum ℥. v.

Mixta simul omnia per duodecim dies in pellicano digerantur, separa tandem, & vtere sicuti dictum est.

#### *Olei solis descriptio.*

Postquam succus ab auro per acetum, uti supra, fuerit separatus, bulliat quindecim diebus in digestionem quæ sequitur, deinceps balneo separetur, & in fundo manebit oleum spiritum, quod aurum est permixtionis expers. Hoc vtere sicut supra.

#### *Corpus digestionis eius fit hoc modo.*

Accipe succi chelidonæ.

Aquæ vitæ ana lib. j.

Resoluti solis ut supra ℥. iij.

Misce simul, & operare sicut audiisti.

*Formula*



*Formula quinta essentia.*

Accipe quantum voles auri, per cementum regale, vel antimonium repurgati, cui per aquam salis metallicam proprietatem, aut malleationem auferas. Postmodum abluc residuum aqua dulci. Tincturam eius extrahas per spiritum vini. Postremo spiritum eleuabis ab ea, manebit in fundo quinta essentia.

*Aque salis constructio.*

Sal tritum accipe mundissimum, & albidissimum per se quod sine decoctione, bullitione, vel alia quauis arte, qua sal fieri consuevit, à natura productum sit hoc ipsum liquefacias aliquot vicibus, & subtilissimè tritum ac vna cum succo radicis raphani mixtum, atq; solutum destillabis, & cum sanguinea dum viridis extitit, iterum pōderibus æqualibus admixtum destillato quinquies. In isto liquore laminatum solem, vti suprà diximus, in puluerem solues. Abluatur hic puluis aqua limpidissima, destillataq; toties donec omnis ab eo salsedo recedat: libèter enim sal separatur ab eo, quòd non misceatur corporibus in profundo, quapropter ablato corrosiuo, manet aurum per se solum vt oportet.

*Spiritus vini extractio.*

Accipe vini mensuram vnā optimi, naturalis, & rubei potius quàm albi, quòd in circulatōriū vas amplum (vt melius rotetur) posi.



tum, & obstructum, ac in balneum maris ad profunditatem vinimersum, per quadraginta dies bulliat. Postmodum effusum in cucurbita destilla frigide tamdiu, donec spiritus exierit, & postquam signum suum non dederit amplius, cessato mox (aliàs in secunda parte Chirurgiæ magnæ sic habetur.)

*Postquam dederit signum suum, cessabis: nam quod sequitur, est aqua vitæ, non spiritus. utrumq; valet, quia signum hoc loco duplum apparet, vnum spiritus, alterum aquæ vitæ.*

Hunc vini spiritum ad residentiam effundes, quæ est pulueris instar mundissimi, sic ut sex digitorum latorum altitudine supernatet, clausaq; simul omnia vitro peroptime, digerantur in balneo diebus triginta: quibus tinctura spiritum subintrat, in fundo residet pulvis albus. Separa per artem, & fluat pulvis, inde fiet aqueum metallum, vel aqua metallica. Spiritum euaporare permittas, ut Alchimia docet, manebit succus liquoris similitudinem habens in fundo. Liquorem hunc ad quânam vicem graduabis, per vas retortum pro quantitate materiæ, substantiæq; capax: graduatio talis fit per eleuationem duntaxat, quæ subtilem reddit huiusmodi substantiam, sed ultra quintam es-

sentiam se trahi non

permittit.

(Aliàs



## DE CONTRACTVR. 191

*Aliàs eodem Chirurgiæ magnæ quo suprà loco subsequitur, hoc est, ij. iiij. o. vltèrius comburitur.*

Vfus istius essentiæ quintæ est vt superius, & libro de Quinto esse latius declaratur.

### CAP. III.

*De medicamine materiæ perlarum, & essentiæ antimonij.*

**M**ateria perlarum, succus est ex margaritis & vnionibus tractus, & potabilis, ita potens, vt inter spermata nullum illi simile fermè reperiatur, cuius extractionis modus talis est.

*Formula conficiendi margaritarum succum.*

Accipe libram vnâ acetî destillati mundissimi, aquæ vitæ circulatæ libram semis, margaritarum mundatarum vncias quatuor, quæ postquam pulueratæ subtiliter, & præparatæ fuerint, vnâ cum alijs in circulatorio digerantur per mensem. subsidebit materia perlarum, vt pinguis liquor: qui quum apparebit, separantur aquæ per effusionem succo reseruato, de quo dentur granâ sex per vicem: Sunt & aliæ succum huiusmodi parandi viæ, sed hæc est omnium vtilissima.

*De essentiæ antimonij.*

Essentia antimonij est purgatio præter seces.



sum, quæ purgat hominem excellentissimè  
super alia quæuis arcana, radicitus euellit au-  
ferendum, ac omne quod immundum reddit  
humanum corpus: hoc in supremum vsq; sa-  
nitatis gradum purum efficit, ac ab omnibus  
ægritudinibus mundat, etiam illis, ex quibus  
oriuntur vlcera. Quicquid penes hominem  
fuerit impuri delet, ac magis omne quod in  
homine per hominem indecentis inueniri po-  
test. Si tu medicinam hanc vel potius arcanum  
reperias, imperito ne dederis. Philosophi,  
necnon artistæ plurima tentarunt in antimo-  
nio, verum ad fundamentum eius purum &  
perfectum peruenire non potuerunt ante mor-  
tem, quam etiam priusquam nascerer persol-  
uerunt. Hoc loco præparationis eius princi-  
pium non quod in libro nostro de Quinto es-  
se reperiatur, sed remedium contra colicam  
ponimus, vt sequitur.

*Ad colicam.*

Accipe aquarum melissæ.

Vitæ circulatæ.

Succi chelidonis ana ℥. iij.

Florum alborum antimonij ℥. j. ss.

Digerantur diebus duodecim. Postmodum  
separando per balneum, inuenies essentiam  
antimonij, de qua dosim vnā facies ℥. ss.  
qualibet vice.

*De reme-*



DE CONTRACTVR. 193.  
CAP. IIIL.

*De remediorum arcanis essentiae quintae, sulphuris, & aquarum vitae pro contrariis.*

Accipe florum sulphuris lib. ss.

Florum alborum antimonij ꝑ. j. ss.

Succi auri ꝑ. j.

Aquæ vitæ circulatæ ꝑ. x.

Digerantur ad mensem, & in massam duram congelentur. Huius qualibet vice ꝑ. j. administrabis.

*Aquæ vitæ mirum in modum penetratiue compositio.*

Accipe aquarum melissæ.

Rosarum.

Cheiri.

Saluiæ.

Balsami ana lib. j.

Piperum omnium.

Cubebarum.

Zingiberis.

Cinamomi.

Masticis.

Myrrhæ rubæ.

Maceris.

Caryophyllorum ana ꝑ. ij.

Succi mellis lib. ss.

Aquæ vitæ rectificatæ lib. v.

Digerantur omnia simul per nouem dies, &

N



124 THEOPHR. PARAC.

postea separentur, & in pellicano destillentur ad spiritum. Tandem ad liquorem hunc adde pommum tostum, & fractum, & simul vnâ cum sublequentibus aromatibus digeratur super cineres per tres dies: de qua sumantur grana quinq; singulis diebus.

Accipe cinamomi.

Caryophyllorum.

Macis ana ʒ. ij.

Anthos.

Cheiri ana ʒ. ss.

Ambra ʒ. ij.

Musci grana quinq;

Zibetæ ʒ. ss.

Zingiberis.

Cubearum.

Nucis muscatæ ana ʒ. j. ss.

Amomi ʒ. ij.

Zedoariæ ʒ. ij. ss.

Granorum paradisi ʒ. j. ss.

Post horum omnium digestionem separe, seruaq; vasis vitreis obstructissimis.

C A P. V.

De medicamento vitrioli, & tartari pro  
contracturis.

**O**leum vitrioli per seipsum absq; additione, sed ex proprio succo medicina est: at quia nō omne vitriolū perfectū, nō immeritō quod optimū fuerit eligendum, ex quo phlegma totum, & oleum extrahitur, postea



## DE CONTRACTVR. 195

postea rectificatur à suis fecibus toties, donec ad spiritum exaltetur: de quo tres guttas administrabis; cum alia conuenienti quapiam aqua mixtas: poteris & aquarum vitę paululum affundere. Non reperitur medicamen aliquod penetrantius membra citius, aut materialius isto perquirēs à fundamento, quàm tibi iam posuimus. Est & aqua tartari tracta de vero tartaro perquam excellens ad ea quę dicta sunt, vt etiam libro de Quinta essentia scripsimus.

*Processus in extractione phlegmatis, & olei vitrioli tendens ad contracturas.*

Ad extractionem spiritus vitrioli, qui est omnium excellentissimus & potentissimus, licet ab aliquibus phlegma nuncupetur, hoc modo procedendum est. Igne violentissimo, necnon in erecta cucurbita, vsque ad nonum alembicum per reuerberatorium in athanar locatum ad quartum diem naturalem vrgeatur, & spiritus hic præparatus erit.

*Processus ad aquam tartari pro contracturis.*

Tartarum optimum acerrimè destillatum, in pellicano subtilissimè rectificabis, cui quidem aquę vitę rectificate partes æquales addes, eiusque decem guttas administrabis qualibet vice. Habet enim tartarum peculiarem vim ad membrorum contractionem curandam, & proprietatem ad penetrandum per vniuersum corpus. Sūt & alij lapides, quorum



liquores eadem vim obtinent à natura prout coralia, colorataq; quorum hoc loco metionem nullam facimus, quòd pauci sunt, ac Essentiarum libro contineantur. De confortantibus & internis dictum sit haecenus, licet breuiter. libro de Essentijs quære latius.

## CAP. VI.

*De fumigationibus membrorum contractorum, per extrinseca medicamina.*

**P**ossunt etiam contracturae per extrinseca remedia curari diuersimodè, sicuti peruenimus per suffitus & fumigia, prout sequitur. Contractum siue pedem siue brachium includes in vas appropriatum satis amplum ut in eo constrictum non sit, ac vas cooperiri valeat, ne fumus exhalare possit.

Postmodum accendes quod sequitur, & in vas reconditum cooperi, tatisper ibi maneat donec fumus ille cessauerit: hoc fac per medium diem. Si suffimen vnum videatur non sufficere, plura fiant. vapores in vase densantur in liquorem, ut in alembico solent.

Huiusmodi subtilis vapor qui propriè fumus non est, penetrat, membrum calefacit, venas & humorem vitae refocillat, ac ad naturalem vitam reuocat. Processus hic tenendus erit, donec durabit infirmitas. Instrumenta vas, & alia quae necessaria sunt ad hanc rem, ponimus in libro de Curis vlcerum ultimo capitulo de vaporibus.

Reu



## Receptum.

Accipe olei oliuarum.

Olei iuniperi ana ℥.v.

Masticis lib. ss.

Terebinthinę ℥.iiij. ss.

Salis petrę ℥.j. & ss.

Mixta simul in cacabo succendes, accensa peroptimè super fundum vasis inferius & intus pones, ac membrum teneatur supra vaporem, cooperiatur vas fundo superiore ne vapor exeat. Quum perceperis extinctam esse materiam, exemptam rursus accendas, & impones toties, donec tempus supradictum impletum sit. Vapor iste mirum in modum calefacit ac recreat mēbra. Sunt & alia suffimenta, quorum hīc vnum adhuc ponemus.

Accipe taxi pinguedinis.

Olei oliuarum.

Adipis ranę minimę viridis, & calamites appellatę ana lib. j.

Myrrhę.

Masticis.

Terebinthi ana lib. ss.

Ascende sicuti suprā dictum est.

## CAP. VII.

*De balsamis, quibus & contractura curantur.*

**F**lunt & quędam laudabilia balsama, quibus cōtracturę curantur, & quorum magnus est numerus: nos tamen ea solū



huc adducemus, quæ nobis cum usu, tum experimento probatissima sunt. His enim calidis membra sunt optimè perungenda, singulis diebus ter, & absque intermissione.

*Primum balsamum.*

Accipe terebinthinæ destillatæ lib. ij.

Galbani destillati lib. j.

Gummi elemni destillati lib. ss.

Rursus destilla simul, & inde fac balsamum à suis fecibus & phlegmate separatum, eo demum utere ut suprâ.

*Aliud balsamum.*

Accipe terebinthinæ.

Oleorum laurini.

Oliuarum.

Iuniperi ana lib. j.

Masticis.

Myrrhæ.

Thuris singulorum lib. ss.

Destilla per se quæ sunt eiusdem qualitatis, videlicet olea per se, reliqua tria etiam per se, quæ mixta simul iterum destilla semel, & utere sicut audiisti.

*Aliud.*

Accipe adipis taxi.

Seui ceruini.

Ranarum adipis.

Ceræ ana lib. j.

Masticis lib. ij.

Thuris lib. ss.

Euphorbij



DE CONTRACTVR. 199

Euphorbij ℥.iiij.

Destilla sicuti suprā narratum est.

*Aliud.*

Accipe gummi opopanacis lib.j.

Galbani lib.ij.

Serapini lib.fs.

Armoniaci quartam j.

Bdelij quartam fs.

Simul cōmixta cola per acetum, & in oleum  
destilla, cui tandem ea quę sequuntur addes.

Accipe terebinthinę destillatę lib.iiij.

Olei philosophorum lib.fs.

Olei laurini destillati lib.j.

Masticis.

Thuris ana lib.fs.

Myrrhę lib.j.

Destillentur omnia cum oleo prædicto rur-  
sus in oleum, huic ea quę subsequuntur impo-  
sita simul in sole digerantur vase vitreo.

Accipe styracis liquidę ℥.j.fs.

Ranarum numero viginti.

Adipis taxi lib.fs.

Aceti destillati.

Vini ardentis ana vnc.j.fs.

Post mensem exprimes, vsuiq; reseruabis.  
Notandum est insuper, ex prædictis natura-  
libus corporibus quodlibet per seipsum suf-  
ficiens esse quum destillatum & rectificatum  
fuerit, vti per Alchimiam huiusmodi præpara-  
tionum vnicam artificem docetur.



*Aliud.*

Accipe lignorum iuniperi.

Fraxini.

Sabinæ, id est Tamaricis.

Fagini ana lib. j.

Ex quibus arte communi destilletur oleum,  
quo quidem rectificato per pellicanū, vtere.*Aliud.*

Accipe seui ceruini lib. iij.

Adipum felium.

Vrsi ana lib. j.

Taxi lib. v.

Hirci lib. ij.

Ex quibus etiam oleum destilletur, huic ranarum viuentium sex libras addito. Postmodum rursus distillato, quæque sequuntur imposito, videlicet,

Sui ceruini lib. j.

Adipis taxi lib. iij.

Cerae lib. ss.

Aceti quartam ss.

Et vnâ cum præcedentibus fiat vnguentum.  
hoc in contracturarum diebus primis vtere  
potissimū.

## CAP. VIII.

*De arcanis, & contracturarum alijs medicamentis.*

**L**atius te Lectorem facere cupio participem arcanorum, quibus non aliâs quâm balsamis contracturae curari possunt, quorum



quorum etiam forma non olei, vel pinguedinis, at a quæ similitudinem refert. Qua de re dicuntur arcana, quòd reliquas excellât aquas. Horum arcanorum species quatuor existunt: videlicet Arcana compositum, Solidum, Elementatum, & Metallicum.

*Formula arcani compositi.*

Accipe Alcohol vini lib. vj.

Cantharidum ℥.x.

Canapi,

Florum Tapsi,

Camomillæ,

Hypericonis ana m. vj.

Tere, misceq; simul, & in sole, vel fimo digerantur per mensem, destillentur postmodum, & huic ea quæ sequuntur, impones.

Accipe Canapi,

Florum tapsi,

Camomillæ,

Hypericonis,

Centaureæ,

Prunellæ,

Betonicæ ana lib. ss.

Masticis,

Muniæ ana ℥.i. ss.

Thuris ℥.v.

Lumbricorum terrestrium,

Ranarum ana lib. ss.

Destillentur in circulatorio per octo dies, hoc vtere non aliàs quàm de balsamis suprâ dictum est.



*Arcanum solidum.*

Accipe succi flammulæ, ex tota substantia:  
hoc est, ex floribus, caule, folijs, & radicibus,

Succi florum tapsi ana lib. j.

Alcool vini lib. ij.

Digerantur in ventre equino per decē dies,  
& his vtere sicut suprà.

*Arcanum elementatum.*

Accipe chelidoniæ,

Melissæ,

Eruçæ,

Iuæ artheticiæ,

Florum tapsi,

Papaueris,

Centaureæ,

Bethonicæ,

Parthenionis,

Hypericonis ana m. ij.

Terantur omnia simul, & aceti parumper  
addito, putrificentur, & exprimantur optimè,  
succusq; per circulatorium vas decē diebus  
ascendat absq; intermissione, quo liquore tan-  
dem vtere: nec erit inutile masticem addere,  
similiaq;ue.

*Arcanum metallicum.*

Resolutum accipe metallum, quod circule-  
tur octo diebus, dulcificetur postmodum, &  
in vsum assumatur. Metallorum tamen disci-  
men erit faciendum: Solis est aqua metallina  
præ



præ cæteris ad contracturas præstantissima.  
Breuiter hoc loco discurremus ea, quæ de  
Quinta essentia libro latissimè contenta sunt.

## CAP. IX.

*Conclusio de contracturarum curis, per quam  
earum vires declarantur.*

**I**Am aliquot recepta pro contracturis posuimus, pro maiori parte non incognita, quorum si debito præparatum fuerit ordine, pariter & administratum, quodlibet est ad curam sufficiens. Verùm quòd aliquibus non subuentum est aliquando, causa duplex assignatur. Prior atq; minor, quòd membro spiritus, humorq; vitæ prorsus relictò nullo residuo deperiit, naturæq; medentis intrinsecus, vel naturalis balsami nihil in eo remanserit. Altera maior, est fatum à Deo sic ordinatū, de quo libro de Fatis agimus. Vtraq; nō aliàs innotescere medico potest, quàm ex perfectiorū adhibitorum ad curam hanc medicamentorum effectuum nulla demonstratione, per quod indicium alteram, vtramque dijudicare poterit occasionem, cur nihil efficere possit in contracturarum cura. De cætero nulla reperitur infirmitas, quæ proprium non habeat ex aduerso medicamentum: etiam nulla contractura per infirmitatem orta, cui resisti non possit. Quapropter, quoties vna morbi, toties & eius remedij causa reperitur. Quòd fatalibus morbis difficilè mederi queat medicus, fidei defe-



ctus erga medicinam, & naturæ cursum id efficit. Quamobrem hîc in terris spe constantissima duci, & mortalitatis, ac medicinæ vires, vt morborum etiam occasiones, & inimicum à corpore nostro pellendi modum cognoscere deberemus. Fatum nos etiam docet, per certitudinem expectare hoc ipsum, quod impedire nullo modo possumus, & in nobis ipsis nullam, at in eo solo spem, ad quod Pater ille noster Deus & ordinavit omnibus in operibus nostris ponere docet: vnde proueniunt ea quæ libro nostro de Fatalibus profiteamur. Verum enimvero, cum iam medicinæ tantâ perfectionem habeamus, & quod magis est, misericordiam eius qui creauit eam, spe firmissima freti progredimur, quantum ex eius voluntate nobis est permissum ad resistendum Fatibus, medicamentis in supremo gradu, contra supremum infirmitatis gradum constitutis: in quibus etiam infirmitates superandi, post ea quæ dicta sunt magnâ habemus fidem, vti Prologo primo librorum omnium ponimus.

## OPERIS CONCLUSIO.

**A**D eorum veram & fundatam conclusionem, quæ dicta sunt, notandum erit his qui metallorum essentiam & originem ex ratione vera cupiunt cognoscere, metalla nostra nihil aliud fore, quàm lapidum communium partem potissimam, optimamq; lapidum,



pidum, spiritum, gluten, seuum, butyrum, oleum, & pinguedinem, quæ adhuc in lapide mixta non bona, non pura, nec sincera, minusque perfecta sunt: hæc est ratio, cur in lapidibus quæri, reperiri, cognosci, separari, & per contusionem ac liquefactionem extrahi debeant. Quo facto nō sunt amplius lapides, sed præparata completaq; metalla syderibus cœlestibus comparāda: quæ quidem, lapides à terrestribus secreti sunt. Postremò si quispiā inuestigare cognoscereque mineralia metallaque voluerit, est quòd firmiter sibi proponat, in communibus cognitisq; mineris semper non esse quærendum, nec in profundo montiū, quia sæpenumero facilius inveniuntur in superficie terræ, quàm in eius vtero, copiosiusq;. Hac de causa quiuis lapis in aspectum oblatus, siue magnus, siue parvus, rupes integra, vel cos extiterit, diligenter examinandus, cuius proprietatis, aut naturæ sit: nam aliquando cuticula reperitur, quæ licet aspernata, vaccæ valorem excedit. Non est etiam opus considerare latius vnde lapis hic originē habeat, aut à quo maiore sit auulsus, vt eius copia maior haberi queat, quia non aliunde quàm à cœlo, quod habet, ortum est. Reperitur & vilis terræ puluis, aut arena, quæ ☉ & ☾ plurimum contegit, secumq; vehit:

hæc notato.

FINIS.




A VREOLI THEOPHRA-  
STI PARACELSI DE APOSTE-  
matibus, Vlceribus, Sironibus, & No-  
dis in lxii. Capitula diuifum  
Opusculum.

C A P. I.

*De communibus apostematibus ex sanguine  
provenientibus.*

*Antiqui sal-  
ſo dixerunt  
ex corru-  
ptis humo-  
ribus.*



**D** I C O quidem ego Theophrastus  
Paracelsus, apostemata commu-  
nia, cū ex sale sanguinis, tum ex v-  
triusq; humorum abundātia suam  
originem ducere, tanquā ex boni superfluo,  
propter excessum in apostema translato, post  
huiusmodi superabundantis separationem à  
natura factam: quod quum collectum est, in  
corruptionem transire cogitur, per locum in  
quo situm habet, quia repletus est ultra suum  
diametrum.

*Nota.*

Vbi iam in sanguine superfluitas orta est,  
ex qua generantur apostemata communia, si  
cutis eo loci naturāle centri foret eius emun-  
ctorium, transit in apostema, qđ aliās per na-  
sum destillasset. Abscessus huiusmodi maxi-  
mos dolores & putrefactiones præter infe-  
ctionem excitat, eo quod excessus in sua puri-  
tate minimè permanere possit: cum super-  
fluum quoduis putrefactionis sit exordium.

*Signa*



*Signa.*

Si tumor sine calore, frigoreque, sed cum intensione & rubedine surgeret, ac absque februm aliqua demonstratione, iudicabis illud apostema fore commune, tam in iunioribus, quàm in senioribus.

*Terminus eius.*

Si per seipsum terminari permittatur, maturescet, erumpetque: verùm si fortè natura balsami parum eo loco habeat, orietur inde vel apostemosum vlcus, aut fistula cum dolore maximo. Si tamen balsami satis habuerit, per se, vel paruo saltem auxilio curabitur, & naturaliter.

*Cautela.*

Est Medice quòd hìc abstineas à magno magisterio, vel artis Chirurgicæ nimia subtilitate, quæ potius quàm curabunt, inficient.

*Cura.*

Animaduertèdum est in omnium vlcerum cura, naturam suiipsius esse medicum atque medelam, innato proprioque suo balsamo. Sed si fortè balsamum hoc illi deficeret, vel aliqua parte minutum foret, balsamum erit introducendum per emplastrum oppodeltoch: quod quidem apostemata recentia maturando & mundificando curat, vigesima quaque hora renouando, ligandoque.



Recipe lithargyrij cocti in cerotum ℥.iij. de incarnatiuis quatuor ℥.ss. de gumini liquefactis ℥.ij. & fiat emplastrum secundum artem. In principio tutum erit præuenire phleboto-  
mij venarum à quibus apostema generatur, & situm habet: his enim aufertur illa rubedo membrorum per sanguinis diminutionem, & vnà cum ea tollitur superfluitas boni sanguinis abundantis, nedum in his tantum, verum etiam in omnibus alijs apostematibus.

*Inter curandum admonitio.*

Tria potissimum in apostematū curis obseruanda sunt. Primum, vt spiritus vitæ fortificetur, ne præ dolore debilis fiat: sicuti solet in his, qui venenum hauserunt, præseruantibus medicamentis noxæ præueniri. Secundum, vt infectio, quam introduxit morbus diaphoreticis, mundificetur, & specificis, quæ non solum clarificant, sed etiam dolores mitigant. Tertium, vt locus occupatus à toxico præueniatur. Si carnis aliqua pars, à sua natura sit alienata, quod putrefactum est eius, auferatur: nam ex eiusmodi carnis infectione tale damnum infertur ei, quale cōbusto fit ab vna parte ligno, & ab altera sano. Quanquam vlcera communiter omnia sub vna vel eadem cura concludi minimè debent (eo quòd omnibus vitæ fortificatio non sit necessaria, sicuti patet ex communibus vlceribus, quibus oppodeltoch de mumia superponi debet: hoc enim accidit



cientia quæuis arcendo curat illa) nihilominus generalis hæc admonitio non est aspernanda. Sunt & aliqua morti non obnoxia (nisi per incuriam deprauata sint) quæ alio non indigent, quàm in carne sanguinis purgatione, vel in alijs.

## CAP. II.

*De antrace.*

**A**Ntrax est apostema per sanguinem ex venarum eius prima radice pulsus, vti communia cū emunctorio proprio: & est apostema radicale quod oritur eo tempore, quo mineralia venena solent apparere: similisque corruptio est ei, quæ fit in mineralium concauitatibus.

*Nota.*

Eius inuectio primitiua confurgit ex Mercurij mineralibus, & est mineralis cuilibet innatus venæ flos. Inde sequitur tot antraces quot venæ fuerint existere, vt antracem saluatellæ, medianæ antracem, & cephalicæ, &c. quæ causantur ex venarum huiusmodi corruptis cauitatibus.

*Signa.*

Si calor aut frigus inuaserit cum alicuius venæ liuida nigredine, circumsepta rubore, albicanteque centro, cum vredine, somni priuatione, grauib. somnijs, & irrequieto motu, antracem fore dicas illius membri, & pro

O



asperitate critica lenitateque suis ad mortem  
est iudicanda.

*Terminus.*

Meatum suum accendit, ac retrocedens a-  
postemata bina producit: vnum in radice, alte-  
rum in locusta, mox inde sequuntur inflam-  
mationes, laterum compunctiones, sitis abs-  
que multa bibendi potestate, labiorumque fissu-  
ra, quæ mortem indubiam indicant.

*Cautela.*

Realgatis, aliaque fuge cauteria.

*Cura.*

Primum esto virtutis diaphoreticæ medi-  
camentum adhibitum illius venæ radici. Post-  
modum vltio saphirica circumcirca facta.  
Deinceps in eschpharam ducta consolidati-  
uis curetur.

Virtus diaphoretica, est descriptio litontri-  
pon, si fuerit separata à sua substantia: quia tunc  
accedit radices venarum, humectat sanguinem  
exiccatum, & tum venit sudor, & est signum  
optimum. Species quæ ingrediuntur litontri-  
pon, debent à sua substantia separari per spiri-  
tum vini.

*Diaphoretica medicina talis est.*

Accipe vini correcti vnc. x.

Theriaci vnc. ss.

Myrrhæ rubæ,

Croci singulorum ʒ. j.

Liquoris zingiberis,

Piperis ana ʒ. ss.

Misce



Misce, de quo bibatur vncia semis in optimo vino.

## CAP. III.

*De cancro.*

**C**ancer est apostema quod ex hæmorrhagialibus effluxionibus prouenit, in viris atq; mulieribus, ex menstrualium corrosiuo sale meatuum, in locustis manifestato: cuius salis duplex est, plumosi videlicet, ac arsenicalis differentia.

*Nota.*

Cancrorum non est alia, quàm duorum, quæ dicta sunt fluxuum, origo. Quapropter in corpore nullis alijs locis imprimuntur, quàm virorum inter humeros, & mulierum ad vbera. Pars eorum maxima rodendo fodit intrinsecus, externeq; minimè cognoscitur, donec sedem suam fixerit.

*Signa.*

Quin inter humeros, aut in vberibus rubeus tumor exurgit cum propria inuratione, postmodum in vlcerationem transit, rubicundis latè radijs expansis, & fœtorem cū interuenientibus vredine, frigore, calore, doloreque diutius persistenti concipit.

*Terminus.*

Successu temporis corrodit, foditque rectà cor versus, mortemque repentinam in sua molitur periodo.



*Cura.*

Hæmorrhagiales menstrualesq; fluxiones amouendæ sunt per physicum: deum per Chirurgum anodo mortificandum erit ter, vel quater, vt in Noli me tangere dicitur: postremò descriptione consolidatiua eodem loco posita curandum.

*Alia informatio.*

Gluten aquaticum in aquam vbi reduxeris, accipe semper ad vnā libram colchotar̃ eius ℥.i.℥s. florum æris, proportionem hāc à quantitate colchotar̃ obseruando, mixta simul vlceriq; vel cancro superposita maneāt, donec putrescant: quod plerunq; fieri solet in quatuor diebus. Deinceps amouendo superpone mundificatiuum, quod in Noli me tangere describitur, & quum putridam exxerit materiam, superpone puluerem hunc.

Accipe puluerum ex succo chelidonię, parthenionis, centaureę ana ℥.℥s. mumię ℥.j. manē vesp̃eriq; ligabis.

*Anodini descriptio.*

Recipe sp̃ernioli, succi solatri ana ℥.j. liquoris de firnis (verniciis puto legendum) ℥.℥s. & reducantur in formam vnguenti.

## CAP. IIII.

*De Noli me tangere, praua lentigine, vel ferrugine.*

Noli



## DE APOSTEMAT. 23

**N**Oli me tangere, quod & lentigo praua dicitur alias, aut ferrugo, calepini salis est ærugo, quæ se primum ad superficiem recipit, demum intrinsecus rodit consumitque, martialis naturæ viribus, carnē quoque ferream vnam ē septem corrodit.

### *Nota.*

Genera carniū secundum metalla, cachymica, marchasitæ, vitriolataque notanda veniunt, vt cognoscatur vnumquodq; propriū locum inficere.

### *Signa.*

In facie sumit exordium cum aquosa quadam scabie bullisq; minimis cum periodo, postea transit in corrosiuam, nasi cartilagines rodendo, maxillas & labia consumit, spargitur tenuiter cum fœtore.

### *Terminus.*

Nisi præueniatur, nasum, aures & faciei formam à radice tollit ac delet, ad collum & fauces antèius descendit, si latius quàm sint confinia martialia progrediatur, ad mortem id iudicandum est fieri.

### *Cura.*

Initiò si ferrugo nō admodum latè roserit, curetur emplastro de resinis.

Accipe resinæ abietis libram j. farinæ hordei vnc. vj. resinæ pini vnc. viij. reduc ad formam ceroti. At latius progressa medium aut



finem, si propemodum attigerit, mortificatio præcedat, ut ærugini diminutum sit in origine, quod per anladar fit aqua rosarum superposita, & super hanc emplastro de resinis appposito. Notandum erit in hac cura, si ferrugo firmam radicem fixerit, ut iam secundo vel tertio cedere nollet, imò resistere videretur potius, non est ab anladar abstinendum, nec ab una ad aliam curam transcurrentum.

Resina abietis fit ex eius fructu viridi in aqua posito, quoad spissitudo malignosa conspiciatur: deinde recentem aquam affundes, & aqua decoctione ferme consumpta materiam spissam, ut resinam habebis.

Excellentissima cura est, quum similibus & perniciosis morbis materialibus medicus ab initio realgari dulcificato vitam adimere nititur (non corrosivo quidem: hoc minime tutum, eo quod patienti foret impossibile tolerare tantam istius actionem, quantam ad curam hanc bene foret necessaria) postmodum emplastro mundificare. Postremo curam eo dirigere maturationibus, ut materia putredinis ablata, naturale balsamum ipsius naturæ curare valeat, alias frustraneè curabit medicus.

#### *Mortificatio.*

Accipe realgaris cristallini ℥.j. coquatur in aceto per duas horas, & usque ad exiccationem, huic olei maioranæ ℥.iij. affundes, misce  
simul:



simul: hoc vnguento super pannum pro loci  
continentia subtiliter extenso ligabis, & oleo  
sæpius madefacies forinsecus, ne siccetur em-  
plastrum, quod duobus diebus naturalibus  
immutum ita maneat. Post quos sanies &  
aqua profluet, quibus etiam perceptis, ea quæ  
sequuntur superposita maneant, quousque  
nullum pus aut humida putredo promanet.

*Mundificatio.*

Recipe picis navalis, visci pini, visci abie-  
tis ana libram j. visci ex locustis de latice (pu-  
to larice legendum esse) libram j. ss. larignæ  
qr. j. Mixta liquefiant cum ceræ & olei parti-  
bus æqualibus, vt ambo sufficiant ad empla-  
stri compositionem: quod isto non, alio quo-  
uis extrahi non poterit: eo peracto tura innox  
inde sequetur.

*Consolidatio.*

Recipe ceræ,

Picis communis ana lib. ss.

Aristolochiæ ʒ. iij.

Mumiæ ʒ. ij.

Antimonij vnc. iij.

Fiat emplastrum quo manè vesperiq; ligabis,  
vt moris est.

*Aliud consolidatiuum.*

Accipe resinæ abietis lib. ss.

Visci consolidæ quartam j.

O 4



Succi chelidoniæ quantum sufficit ad formandum emplastrum.

Maximum in ista cura magisterium consistit in vnguento primo, & in emplastro secundo profluxionum extractionibus.

## CAP. V.

*De herysipila.*

**H**erysipila est consumptum sal vitriolatum, hoc primum in rubedinem, & corrosione postmodum in vlcerationem transit. Locus eius est inter genua & calces, circumcirca crus: ibidem etiam est morbus Mercurialis.

*Nota.*

Quamuis vitriolatum sal morbum efficiat, est tamen ipsa minera Mercurialis tantum, à qua proprium recessit balsamum, & liquor salis, eiusque species pro quantitate recessus demonstrantur.

*Signa.*

Apparet primò rubedo cum dolore, vrede neque maximis, postea cum tumore, deinceps cum foraminibus foetidis & corruptis, vno penes aliud, & in planum subtus excauatis, nonnunquam siccis, aliàs flauo claroque liquore madentibus in cancri formam, aut Noli me tangere: totum crus inter duas iuncturas (vt est Mercurij natura) continet.

*Terminus.*



*Terminus.*

Sale resolutio fluxus eo loco producit, & sal ibidem, ac postmodum reliqua totius corporis salia resoluit, faciei colorem aufert, operationes impedit ventericuli. Postea sal cordis, hepatis, & cerebri surripit, ac tandem chronisatione facta per huiusmodi resolutionem, subsequitur mors.

*Cura.*

Cure principium est vt ligamenta stringantur cum allahol, ne concurrant alia salia, postea sperniolo mortificandum est, deinceps a motis doloribus per oppodeltoch consolidandum.

*Descriptio allahol.*

R. salis anathron ʒ. j.

Anodi ʒ. ss. reduc ad formam cum oleo de spica.

*Descriptio spernioli.*

Accipe spermatis ceti.

Ranarum.

Cerefolij.

Iuniperi ana : fiat destillatio in sole.

*Alia descriptio.*

R. glutinis aquatici vnc. iij. destillentur in aquam, cui fimus mineralium imponatur, & bulliant simul per horam, aut donec in formam pultium reducuntur, adde caphure vnc.



j. ss. fiat vnguentum, quo cum ligetur crus ter-  
no quoq; die semel, per tres septimanas con-  
tinuando. Postea sæpius abluendo mundetur  
aqua foliorum querci, vel aqua salsa. Curabi-  
tur optimè, non aliàs ac si medicamentum su-  
perpositum esset: nam eius est naturæ medi-  
cina prædicta, quòd tribus hebdomadibus  
etiam operetur post eius omissionem, donec  
omnino curauerit. Anacethron est genus salis  
quod crescit in petris, veluti muscus lapidi-  
bus supernascens, nitri similitudine: non est  
nitrum tamen quod à vitrarijs conficitur. Est  
sicut vsnea quid, ac decoctum aqua fit vt alu-  
men acidum. Postremò vitri formam accipit,  
spumamq; producit, quam antiqui falsò pu-  
tarunt anacethron.

## CAP. VI.

*De fistula.*

**F**istula est sal ex nutrimentis illius mem-  
bri tantum in quo sita est, vel eorum ex-  
crementorum, latius non extendens sei-  
psum, quàm illud sit excrementum, vel nutri-  
mentum. Ad aërem tantum, fit apertio cutis,  
quia sal istud est debilius, quàm vt cutem sub  
qua latet, fistula corrodere valeat.

*Nota.*

Ex omnibus apostematibus, item ex vulne-  
ribus, fodicationibus, & accidentibus, quum  
illius loci moritur, oriri possunt: etiam ex  
morte



morte nutritiui salis, & excrementorum.

*Signa.*

Angusta profunda que sunt foramina, pro maiori parte in iuncturis & angulis penes emunctoria, vel in locis deprauatorum vulnorum, fodicationum, aut accidētium, spumam & aquam emittentia, spacio duodecim horarum sese purgant, dolorem non inferunt, quia de glacię præter acuitatem sunt emortua.

*Terminus.*

Mortis non est effectiua, nec alicuius accidentis, at in statu suo chronico permanet in mortem vsque.

*Cura.*

Mundificatiuis & incarnatiuis præter omne corrosiui opus est hoc loco potionibus vulneratorum, aquis localibus, aut oppodeltoch. Non est quod ventilis angustiam cures, nam trium horum quodlibet operatur excellentissimè.

*Potio vulneratorum.*

Accipe aquarū ciclamini, scilicet de folijs serpentinx, sophiæ ana ʒ. iij.

Fiat mixtura ad haustum. Dosis ʒ. iij. manè & serò, in finem vsque curæ.

*Alia.*

Accipe aquarum de cornibus cerui lib. j.



Centaureæ.

Consolidæ aureæ.

Parthenionis ana quartam j. ss.

Quibus impone

Reubarbari.

Mannæ electæ.

Spermatis ceti ana vnc. j.

Huius potionis agitatae prius vt bene misceatur, coclear vnum singulis diebus bibatur manè, post quod vini coclearia tria sumantur per os. Hoc potu fistula mundatur intrinsecus, & per se curatur absq; medicamento superposito forinsecus. Poteris tamen hoc emplastro vti exterius.

R. de quatuor gummi vnc. ij.

Ceræ vnc. vj.

Liquefiant ambo simul, & adde

Visci de botin vnc. iij. fiat emplastrum.

*Aqua localis.*

R. anodi vnc. ij.

Cristallini præparati in lapillos 3. ij.

Aquarum plantaginis.

Ciclamini ana vnc. x.

## CAP. VII.

*De herpeta mordace, vel estiomena, vulgo lupo.*

**L**Vpus oritur ex sale Mercuriali tantum, in eo loco in quo est, eiusq; centrum figitur vbi defectus maior fuerit: & quam-  
bis



uis adscribatur hepati, vel per eius curam procedatur, morbus tamen eam per se recusat.

*Nota.*

Eo quòd in musculis absconditur, in quibus periodus mouetur, ab apostematibus est separandus lupus.

*Signa.*

Fixus est, & in circūferentia centrum suum coagulat intrinsecus ad os fodiens, vrit, callososq; nodos tandem procreat vsque ad mortem.

*Terminus.*

Herpetæ mordacis ætas est annorum triginta, vel quadraginta, membrum non consumit, suo loco manet: verum si morbus acutus inciderit, mortalis est: pariter si carbunculus, vel antrax accesserit, de cura desperandum est.

*Cura.*

Refrigerio primum opus erit, deum remedijs muscilaginosi, ad callos nodosq; tollendos, postea curetur per oppodeltoch.

*Muscilaginosum remedium.*

Accipe liquoris de mumia.

De mastice.

De caphura singulorum ʒ. ss.

Muscilaginis de fœnogræco.

De psillio.

De citonijs ana quātum sufficit pro incorporatione. Vsus eius est, sicuti emplastri oppodeltoch.



Refrigerium, vel in frigidatio fit sperniolo,  
anodino, per quinque aut sex dies, post quos  
mumiam addes.

*Alia cura.*

Accipe realgaris cristallini ℥. j. olei arden-  
tis ℥. ij. cerussę ℥. ij. fiat vnguentum. Circum-  
ponatur lupi circumferentię tātum, vt in me-  
dio nihil sit. Renouetur singulis duodenis ho-  
ris semel, vsq; ad sextum vel octauum diem:  
depone postmodum, & permittē. Circulus il-  
le totus aufertur per se, quo facto lauetur ma-  
nē vespēque hac aqua, superponatur etiam  
infra scriptum emplastrum secundum artem  
Chirurgicam.

*Aqua, vel eius lauamentum.*

Accipe aque glutinis, rosarum ana ℥. vj. par-  
thenionis ℥. v.

*Emplastrum.*

R. olei lini lib. ss. aëris viridis.

Ceræ ana quartam j.

Fiat cerotum, cui superaddantur

Bdelij colati ℥. ij.

Liga secundum artem.

CAP. VIII.

*De malo mortuo.*

**M**alum mortuum est colchotar narco-  
ticum, non inter apostemata, sed inter  
pruritus connumerandum potius: à  
centro



DE APOSTEMAT. 223

centro surgit in superficiem, loca sola Saturni Mercurijq; solùm occupat.

*Nota.*

Cum spiritus somniferi separantur à sua circumferèntia, membrumq; suum arripiūt, vti quoduis narcoticum, non aliàs & colchotar istud expellit.

*Signa.*

A pedibus primùm incipit, ac sursum assurgit, cutemque post duos aut tres annos, vt corticem insensitiuam efficit, cum angustio foramine.

*Terminus.*

In vlcerationem terminatur, sibi met emunctorium facit, & viginti permanet annis, postmodum in lepram tendit.

*Cura.*

A cauterijs est incipienda cura, quibus tollitur id quod in superficie fuerat, & postea per oleum de piperibus ad menses tres administratum.

*Cauterium.*

R. sulphuris liquefacti.

Liquoris de colophonia.

Olei de carabe ana ℥.iiij.

Thuris ℥.iij.

Resinæ abietis ℥.vij.

Fiat mixtura super ignem, calefac optimè,



postea supereffunde singulis diebus duodecies, & pes bene perfusus hac pinguedine, per dies tres aperietur.

## CAP. IX.

*De serpigine.*

**S**erpigo nihil aliud est, quàm sal aluminatum, ab aëris elementis extra suum chaos expulsum ad cutem secundum aëreorum expulsiuorum operationem.

*Nota.*

Quum elementatum aëris per suum chaos purgatur, aut ad exteriora pellitur, substantiam salis aluminati relinquit in superficie sui chaos: & quia sal aluminatum est minerale, suum effectum habet in superficie.

*Signa.*

Vbi maculæ quædam nascuntur in cute permanentes, vel non, fixæ siue non fixæ suo loco fuerint, rubæ, luteæ, crocæ, vel albo permixtæ colore, quavis in parte corporis, iudica serpiginem existere.

*Terminus.*

Ultimò per totum corpus dispergitur, bullas paruas producendo, postea crustas, inde fissuras, postremò tandem ulcerationes.

*Cura.*

Aëris purgatio præcedere debet, post vsus cauterij sicut in malo mortuo, deinceps per plantaginem curabitur.

*Munda-*



*Mundatium aëris.*

Accipe succi cichoreæ.

Gamandræ ana lib. j.

Succi capillorum Veneris lib. ss.

Mannæ ℥. ij.

Liquoris vitrioli ℥. j.

Fiat mixtura & destillatio per alembicū vsq;  
ad oleitatem. Dosis à ℥. j. vsque ad tres.

## CAP. X.

*De gutta rosacea.*

**G**utta rosacea prouenit ex croco Martis habente naturam, qui in carne subiecta Marti, per totam cutem circa poros expulsus est, & crocea tinctura, Martialisq; sine tinctura sanguinis, aut carnis est.

*Nota.*

Caro quæuis in suæ mineræ naturam transit, pro augmento mineralium eo loco sanguinisq; metallici.

*Signa.*

Faciei color primò flauus, deinde rubicundus indies magis absque bullis, vel pruritu, donec coccineum colorem cutis & caro simul acquisierint.

*Terminus.*

Vltimò transit in putrefactionem, quæ sal in se generat, cum pauca mordacitate.

P



*Cura.*

Eius cura sita est solùm in citrinula, & fa-  
biola, necnon in rebona destillatis in aquam,  
& ista cura dicitur ex tincturis.

*Alia cura.*

R. albuminis ouorum costorum numero x.  
Calcis ouorum ʒ. vj.  
Destilla in aquam, & adde,  
Foliorum argenti.  
Stanni.  
Plumbi.  
Veneris ana ʒ. j.  
Foliorum auri.  
Marchasitæ argentæ,  
Auræ.  
Chimoleæ ana ʒ. ij.  
Fiat digestio ad mensem, & destillatio.

## CAP. XI.

*Demorphea.*

**E**st morphea trium horum, scilicet fati-  
guinis, carnis & cutis per mineralia salia  
causata corruptio, transiens in corrosi-  
uam putrefactionem internam & externam.

*Nota.*

Quum substantia naturæ per sal mineræ  
corrumpitur, & figitur per se, tunc illa tin-  
ctura secundæ generationis est initium mor-  
pheæ.

*Signa.*



DE APOSTEMAT. 127

*Signa.*

Quando pars Martis in rubedinem tingitur, & ex gutta rosacea transmutatur in alium colorem cœruleum, aut nigrum, cum bullis, nodis, aqueisq; vesiculis, atque tumet, morpheam esse dixeris.

*Terminus.*

Incipit in fine sui putrescere, nigramq; ponere eschpharam in carnis medio, quò quum peruenerit morphea, est incurabilis, & in mortem vsque permanens.

*Cura.*

Eius cura duplex est, prior ex tincturis, posterior ex mundificatiuis. Prior iterum fit in modum curæ guttæ rosacæ, posterior vt in malo mortuo.

CAP. XII.

*De glandulis, vel naptis.*

**N**apta quidem ex nutrimentorum proprii membri liquoribus originem ducit, eorumq; liquorum, à quibus prouenit, similitudinem recipit. Inde sequitur aliquas naptas cartilaginosas, aliquas carnosas, & ligamentosas esse nonnullas, aut alijs membris similes, vt ossibus & articulis.

*Nota.*

Quoduis nutrimentum est triplex, at si digestionē eius separatio præcesserit, in suę for-

P 2



mæ substantiæq; separationem etiam transit,  
& inde naptæ proprius locus oritur, & gene-  
ratio.

*Signa.*

Si globuli glandulæ, vel superfluum os præ-  
ter inæqualitatem ipsius membri nascantur  
sub cute recondita, mobilia vel fixa, siue do-  
leant, vel non, dura vel mollia fuerint, naptam  
esse iudices.

*Terminus.*

Successu temporis putrescit, augmentoq;  
suas membro vires deprædatur.

*Cura.*

Aluminis plumosi filo tollenda est, in oleo  
de gilla prius madefacto, postmodum vngen-  
do & excorticando venulæ per gillam con-  
solidentur.

CAP. XIII.

*De hydrophorbia, vel lepra expulsa.*

**E**X trium primarum substantiarum cen-  
tro, quæ separantur in lepræ generatio-  
nem, per virtutem expulsiuam balsami  
liquorem expellentem oritur hydrophorbia,  
rotundam in formam instar gallæ, & est de sa-  
le non acuto, sed leproso.

*Nota.*

Quoduis resolutum narcoticum sine vlce-  
ratione manet, estq; de natura vrticæ, salisq;  
vitriolati.

*Signa.*



*Signa.*

Quum bulla nascitur similis ei quæ fit à  
 cantharidibus, aut flammulis, vel in gallæ tu-  
 morem turgens, & circumquaque cœruleo  
 colore perfusa, tanquam erumpere vellet, du-  
 ra tactu sicut est aquosa vesica, hydrophor-  
 biam esse dixeris.

*Terminus.*

Si penes oculos sita sit, fistulam ex se gene-  
 rat absque detrimento, putrescit introrsum  
 versus ex originis abundantia suæ, colore for-  
 maq; augetur indies, ac numero, vocem adi-  
 mit, ac naturalem colorem corporis, inde le-  
 pra subsequitur.

*Cura.*

Duplex est hydrophorbiæ cura: prior, vt per  
 liquorem orizontis natura corroboretur: al-  
 tera quidem, vt bullarum liquor exiccetur fo-  
 rinsecus.

R. aquæ regis ℥.j.

Olei de realgare ℥.ss.

Olei euphorbij quâtum satis fuerit ad  
 incrandum.

## CAP. XIII.

*De alopecia.*

**A**Lopècia scabies est in partibus Iouis  
 nascens, & ex spiritibus istius origi-  
 nem, & materiam peccâtem, dolorem,  
 & locum simul & vnico contextu ponit.



*Nota.*

Quum spiritus Iouis à naturalibus separatur humoribus, & in mineram propriam transit, si in metallis operabitur, in cachimiam, si in arboribus, in spongiam, & in humano corpore transmutatur in alopeciam.

*Signa.*

Si cutis in capite post fricationes emittat sanguinem, postmodum crustas, deinceps flavam aquam, & extenditur pro crinium terminis in ceruicem usque, mox ad hanc ubi pervenerit, alopeciam esse dicas.

*Terminus.*

Nisi præventum sit, acquirit radices, post quas fluxio sanguinis indies subsequitur, & extremus dolor mordaxque: nulla foramina profert, sed in mortem usque perseverat.

*Cura.*

Eius cura triplex est, una per picem, alia per corrosivas aquas, & tertia per gillam.

Quidam tonsores auferunt pilos & cutem, primamque Iouis partem ad nucam usque.

R. picis calcificum lib. j.

Colophonix lib. ss.

Bituminis de cornibus ꝑ. j.

Casei præparati lib. ss. & commisceantur.

Primo pici colophonixque liquefactis alia paula-



paulatim addenda sunt, & erit factum emplastrum viscosum in fundo, caseus qui præparatus est, exiccetur, & postea teratur. Hoc est eorum commune receptum.

Poteris tamen bitumen & caseum coagulari permittere sine detrimento. Quidam putantes id melius reddere posse, tantum apponunt ceræ, quâ tum eorum est medietas. Postquam cutis vnâ cum ipso morbo fuerit adempta, mox vnguento de cerussa, quod pulchram cutem generat, vttere. Nonnulli caseum admodum nigrum accipiunt, quem optimè lauant, ac eo quod in fundo residet, caput inungunt. Et quamuis hoc remedio pellatur alopecia, nihilominus perfecta cura non est: nam hac ratione pulsam inde post annos duos rediisse vidi.

Alij quidem corrosiuus & calcinato solent vtī tartaro, quod etiam laudare minimè possum, eo quod ad nucam vsque rodant, vnde mania subsequitur, & quandoque mors. Cura per gillam fit, vt per nouem dies continuatō caput inungatur ea, sed quia plurimum vrit, oliuarum oleo desuper illito absque intermissione dolores isti mitigandi sunt: eo temporis spacio plurimum humiditatis attrahitur in spissam crustam concretæ, quæ post eos dies nouem decidit, cutisquæ subtus nudatur pulcherrima.



*De alcolâ.*

**A**lcola carnis est quædam superfluitas insurgens ex venis Iouialibus per Martis regiones transeuntibus, & nascitur solum in emunctorio Martis, hoc est in oris labijs.

*Nota.*

Quum spiritus Iouis, qui duntaxat in alopeciam transire deberet, aliò se recipit, ad Martis regiones videlicet, in generationem excrementum transmutatur, & pro natura Iouis fit alcolâ.

*Signa.*

Primò nascuntur in labijs porri, postea cum emittunt sanguinem per se, vel per incisionem, enascitur caro quædam, quæ si spongiosa fuerit, ac foraminibus vndiq; repleta, iudicabis alcolam fore, non spongiam.

*Terminus.*

Finis eius est indies magis crescere, donec locum suum penitus occupans os obstruat, ut comedi nequeat in posterum, phrenesim atque maniam excitet.

*Cura.*

Venarum ductus atq; meatus deflectendi sunt per transversum secundum regionem, & postmodum hoc vnguento fuerit inungendum,  
aliàs



aliàs frustraneè curabitur.

Recipe realgaris præparati, succi chelido-  
niæ quantum sufficit, & formetur vnguētum.

## CAP. XVI.

*De cancrena.*

**C**Ancrenæ locus est in cruribus, inferius  
ad calces originem ducit ex salibus  
dulcibus, & operatur contra humo-  
rem naturalem ab vtraq; parte præter omnem  
acuitatem.

*Nota.*

Quoduis sal dulce balsami liquoribus ad-  
mixtum, morbum fixum producit: nam in eo  
non est acuitas, in Mercurij superficie tantùm  
etiam emergit, estque sal à sale separatum ar-  
moniacò.

*Signa.*

Dies noctesque dolor non remittitur in eo  
loco in quo cancrena fuerit, splendentiq; ru-  
bore crus totum depingitur: annos triginta  
perseuerat præter exulcerationem.

*Terminus.*

Quum post multos annos ad extremum  
peruenerit, natura præ senio deficiēte, ad mor-  
tem aperitur.

*Cura.*

Accipe succorum nenupharis,  
Solatri,  
Papaueris,



Lolij singulorum vnc.ij.

Papaueris tritici vnc.iiij.

Opij vnc.xv.

Mandragoræ ꝑ.iiij.

Succi ex radicibus hyoschiami exterloribus vnc.v.

Reduc in vnguentum cum oleo de lithargyrio.

Dolor est mitigandus per anodinam: in hoc morbo nulla digestio nec purgatio, vel physica, chirurgicaque minus alicuius momenti sunt.

Poteris etiam ad cancrenam vti medicamento prauarum lentiginum, cum additione scamoneæ vnciæ ss. ad libram vnā illius vnguenti: peculiarem habet in vrentibus potissimum vlceribus, & apertis scamonea virtutem.

## CAP. XVII.

*De panaritio, pandalitia, vel passa.*

**D**ico panaritium, quod vos vermem appellatis, esse vermem & naturalem passam, quæ postquam nascitur, ventile quoddam aperiendum est: hoc idem ipsemet vermis efficit animali natura, suoque loco seipsum fouet atque nutrit.

*Nota.*

Duæ fiunt in corpore corruptiones, videlicet in humoribus naturalibus, & in mineralibus. Quæ in naturalibus fiunt, æschphares generant:



nerant: quæ in mineralibus verò, paniritium: hoc in radicibus solum ad vngues locum habet, ibi etiam est radix salis nitri: vel in eo loco per quem transitum facit.

*Signa.*

Quum in vnguio radicibus dolor, vltio, tumor & inflammatio tanquam ignis sæuierint, & corrosio vermium instar, paniritium esse dixeris.

*Terminus.*

Eius hic est finis, vt postquam vermis natus fuerit, radicem vnguis, membrum totum, atque digitum cum dolore maximo prolixoque mortificat.

*Cura.*

Triplex est eius cura, per characteres vna, quam trisomnistis, superstitious, ac alijs eius farinæ magistris relictum velim. Secunda per naturalia, sicuti sunt sperniolum & andina, cum ex corio sacculus digito constructus, aptusque, sperniolo ter vel quater madefactus induitur. Etiam externis putrefactis curam agere poteris, vt porcorum stercore cum aceto decocto superpositoque.

CAP. XVIII.

*De asthachilos.*

**A**sthachilos ratione loci formæque potius cancrena vocari deberet: est tñ sal minerale ex ossibus Mercurij, ibi huius



minus extiterit, originem ducit, à iuncturis pedum ad genu per crus ascendens: tactu deprauatur, & intrinsecus rodendo foramina fodit.

*Nota.*

Huiusmodi sal in ossibus, est ex alumine glaciei, quod in carne consumitur, ad superficiem se recipit, roditque pro natura mineralium.

*Signa.*

Cum rubedo super iuncturas ad calcis radicem inceperit, cum ulceratione lata superficialique, plurimis etiam ulceribus ad genu tendentibus, dicasthachilos fore, quod araneum ego voco.

*Terminus.*

Status eius annorum est viginti, non admittit accidens, manet in carnis tenuiore parte super crura semper in eodem statu, per terminum qui supra dictus est.

*Cura.*

In primis paniritij medicamentis utendum erit, quibus quum curatum fuerit, persanetur emplastro de myrrha, quod sequitur:

R. olei de vitellis ouorum ℥.ij.

Ceræ ℥.ss.

Colophonie ℥.iij.

Myrrhæ rubæ ad pondus omnium,  
fiat emplastrum secundum artem.

CAP.



DE APOSTEMAT. 237  
CAP. XIX.

*De struma.*

**S**Truma ex mineralibus, ut alia quæ oriuntur ex eisdem, sicut intempestiva marchasita, vel mineralia cruda, nascitur. Inde fit, ut strumosi magis ad maniam quam ad intellectus temperantiam proni sint, propter mineræ cruditatem in struma sitam, quæ collum occupat, in quo mineralium est principium.

*Nota.*

Quoduis minerale crudum prope radicem crudam generat excrescentiam, illi similem quod inde fieri debuisset: nam crudum quodque mater & origo nodosorum est.

*Signa.*

Quum in collo nodosi tumores excreuerint, cute contacti, raparum instar, strumam fore iudices.

*Terminus.*

In eodem statu permanet in mortem usque, nisi fuerit elatior, quæ restringitur ante mortem, cuius etiam est præsagium.

*Cura.*

Strumarum cura duplex est, instrumentalis & medicinalis, hæc per pulveres aut potiones eius fit, illa per actualia cauteria, vel corrosiva.



238 THEOPHR. PARAC.  
CAP. XX.

*De polyo.*

**P**olypum dico fore carnem deuiatam & buccellos, qui per poros extra locum suum in excrescentiam nodosam transferunt.

*Nota.*

Deuiatum quoduis nutrimentum, in alio quam sui situs loco generat eandem carnem suæ generationis in magna copia.

*Signa.*

Quum alicui caro nascitur in naso, quæ cū sanguine prorumpit, polypum esse dixeris.

*Terminus.*

Sub finem eius incrementi venæ confluent, sanguinemque suum prorsus affundunt, & in vlcus transiens polypus, transmutatur in prauam tentiginem, vel noli me tangere.

*Cura.*

Eius vt in alcola cura est, ambo debent incidi buccelli, nutrimentumque tolli, demum curari per oppodeltoch.

CAP. XXI.

*De sicubus vel verrucis hæmorrhoidarum.*

**E**X hæmorrhagiali sanguine, quum nutritius humor separatus est à substantia sanguinis, & per porum suum emunctorialem



## DE APOSTEMAT. 239

rialem penetrat, extra materiam propriam transit in excrescentiam, quæ ficius existunt, aut verrucæ.

### *Nota.*

Quicquid à suo nutritiuo separatur, in suæ substantiæ similitudinem transit, ac in cancerum pro loci vitriolici quæ salis ratione diuiditur, est quæ generatio talis, quæ de verrucis vuluæ.

### *Signa.*

Si in tenasmo porri, vel polypicæ demonstrationes apparuerint, in sanguinei ruboris similitudinem, ficius, vel verrucas esse iudicatio. Si tamé & vnâ cū stercoribus sanguis admixtus foret, cum exitus difficultate, sudore quoque, vel aliquo labore dolores exciterentur in tenasmo, ficius intrinsecus nasci iudicabis.

### *Terminus.*

Si perseverauerint vsque ad vigesimū annum, in cancerum transmutantur. Si tamen eo tempore cancer non erumpat, vnâ quæ plures extiterint verrucæ concretæ, simul constipant anum, vel orificium vuluæ.

### *Cura.*

Ficum cura duplex, vna quidem stercoribus medicamentis, altera verò dulcibus sit corrosiuis.



*Corrosiuum dulce.*

Recipe olei laterini ℥.j.

Olei de iuniperis ℥.ss.

Olei ex myrrha ℥.ij. misceantur.

*Corrosiuum dulce mixtum cum aceto.*

Cape olei laterini ℥.j.

Aquæ aluminosæ ℥.ss.

Viriditatis salis ad pondus omnium:  
fiat mixtura.

*Cura de stercoribus.*

Recipe patientis deiectum stercus, misce  
cum oleo de vitellis ouorum, premat patiēs,  
vt exeant verrucæ ficusq; quibus tunc medi-  
cina superponatur.

## CAP. XXII.

*De tinca.*

**T**inea prouenit ex salibus mineralibus  
cum humore carnis, & cutis liquore per  
mixtis, postmodū ex pulsione transeun-  
tibus in crustas.

*Nota.*

Quum humor mineralis à proprio sale se-  
paratus in carnem se receperit, si hunc ele-  
mentum igneum arripiat, eo per poros agitur  
in crustas.

*Signa.*

Si crustæ nascantur in capite, cum capillo-  
rum fluxu, vel aliàs, sudoremque non liben-  
ter



ter emittunt, & crustæ cadentes die tertio rursus enascantur, tineam esse dicas.

*Terminus.*

Post decimum sextum, aut quartum & vigesimum annum ætatis morbi, spargitur per vniuersum corpus, & crustæ per se decidunt: quum incidentia pollicū subsequitur, lepram ex tineâ natam esse iudices.

*Cura.*

Recipe cichorij,  
Gamandreæ,  
Capillorum Veneris ana vnc. ij.  
Calsiæ extractæ vnc. ss.  
Mannæ electæ ʒ. j. ss.

Reduc in haustum cū aqua artemisiæ: omni anno menseq; Maio debet administrari, quia reuertitur.

CAP. XXIII.

*De bubone vel bufone.*

**B**Vbo est infectio ex duorū similium commixtione proueniens, & ex tertio in apostematum generationem, ac per salia luxuriosa tandem in vlcerationem producta.

*Nota.*

Quum illa duo mineralia simul in matricem veniunt, inde generatur bubo, tum ex accessione tertij subsequitur bubo vitriolatus: & causa huius est, quod sperma luxuriosum scabie sua infectum est.

Q



*Signa.*

Si tumor in altero sulco penes pudenda surrexerit cum rubore succedente, viresque deficient, calor atque frigus inuaserint, edendi transferit appetitus, bubonem adesse dicas.

*Cautela.*

Caue à resolutiuis, corrosiuis & attractiuis medicamentis.

*Cura.*

Eius cura per apertionem fieri debet maturatione propria, postmodum per oppodeltoch curandum est.

*Descriptio maturatiui.*

Recipe de quatuor resinis ℥.ss.

De liquoribus althææ,

Bismaluxæ ana ℥.iij.

Fiat mixtura superponenda.

*Descriptio oppodeltoch.*

Recipe de quatuor seminibus incarnatiuis vnciam ss.

Ceræ,

Colophonix ana vnc.ij.

Picis naualis vnc.ij.

Reduc in emplastrum.

## CAP. XXIIII.

*De cambuca.*

**C** Ambuca prouenit ex bubonis materia, quæ citius quàm oportuit sedē fixit: eius vlceratio fit eodem loco in quē figitur.

*Nota.*



DE APOSTEMAT. 245

*Nota.*

Quævis cambuca bubo est, nec ab eo quàm propter locum differt.

*Signa.*

Si post actum venereum cum calore tumor exurgeret, ac in vrina sanies aliqua cerneretur, & inde sequerentur vlcerationes cum putrefactione, cambucam esse dicito.

*Terminus.*

Vltimò transit in vlcerationem corrosiuâ, quæ foramina simul in vnum exedit, & cambucam putrefacit.

*Cura.*

Caphurato & emplastro de mumia curatur.

*Formula caphurati.*

Accipe caphuræ ℥. ij.

Vitellorum ouorum ℥. iiij.

Fiat mixtura, quæ posita super marmor in loco humido, vertitur in oleum.

*Emplastri descriptio.*

Recipe mumia ℥. ss.

Resinæ de botin ablutæ per aquam rosarum quantum sufficit, pro incorporatione fiat emplastrum.

Q 2



244 THEOPHR. PARAC.  
CAP. XXV.

*De varicibus.*

**V**Arices oriuntur ex sale plumoso, quod cum substantia resolutum est: illis euenire solet, qui cauernosum vlcus expectant, ac mulieribus grauidis, ideo quod vlcus hoc in matrice debeant expectare, per generationem in easdem venas expulsam.

*Nota.*

Quum sal aliquod ex operatione propria seipsum aperit, eius est sanitas, vbi non, transit ad radices huiusmodi venarum, & vlcus cauernosum intrinsecum generat.

*Signa.*

Si crurum venæ tumeant, qualescunque sint, nodosæque fiant globulorum instar, cum natiui coloris in cœruleum, nigrum, aut subuiridem transmutatione velut inflata cutis præter carnis detrimentum, varices fore iudicabis.

*Terminus.*

Vltimò, cutis in turpissimum foetentissimumque foramen aperitur, quod si cum laterum punctiõibus accidat, morti iudicato morbum obnoxium esse.

*Cautela.*

Caue plurimum à corrosiuis aquis, balneis,  
pur ga-



## DE APOSTEMAT. 245

purgationibus, ab omnibus vnctionibus mor-  
bilibus, à Mercurio & sulphure.

### *Cura.*

Aperiantur venæ cum tempore digesto,  
postmodum liquoribus gingiuarum lepo-  
rum vngendum erit per tres aut quatuor se-  
ptimanas: vna tantum est aperienda vena per  
vicem, & postmodum altera, non ambæ si-  
mul. Digestum tempus est, quum per annum  
abfuerint, ac postea redeunt. In anno semel  
si venerint, & venæ semel aperiantur, si bis &  
bis aperiendæ sunt ordine, deinceps lepo-  
rum gingiuas, aut pinguedinem humanam  
superponas.

## CAP. XXVI.

### *De ranula.*

**R**anula est immaturum plumosum: o-  
ratur ex radice linguæ sub infantiam,  
antè quàm linguæ radix sit firmiter  
affixa.

### *Nota.*

Si caro senuerit, ranula minimè nasci po-  
test: quod in varices transire deberet, in lin-  
guæ regionibus fit apostema.

### *Signa.*

Si venæ sub lingua tumuerint cum cæru-  
leo colore, ranulam esse dicas.

Q 3



*Terminus.*

Ultimò, quum ranula transit in maturati-  
nem, generat apostema, quod in infantibus  
mortale est: si verò non, coagulari potest ra-  
nula, tunc infanti loquendi materiam, aut fa-  
cultatem adimit, balbutireque facit.

*Cura.*

Venulis apertis eliciatur sanguis, postmo-  
dum illines aquis brassatellæ, agrimonix, al-  
chimillæ, diapensix, vel oleo hypericonis, aut  
oleo de floribus centaureæ. Si post curâ hanc  
ranula redierit, curam iterum incipias: at si  
parua sit, aquæ prædictæ sufficiant.

## CAP. XXVII.

*De nacla.*

**N**Acta est immaturum apostema, pro-  
ueniens ex menstrualibus fluxioni-  
bus, cum illæ per sal plumosum in con-  
gelationem tractæ sunt, & ex ea post in reso-  
lutionem.

*Nota.*

Omnis immatûritas admixta maturo, non  
recipit istius emunctorium, sed proprium, sa-  
le suo plumoso hoc operante.

*Signa.*

Si grauida vel puerpera mulier conquere-  
retur de vberû dolore præ tumescencia, duri-  
tia,



tia, rubedine, & eorum in foramen apertione, tu nactam esse dixeris.

*Terminus.*

Sal plumosum vltimò fit corrosiuum, & in vlcerationem transit, pòst in putrefactionem, & postremò pro balsami naturalis, aut medici saltem excellentia terminatur.

*Cautela.*

Abstinendum est ab aquis corrosiuis, à cauterijs candentibus metallis factis, ab arsenico cum aqua rosarum, ab oleis destillatis, vt sunt laterinum & terebinthinæ. Caue pariter à cerussa, à refrigerijs, & ab oleis rosarum & violarum.

*Cura.*

Nactæ cura per oppodeltoch ex aromatibus fieri debet.

Recipe oppopanaci,

Bdelij ana vnc.j.

Serapini vnc.ij.

Liquefac in aceto colato per pannũ, postmodum inspissabis in modum mellis.

Adde mumia 3.j.

Aristolochiæ rotundæ 3.iiij.

Liquoris de cachimia ad pondus omnium fiat emplastrum.

CAP. XXVIII.

De scrophulis, scrophis, vel suillis.

Q 4



**S**crophulæ prodeunt ex sale de milio: quoduis foramen peculiare centrum habet, estque huius operatio similis operationi salis lapillati de grandine.

*Nota.*

Quum alumen resoluitur in aquam, & in primam redit materiam, ac postmodum in grana rursus coagulatur, gutta quælibet suum foramen edit, ac in membro collectum remanet.

*Signa.*

Si bullæ surrexerint in carnoso quopiam loco, rubei coloris cum flauo centro, cum vredine maxima tumoreque, postea mirum in modum & citissimè rubuerint, ac postremò foramina quorum vnum alterum non tangat, inciderint, scrophulas esse iudicandum est.

*Terminus.*

Vltimum si terminum attingere permittatur, post tres aut quatuor annos mutantur in alium colorem, cœruleum nempe nigro commixtum: postea noua crisis incidit cum vehementi calore, cutis subtus excauatur, ac in mortem vsq; permanent.

*Cautela.*

Caueas à pice, calidis oleis, ab aristolochia, viridi æris, ab arsenico, sale armoniaco, præcipitato, auripigmento, alumine calcinato, pariter & ab vngula caballina, tum ab omnibus herbis attractiuis.

*Cura.*



*Cura.*

Earum cura fit corrosiuis & consolidatiuis.

*Corrosiuum.*

R. vitrioli albi ℥.j.

Aquæ rosarum ℥.iij.

Lithargyrij abluti ℥.ss.

Commisceantur cum oleo rosarum, & panis in eo madefactis, foraminum orificia quæque leuiter impleantur.

*Consolidatiuum.*

Accipe consolidæ regalis lib. ss.

Aristolochiæ longæ ℥.iij.

Myrrhæ ℥.ss.

Mummia ℥.ij.

Post triturationem R. olei rosarum quantum sufficit pro incorporatione, formetur in modum emplastri.

## CAP. XXIX.

*De vlceribus cauernosis.*

**V**Lceris cauernosi, quod ex chordis nervisque provenit, origo, ranularum & verrucaliū vlcerum origini similis est.

*Nota.*

Quod ex vno morbo transit in aliū, etiam aliud medicamentum requirit, vti hîc, vlceris cauernosi cura, similis est illi quæ de varicibus.

*Signa.*

Si quis varices haberet, post quas & foramina succederent, cum carnis & cutis putre-



factione, tandem fœtor atque tumor, vna cum spasmo sequerentur, vlcus iudicabis adesse cauernosum.

*Terminus.*

Si terminum suum attigerit, in ignem persicum transmutabitur, hoc est in tertiam crism, per se, vel ex medici negligentia, vel ignorantia potius.

*Cautela.*

Abstineas ab aquis corrosiuis, cauterijs, pariter & attractiuis ex gummi compositis: nam si his vsus fueris, ignis persicus subsequetur.

*Cura.*

Duplex est eius vlceris cura, scilicet, vna ex varicibus, & ex vulneribus altera. Sedabis igitur varices, vt in eis dictum est.

*Ad vulnera,*

R. lithargyrij.

Minij ana lib. ss.

Olei oliuarum lib. j.

Ceræ lib. ss. reduc in emplastrum.

Postmodum accipe,

Puluerum aranciarum,

Chelidoniæ.

Aristolochiæ rotundæ ana ꝑ. iij. & formetur emplastrum.

C A P. X X X.

*De bocio.*

Bocium



**B**Ocium nascitur ex menstruis & hemorrhoidibus, eodem loco in quo ambæ huiusmodi fluxiones uniuntur, & in alio fluxu proprium sibi met emunctorium facit.

*Nota.*

Quum liquor (fluxus) constipatus fuerit, ut ad locum suum peruenire nequeat, nec id ipsum exequi valeat, quod sui fuerit officij, retrograditur donec transeat in carnis generationem.

*Signa.*

Si mulieri bullæ nascantur, postea porri, postmodum carnis excrementum sub cute, vel super eam, quæ pro menstrualium augmento progressum habuerint, bocium esse dicas.

*Terminus.*

Vltimò violentissimè tendit in finem, & omnes humores attrahens in fluxionem, ad mortem conuertitur.

*Cura.*

Fluxum exiccato per deopilationem, vehementissimè prouocato menstrua, vel hæmorrhoidas. Postremò sistenda est fluxio sicut in noli me tangere.

*Prouocatio menstrui cum deopilationibus  
venarum est.*

R. liquoris pulegij.  
Arthemisiæ ana ℥. iij.



Vini correcti ꝑ. vij.

De liquorib. splenis castrati bouis ꝑ. j.

Reduc ad mixturam: dosis ꝑ. ss. mane  
& serò.

*Additio.*

Accipe aquæ ex fructibus sauinę, vel oleum  
de granis eius.

*Hæmorrhoidarum prouocatio.*

R. serapini colati vnc. ss.

Bdelij, malticis ana vnc. j.

Cantharidum ꝑ. j.

Fiat emplastrum per se secundum artem su-  
per locum hæmorrhoidarum.

### CAP. XXXI.

*De testudinibus, vel celsa.*

**T**estudinem celsam (hoc est, id quod huc  
atque illuc discurrit) ex salibus acciden-  
talibus coagulatam esse dico.

*Nota.*

Quum celsa ex corpore suo transit in coa-  
gulatum, vagationem suam retinet secundum  
coagulationem.

*Terminus.*

Postremò putrefacta in vlcus transit can-  
crosum in vigesimum quintum, aut sextum  
& vigesimum annum, & in crism.

*Cautela.*

Caueas ab vnguentis, vnctionibus, & cor-  
rosiuis.

*Cura.*



*Cura.*

Eius cura talis est, vt regio circū datur eius, alumine plumoso, & postquam eschphara deciderit, superponatur oppodeltoch: hac via testudo putrefit in eiectionem: communibus emplastris concludito.

## CAP. XXXII.

*De igne persico & pruna.*

**P**ersicus ignis est sulphureum corpus accensum, quod ex suo transformatum est iliado cum omnibus speciebus sulphuris, & est calx viua sicca, & calx viua liquida, quæ suam accensionem à liquido sale recipit. Postmodum vrit consumitq; membrum penitus, vti calx cadauer aliquod.

*Nota.*

Trium primorum transformatio mortalem consumptionem efficit: nam in persico, vel pruna consumptio talis impediri non potest, cum proprium & innatum in ipso calidum sit elementum occultum.

*Signa.*

Huius morbi signa sunt duplicia, videlicet ex frigido & calido. Quæ ex calido rursus duplicia, chronica & acuta scilicet.

Chronica sunt, quum primò herysipela nascitur, postea bullæ flauæ penes foramina surgunt, pariter quum occulta rubedo cum vredine splendoreq; tumuerit, in eoq; statu per annos ternos vel senos perueueraverit, calidę



prunæ chronicæq; signa sunt, ignisq; calidi.

Acuta verò, quum repentè calor membrum inuadit cū flauis vrentibusq; bullis: vbi postmodum sicut in creticis color in cæruleum transit, ignem vehementissimum ibidem esse dixeris.

Signa frigida cum præcedentibus colorem nigrum induunt: at si membrum hoc antea varices habuisset cum nigredine, prunam frigidam natam esse iudices.

*Cautela.*

Abstineas à medicamentis secundum elementa compositis, à repercussiuis, à morbilorum vnguentis, vñtionibus: suffumigijs, & guaiacano ligno.

*Cura.*

Ignis perfici cura duplex est, vna priusquàm natus sit morbus, altera, quum iam est vigentissimus.

*Ad priorem curam.*

R. spermatis ranarum lib. ss.

Caphuræ ꝑ. iij.

Mirr hæ.

Thuris ana vnc. j.

Reduc ad destillationem solis: quod sic intelligas. Ponantur in vitrum ad solem donec liquefiant. In hunc liquorem pannos intinctos superpone loco dolenti, quum siccati fuerint rursus intinge superponeque tam diu donec sedetur.

*Ad po-*



*Ad posteriorem curam.*

Accipe terebinthinæ induratæ lib. ij.

Oppopanaci lib. ss.

Colchotarîs vnc. iij. reduc in emplastrum.

Poteris etiam bulliens despumare mel, cui præcedentia quum imposueris, inde fiet emplastrum tenue, hoc pannis illitum secto iam pedi superponatur.

*Induratio terebinthinæ fit hoc modo.*

Terebinthinam in olla coquito lentè, postmodum bacillo huic immerso & extracto, vide num dura sit effecta: quo percepto, removeatur ab igne, fiet in vitri modum vtcunq; dura, quæ terenda est in mortario, &c.

Postmodum in aceti mensuris duabus oppopanaci cum leuiter coquendo liquefiat, coleturq; per pannum, & coquatur tam diu donec euaporet acetum, & materia spissa fiat: quo factò, colchotar imponatur, & terebinthina. Dum hæc materia calida est, fiant ex ea pinnacidia longa xxiiij. aut circiter: nam frigefacta materia durefcit vt vitrum: quum his vti volueris, melli ad spissitudinem cocto, despumatoque partem eius vel totum impone pinnacidium, & in emplastrum tenue resoluetur, quod secto membro superpones.

### CAP. XXXIII.

*De cinzilla.*



**C**inzilla est liquor salis ex diaphragmate, qui pro diaphragmatis altitudine, circulum ex suo producit excremento.

*Nota.*

Sal omne flammulatum in miliarem generationem transit, ac à loco suo non remouetur.

*Signa.*

Quum sub cingulo rubeus circulus enascitur, postea flauæ bullæ, longo post interuallo foramina cum vredine, rubore, doloreque maximo successerint, cinzillam esse dicas.

*Terminus.*

Vltimò retrorsum ad radicem redit, accenditque diaphragma, postea mors subsequitur.

*Cautela.*

A corrosiuis abstine, morbillorum vnctionibus, ab omni pinguedine, gummi, pici-  
busque.

*Cura.*

In cinzillæ cura, diaphragmatis radix est per consolidam regalem mundificanda, postmodum oppodeltoch singulis duodenis horis, vt Chirurgiæ mos est, liganda.

*Descriptio oppodeltoch.*

R.colophonix lib.j.

Puluerum chelidoniæ.

Aranciarum ana vnc.iiij.

Visci de botin quantum satis est ad incorporationem.

C A P.



DE APOSTEMAT. 257  
CAP. XXXIII.

*De gibbo.*

**G**ibbus est ex quarta generatione concretum quid, & postmodum ex inæqualitate membrorum alicuius, reliquum deformatum.

*Nota.*

Quicquid extra proportionem suam existit, in excrescentiam transit, quæ si vergat intrinsecus ad membrorum principalium regiones, indicat eum qui huic morbo fuerit obnoxius, ad sanitatem aptum non esse.

CAP. XXXV.

*De elephantia.*

**E**lephantia producitur ex hæmorrhoidarum liquoribus menstrui, vel nutrimenti, descendentibus ad locustas membrorum.

*Nota.*

Quælibet elephantia serpit in modum naptæ, solum eo differt ab hac illa, quod eius substantia liquorq; simul nascantur.

*Signa.*

Membra fiunt naptalia, tumentiaq; plurimum, & supra iuncturas consumuntur, postremò succedunt foramina. Tandem si ex mēstruis, vel hæmorrhoidalibus morbus iste processerit, flava profluit aqua: si tamen ex liquoribus, rubicunda.

R.



*Terminus.*

Elephantia terminatur in vlcus cauernosum, quo membri consumptio tráit ad principale membrum, & inde sequitur mors.

*Cura.*

Triplex est elephantia cura, quarum vna est hæmorrhoidarum: secunda menstruorum prouocatio: tertia liquorum exiccatio.

## CAP. XXXVI.

*De scissuris manuum.*

**M**Anuum scissuræ proueniunt ex sale alopecie, hoc est, vitriolato, membrorumq; locustas propter virtutem expulsiuam occupant.

*Nota.*

Quum alopecie generatio deuiat in alias quàm proprias locustas, in eis fit eius etiam productio.

*Signa.*

Si manus bullas contrahant, quæ postmodum in crustas, & inde tandem in fissuras carnem subintrantes mutantur, in corpore nihil eius existente, alopeciam iudicabis in manibus fore.

*Terminus.*

Postremò totam cutem occupant, crustisq; decidentibus cessant.

*Cautela.*



## DE APOSTEMAT. 259

### *Cautela.*

Abstinentum est ab aquis corrosiuis, cantharidibus, à purgationibus, vnctionibus, fuliginibus, & ligno guaiacano.

### *Cura.*

R. ex quatuor gummi:

Oppopanaci.

Serapini.

Galbani.

Bdelij ana ℥.j.

Colophonix ℥.ij.

Terebinthinæ lotæ ℥.iiij. fiat vnguentum.

Liquefac illud super carbones, & sic manibus calidum superponatur per duodecim horas, deinceps lauentur aqua munda, rursusq; superponatur eis calefactum, hoc toties repetendum est, donec liquorem amplius non emittat, quod plerunq; fit in quindecim plus minusue diebus. Quatuor gummi peculiarem admirandamque virtutem abster suam, exiccatiuamq; habent.

## CAP. XXXVII.

De pruritu, & scabie, deq; sapharis, & furfuribus.

**Q**uatuor horum origo prouenit ex cruribus resolutis, quibus accessit alumen minerale scissum.

R. x



*Cautela.*

Caueas à potionibus, digestionibus, purgationibus, à diaphoreticis, ab exiccatiuis, & à morbillorum vnguentis.

*Cura.*

Recipe aluminis repei lib. j.

Aluminis armeni lib. ss.

Fiat mixtura pro scabie.

*Alia.*

Accipe aluminis plumosi.

Entali ana lib. ij.

Fiat mixtura pro pruritu.

*Alia.*

Cape alcali de aluminibus.

Salis fusi ana.

Fiat mixtura pro furfuribus.

*Alia.*

Cape vitrioli.

Aluminis scissi ana lib. ss.

Fiat mixtura in sapharis.

## CAP. XXXVIII.

*De formica.*

**F**ormicæ generantur ex cruoribus in virtute expulsiua deficientibus.

*Nota.*

Quando gradus expulsiuę virtutis deficiunt, in eo loco centrum est morbi noui.

*Terminus*

Generatio quęuis deficiens in expulsiua virtute.



virtute, morbum nouum excitat in suo centro, qui terminatur postmodum in vlcerationem, prout sua signa continent.

*Signa.*

Si bullæ paruæ nascantur vna penes alteram, & ex frictionibus exeat aqua flaua, crustæ decidant, earumque loco renascantur aliæ cum vredine maxima, fornicam esse iudices.

*Cautela.*

Abstineas ab omni medicamento, præterquam à refrigerio.

*Cura.*

*Descriptio vnguenti a starzof.*

R. lithargyrij abluti ℥.j.

Spernioli ℥.j. ss.

De liquoribus barbæ Iouis.

Succi ex nenuphare ana ℥.iij.

Fiat cerotum sine cera, super pannum illine, & administra per noctem, in frigidat vt non redeat.

*Alia formula.*

Accipe aquæ rosarum ℥.ij.

Resolutæ caphurę ℥.j. commisceantur.

CAP. XXXIX.

*De coſso.*

**C**Ossum est apostema quod nascitur ex albo sulphure, saleque scisso, quæ prodeunt ex regionibus Martis.

R 3



*Nota.*

Quum sal scissum in parte Martis erumpit, ibidem extra cutem sua signa profert, in locis in quibus cartilagine existunt: nam ubi cum carne caro iungitur, natura producit emunctorium.

*Signa.*

Quum nasus admodum vritur, postea frictionibus crustæ ponerentur, quæ per annum perseverarent, cossum esse natum iudicabis.

*Terminus.*

Nisi cossum auferatur, incidunt fistulæ, quarum etiam terminum habet.

*Cautela.*

Caveas tamen à fistularum cura.

*Cura.*

Accipe succi agrimonix ʒ. j.

De porris ʒ. ss.

Olei anetini ad pondus omnium. Fiat mixtura, cui pannum intinges, hunc superponito non aspergendo, liquor exhibit, ac per se curabitur.

## CAP. XL.

*De branco.*

**B**Rancus est liquor in faucibus suum centrum ponens, & sibi met exitum facit.

*Nota.*

Quivis liquor scissus descendens, quum à  
vera



DE APOSTEMAT. 263

vera deflectit origine, trāsit in emunctorium  
externum.

*Signa.*

Si tumor oriatur in faucibus cum dolore  
capitis, & postea fiat vlceratio, brancum ex-  
istere iudicabis.

*Terminus.*

Quum brancus progreditur vuulæ partem  
arripit, postea descendens squinanciam ge-  
nerat.

*Cura.*

Eius cura est in arcanis, & aqua brunellæ  
curat brancum optimè.

*Gargarismus ad brancum.*

Accipe pirethri ℥.j.

Succi hypericonis ℥.ij.

Succi persicariæ ℥.iiij.

Oximellis scyllitici ad pondus omniū;  
commisceantur.

*Alius.*

Accipe liquoris mummiæ ℥.j.

Succi persicariæ ℥.ij.

Aceti communis vnc. iiij. fiat mixtura.

C A P. XLI.

*De squinancia.*

**S**Quinācia quidem oritur ex eodē loco ex  
quo nascitur apostema, eiusq; cētrum est  
in apostematis situ, qui circumferentiam



utriusq; regionis, nempe capitis & colli totam occupat.

*Nota.*

Omnis morbus in gutture proueniens, huius loco curari debet: in cōfinijs alius non est inuestigandus.

*Signa.*

Si collum in circulo nuchæ tumuerit cum rubore cacuminis eius ac folij, caput inflammatum sit, non secus ac apostema tumor iste maturescat, postmodum retro cacumen foramen inciderit, inglutitionem & sputum prorsus hæc abstulerint, signa sunt eius.

*Terminus.*

Si fortè balsamum naturæ deficiat in gutture, putrescit exterius, & vuulam atque folium inficit.

*Cautela.*

Abstineas à purgationibus, à phlebotomijs, & ventosarum positionibus.

*Cura.*

Per gargarismum incarnatiuum curari debet squinancia, cuius descriptio talis est.

Recipe mellis rosarum ℥.iiij.

Aristolochiæ rotundæ.

Pirolæ ana ℥.ss.

Aquarum de prunis.

De prunella ana ℥.vij.

Fiat



Fiat gargarifinus, accipiat in os, gargarizet, si apostema est apertum, ter vel quater in die, vt intret apostema: tunc balsamum naturæ curabit: sed si non sit apertum, non proderit: verum si magnus sit tumor, superpone defensivum extrinsecus.

*Defensivum in squinancia.*

Accipe mucilaginis de fœnogræco ℥.x.

Cerussæ ℥.ij.

Caphuræ tritæ ℥.ss.

Fiat mixtura & cataplasma extrinsecus, vt mitigentur dolores & tumores in collo.

*Ad capitis calorem.*

- Recipe aquarum rosarum rubearum,  
Bursæ pastoris,  
Solatri,  
Barbæ Iouis, singulorum æqualia pondera, commisce, & eis immerge linteam, quod ita madidum liga super caput.

CAP. XLII.

*De albora.*

**A**lboram ex tribus mixtam fore dico: scilicet morphea, serpigine & lepra.

*Nota.*

Quum plures origine vna concurrunt in idem centrum, ibidem & novus morbus generatur sub nova denominatione.

R 5



*Signa.*

Vbi cicatrices natæ fuerint in facie, serpigini instar, postea transmutantur in bullas ex morpheali natura, tandem vox amittitur, alboram adesse dicas.

*Terminus.*

Præter omnem vlcerationem terminatur, at cum fœtore maximo cum nasi, tum oris, eiectionibusq;. Non aliàs quàm eius morbi demonstratio est extrinsecus, in linguæ radice pariter existit.

*Cautela.*

Abstinendum est à medicamentis intrinsicis, ab aquis fortibus & corrosiuis.

*Cura.*

Accipe Stanni,

Plumbi,

Argentana 3 j.

Aquæ albuminum ouorum destillatorum lib. ss. commisceantur, &c.

Albumina ouorum cocta destillanda sunt in aquam, & huic limaturæ distorum metallorum imponendæ, qua madesiat albora.

## CAP. XLIII.

*De panno.*

**E**X colore pannus emortuo prouenit, quapropter colorum vitam atque mortem cognoscere deberet medicus.

*Nota.*



*Nota.*

Quicquid ex coloribus moritur in corpore, fixum manet, aliasq; nō est intelligendum, quā de lepra.

*Signa.*

Quum infans ex utero matris suæ maculam aliquam luteam, cœruleam, aut nigram attulerit, pannum esse iudices.

*Cura tincturæ in panno.*

Accipe de floribus fabarum vnc. ss.

Calcis ouorum vnc. ij.

Salis peregrinorum.

Aquæ consolidæ lib. j.

Alcool vini ana vnc. xv.

Destilla per alembicum, & hac medicina pannū inunge: fiet albior quā cutis altera.

*Alia tinctura.*

Accipe aluminis plumosi,

Scissi ana lib. j. Destilla in aquam cum ista additione:

Recipe caphuræ vnc. ss.

Sigilli Salomonis vnc. ij. Rursum destilla, postea linteolo hac aqua madefacto pannum inunge lauaq;.

## CAP. XLIII.

*De scissuris siccis.*

**S**cissuræ siccæ sunt ex sale carnis vel sanguinis, quod cum sudore prorumpit sine corruptione: producuntur in locis, in quibus venæ finiunt, & in illa carne.



*Signa.*

Quum in plantis pedum volisq; manuum  
scissuræ siccæ fiunt, quæ contraherentur præ-  
ter aliud quodpiam accidens, scissuras siccas  
fore iudicabis. Si sint in minimo digito & in  
sequenti, sal est saluatelle. Siccæ sunt omnino,  
crustis & sanie carent. Fiunt etiam in calca-  
neis scissuræ siccæ, quales habere solent mi-  
lites.

*Terminus.*

In eodem statu manēt, vti cœperunt prius,  
& nullas ponunt crustas.

*Cura.*

Earum cura fieri debet eo loco in quo sunt,  
prout sequitur:

Accipe radicem vrticæ minoris ℥.vj.

Reponticæ vnc. iij.

Consolidæ regalis ℥.j. ss.

Aquæ puræ quantum satis est pro de-  
coctione.

In decoctione superpone manus, & ollâ sit  
optimè cooperta, vt vapor eas melius tangat:  
hoc fac singulis diebus quater aut quinquies,  
postea purgabis sanguinem vti sequitur.

Recipe gamandreæ,

Cichoreæ ana, bulliant in optimo vi-  
no. Hæc potio rectificat sanguinis  
tantum, quantus eius haustus fue-  
rit: est enim vera & naturalis minu-  
tio sanguinis.

*Alia.*



*Alia cura.*

Accipe farinæ hordei,  
 Siliginis ana ʒ.j.  
 Pirolæ,  
 Agrimonix,  
 Centaureæ,  
 Prunellæ ana ʒ.ʒs.  
 Aquæ puræ quantum sufficit pro deco-  
 ctione.

*Vnguentum ad hoc.*

Recipe petrolei,  
 Axungix cati syluestris,  
 Axungix cerui,  
 Taxi ana ʒ.ʒs.  
 Fiat vnguentum super carbones, manè &  
 ferò inunge.

CAP. XLV.

*De moro.*

**E**X entalico scissoque salibus nascuntur  
 mori, originemque suam sumunt, sicuti  
 scissuræ siccæ.

*Nota.*

Quum duæ species in vnam generationē  
 concurrunt, duas inde formas oriri contin-  
 git, vti de moris. Entalicum sal non educitur  
 per sudorem, sed ex eo porri, & ex sale scisso  
 fiunt scissuræ.

*Signa.*

Si porri supercreuerint fissi, præter cru-



stas circum eos, aut humoris exitum, moros fore dixeris.

*Terminus.*

Mox atque porri similes emiserint sanguinem per se, vel per instrumentalem incisionem, aut corrosiuū id si fiat, morus nouus enascitur, post quem sequitur fungus, & spongia duorum aut trium pondo, quæ plurimos porros carnemque durissimam habet.

*Cura.*

Accipe oleorum ex iuniperis vnc.j.

De spica 3.ij.

Laterini 3.vij. fiat mixtura.

Vngantur hoc vnguento sæpius, & euanescent: excindi non possunt, nec euelli. Minutio per gamandrea, cichoreaq; potū optimè valet ad mundādum sanguinē in hoc morbo.

*Alia cura.*

Recipe oleorum benedicti vnc.j.

Masticis vnc.fs. misceantur, & inunge manē & serò.

C A P. XLVI.

*De ragadijs in orificio vuluæ, & in ano.*

**R**agadia proueniunt ex sale menstruofo, quum actus veneris & menstruum simul concurrunt, seseque inuicē complectuntur, ex huiusmodi separatione ragadij nascuntur. Pariter & in ano prodeunt ex hæmorrhoi.



morrhoidibus, quando sal hoc ad locustas se recipit.

*Nota.*

Quævis separatio salis scissi transit in fissuras tantum; vbi cum aliò mixtum non fuerit.

*Signa.*

Quum circulus in orificio vulvæ aut in ano finditur, & per eiectionem vrinæ vel stercoreis proscinduntur vruntque fissuræ tales, visibiles sint, aut non, ragadia fore dicas.

*Terminus.*

Vltimò transeunt in vlcerationem intrinsecam, & putrescunt in eiectionem saniei.

*Cura. Pessarium in ragadijs vulvæ.*

Accipe aloe succotrini vnc. j.

Radicis aristolochiæ rotundæ vnc. iij.

Terebinthinæ lotæ quantum satis est:  
fiat pessarium ad sufficientem longitudinem.

*Aliud.*

Cape terebinthinæ lotæ vnc. vj.

Albi græci vnc. j.

Ceræ vnc. j. fs.

Puluerum agrimonie;

Consolidæ,

Pyrolæ ana quantum sufficit pro incorporatione: fiat pessarium, quod ragadia tegat, vltiusque non procedat, nec sit ragadiorum loco brevius.



*Alia descriptio sparallij per vuluam.*

Accipe mucilaginis psyllij vnc. j.

Olei amygdalarum amararum vnc. iij.

Succi florum tapsi vnc. vj.

Fiat sparallium hoc modo : Linteum eiusdem longitudinis, cuius ragadia fuerint, huic intinge liquori, postmodū indes in vuluam, in qua per tres horas maneat : his transactis iterum intingatur, indaturq̃.

*Alia.*

Recipe succorum pyrolæ,

Consolidæ ana vnc. iij.

Florum hypericonis,

Prunellæ,

Centaureæ ana vnc. j.

Betonicæ vnc. vij.

Olei anethini vnc. iij. fiat mixtura.

Puluis ad ragadia vuluæ, & ad hæmorrhoidas.

Recipe mummiæ vnc. j.

Laccæ rubeæ vnc. ss.

Pulueris aranciarum,

Antimonij ana vnc. ij.

Chimoleæ vnc. j. ss.

Cachimiæ ʒ. v. fiat puluis.

## CAP. XLVII.

*De esseris.*

**E**Sferi proueniunt ex vaporibus mineralium extrinsecorum, vbi calx inciderit aut cachimia.

*Nota.*



*Nota.*

Extrinfeca medicum accidentalia cognoscere decet, vt extrinfeci spiritus quum impriuntur, ab eo cognosci queant.

Efferi plerunq; ſæuere ſolent in illos, qui ſalia montana, vitriolum, aut cuperroſſam excoquunt, vel cuprū effodiunt, liquefaciuntq;. Fodinarum artifices morbo ſimili tum pulmonis cordisq; paſſionibus doloribꝯ ſue torquentur.

*Signa.*

Si nodus quiſpiam tumorq; vermiculos pediculorum inſtar ederet, qui poſtmodum in latum extenderētur, cruſtasq; rubeas, vt ſunt ſquamæ piſcium, producerent, eſſeros fore iudicato.

*Terminus.*

Cum in ſpiritibus mineralium hæreat hic morbus, nullum per ſe terminum facit, imò potius in vno ſtatu permanet.

*Cautela.*

Cauendum eſt à phyſicis: hoc eſt, illis, qui purgationes intrinfecas dare cupiunt: nam quiuis morbus exterius productus, exteriorē etiam curā libenter admittit, non interiorem.

*Cura.*

Accipe olei ex iuniperis lib. ſs.

Olei amygdalarum dulcium lib. j.

Olei de coſte vnc. viij.

Fiat mixtura: poſtremum fit ſicuti oleum de guaiaco, aut buxo.

S



Oleum de iuniper s nō fit per descensum:  
sed oleum de costē: hoc est, ex fagino ligno.

*Aliud vnguentum.*

Cape olei de spica vnc. ss.

Olei quercini lib. iij.

Axungia cati lib. j. commisceantur.

Vngantur, & his oleis præseruabuntur à spiritibus, qui morbum hunc generant, quia vinctuositas illa non sinit huiusmodi spiritum subintrare. Natura quidem aluminis est officiumq; findere. Quum tamen his cutis peruncta fuerit axungijs, tales spiritus nullos recipit, qui sibi detrimentum inferre valeant.

#### CAP. XLVIII.

*De vndimia.*

**A** Sale resolutio producit vndimia, siue carnis sal hoc sit, aut alterius, & in eo loco centrum ponit, in quo situm est.

*Nota.*

Quoduis sal resolutum, acuitate carens, apostema generat absq; lepra.

Vndimia est apostema, quod ex compressione fossulam remanentem concipit, vt in hydropisi fieri solet: estq; morbus absq; dolore prius, tandem ad putrefactionem peruenit, incipitq; dolor.

*Signa.*

Quū apostema surrexerit absq; dolore, fossam ex cōpressionē retinēs, estq; sine colore, quo reliqua tincta sunt, vndimiam esse dicas.

*Terminus.*



*Terminus.*

Putrefit intrinsecus prius, postmodum extrinsecus, & in vlcus transit cauernosum.

*Cautela.*

Abstinentum est à pharmacis physicis: nā iste morbus ad Chirurgos pertinet.

*Cura.*

Accipe realgaris ʒ. j. Talci ʒ. iij.

Visci quercini quantum satis erit pro incorporatione: fiat emplastrum super vndiniam.

*Post apertionem.*

Accipe colophonix vnc. j. Cerae vnc. iij.

Resinae de botin vt satis sit pro formando emplastro.

*Post mundificationem.*

Accipe consolidæ maioris,

Aristolochiæ rotundæ ana ʒ. ij.

Vitellorum ouorum,

Terebinthinæ ana quantum sufficit: agitando fac vnguentū, & vndiniam inunge.

## CAP. XLIX.

*De saphiris.*

**S**aphirus est fluxio proueniens ex sale sicco, quæ non potest in maturationē transferre, sed in sua duritie semper manet, atque tumore, quosuis colores induit.

*Nota.*

Nomen est oībus duris apostematib. cōmu-



ne, sephirus priusquàm maturescant, aut mollia fiant, curam per resolutionem expetit.

*Cura.*

Excellentissimum est ad morbum hunc remedium viscus de botin & iuniperorum, ob eorum mitigationem & maturationem.

Accipe visci iuniperorum ℥. ss.

Fœnugræci ℥. iiij.

Aquarum iringi,

Lappatij acuti ana ℥. ij.

Succi althææ quantum satis fuerit pro incorporatione: fiat cataplasma.

*Alia descriptio.*

Recipe olei ex lithargyrio,

Colophonix,

Muminiæ ana ℥. j.

Olei ex vitellis ouorum quantum sufficit ad formandum vnguentum: hoc sephirum mollificat, maturumque reddit.

Oleum lithargyrij fit hoc modo: Recipe alumen, acetum, & lithargyrium, coque simul omnia donec albescant, postea rursus acetum & alumen addes, & ad consumptionem usque liquoris decoques, & sic in oleaginosam conuertetur materiam, de qua scribit etiam Archelaus.

C A P. L.

*De fugile vel fugilico apostemate.*

Ex



**E**X Martis ferrugine producitur fugile, vel fugilicum apostema: quod est indicium principij noli me tangere.

Archelaus vocat fuliginem, Hermes verò ferruginem. Nos autem ferruginem Martis nominamus. Iis potissimum accidere solet, qui nondū adoleuerunt: videlicet infra quartum & vigesimum annum existentibus: alijs verò, si contigerit eam ætatem prætereuntibus, hos noli me tangere dixeris expectare.

*Nota.*

Quiuis liquor materialis apparet antea quàm locum fixum ponat. Postea quicquid oritur in sui sanguinis principio, trāsit in prauam tentiginem.

*Signa.*

Quum ad auriculas bullæ cum inflatione natæ fuerint in earum circumferentia, tertio pòst die rubicundæ fierent, postea calor atq; dolor capitis, partim vnà cum squinācia concurrerint, fugile fore dicas.

*Terminus.*

Si per se terminabitur, in putrefactionem transibit, quæ vergit ad interiora, vel in alopeciam dilatatur.

*Cautela.*

Caueas ab aquis fortibus & corrosiuis, à purgationibus, à capitellis, aut lixiuijs acutis, quia per suum emunctorium purgari debet: id est, per anum.



*Cura.*

Tripartita est eius cura, vna per maturationem, per mundificationem alia, tertia per consolidationem.

*Maturatio.*

Nulla fieri debet apertio: nam inde sequuntur accidentia praua: per se maturescere potius erit.

*Nota.*

Accipe olei laterini vnc. j.

Oppopanaci colati vnc. ss. fiat emplastrum super carbones.

Oppopanacum per acetum colatur: deinde fit iterum massa, & induratur.

*Mundificatio.*

Recipe mellis,

Brunellæ ana vnc. j.

Aristolochiæ rotundæ,

Aloepatici ana 3. j. Fiat mixtura in modum emplastri, administra quā iam apostema fuerit apertum.

*Consolidatio.*

Accipe vitellorum ouorum numero iiij.

Resinæ de botin vnc. iij.

Farinæ tritici,

Hordei ana quantum satis fuerit pro incorporatione: fingatur vnguentū.

## CAP. LI.

*De natha vel nasda.*

*Quum*



DE APOSTEMAT. 279

**Q**Uum ambæ virtutes simul concurrūt in vnum latus, nascda producitur, eo quòd natura tribuit vni, quod ab altero surripit, estque naturalis concretio.

*Signa.*

Quando membrū aliquod ipsamet hoc operante natura maius fit altero, nullusq; dolor in eo loco fuerit, nec in stomacho, nascdam fore iudices. Si ventriculus aut thorax doluerint, signū erit phthisis.

*Cautela.*

Noli sumere potiones aliquas, quia natura per seipsam effluit.

*Cura.*

Accipe de fecibus vini vnc. x.

Vini ardentis ꝑ. iij.

Axungia vulpis vnc. v.

Olei anetini ad pondus omnium. Fiat vnguentum.

CAP. LII.

*De phlegmonibus.*

**P**hlegmo quidem est apostema, quod nō tendit ad mortem, nec ad impotentiam mēbri, minus ad aliquod aliud accidēs.

*Nota.*

Apostemata quæuis præter corporis detrimentum orientia, producūtur ex aluminibus liquefactis: & ab alijs apostematibus hoc solo differunt, quòd non sint obnoxia morti, nec etiam accidentibus.



*Cura mundificans.*

Accipe oleorum ouorum ℥.vj.

Camomelini ℥.j.

Serapini,

Galbani ana ℥.vj.

Visci de abiete aut pino ad pondus omnium,

Farinarum hordei,

Fabarum ana quantum sufficit pro incorporatione, commisce in formam vnguenti.

Mel rosatum & salis aquā simul permisceas, quo liquore serò maneque lauabis.

## CAP. LIII.

*De hernia aquosa, vel humorosa.*

**H**ernia aquosa prouenit ex eo loco, in quo sita fuerit, estq; liquor in osseo resolutus: producitur ab externis accidentibus & causis, quum quispiam læsus fuerit, vel ex abundantia spermatis putrefacti, quod in liquorem est resolutum.

*Nota.*

Quoduis resolutū sal in suo loco remanet solum, nisi per poros deorsum transeat, & tūc destillat in exitum, quod in osseo fieri nequit.

*Signa.*

Si pudēda fuerint inflata, compressioneq; foueam remanentem contraherent ante maturationem, herniam esse dicito.

*Terminus.*



*Terminus.*

Quum hernia per se terminari permittitur, in testiculorum putrefactionem transit, & postmodum bubonis initium præbet: si per tres aut quatuor septimanas non recesserit, fit morbus incurabilis.

*Cautela.*

Caue ne aperias, at medice diligenter animaduertas an hernia sit aquosa, vel inflatio testiculorum, vt vnum pro alio non cures, indeq; maximum periculum subsequatur.

*Cura.*

Accipe ficuum lib.j.

Olei granorum iuniperi ℥.iiij.

Farinæ fabarum ℥.vj.

Fiat cataplasma super ignem, quod superponatur quanto calidius pati valeat, manè, sub meridiem, & serò: nam ipsam materiam separat.

*Aliud.*

Accipe farinæ fabarum lib.j.

Seminum psyllij.

Citoniorum ana ℥.j.

Consolidæ maioris ℥.iiij.

Vini & aceti quantum satis est, & fiat emplastrum.

Recepta quæuis euacuantia, vel exiccantia, hoc loco sunt inutilia.

## CAP. LIIII.

De hernia ventosa.

S 5



**H**ernia ventosa prouenit etiam ex accidentibus, & est arcenicalis inflatio præter naturalis resolutionem.

*Nota.*

Omnis inflatio sicca producitur ex arsenico puro, quapropter apprimè cōsiderandum est in hac cura, quòd ea quæ mitigant arsenicum, herniam ventosam etiam curent.

*Signa.*

Quum oseus inflabitur cum duritie, & intensione, illaq; durities insensitiuum oseum effecerit, & abique colore, herniam ventosam esse iudicabis.

*Terminus.*

In suo statu manet, donec altero anno subsequenti rursus in crism incidat.

*Cautela.*

Abstinentiū erit ab apertione, rebusq; siccis.

*Cura.*

Accipe ficuum lib. j.

Olei ex baccis iuniperi ℥. iiij.

Farinæ fabarum vnc. vj.

Resoluatur materia sicuti suprà de hernia aquosa scriptum est: animaduertendum tamen in primis curando herniam ventosam, ut per pingua viscosaq; procedatur, non propter duritiem, cum sit ventus: & quamuis diaciminum ad ventum in ventre clausum optimè valeat, nihilominus in ista cura non est idoneum: quia tumor hic ab arsenico crudo,

&c



DE APOSTEMAT. 283

& realgare causatur, quę quidem oleum amygdalarum dulcium, viscus abietis, & emplastrum ex terebinthina mitigant.

*Alia cura.*

Accipe olei amygdalarum dulcium vnc. ij.

Farinę fabarum vnc. ss.

Fimi columbini.

Fimi caprarum ana vnc. iij.

Aceti quantum sufficit: fiat cataplasma quod superponatur manē, sub meridiem, & sero.

*Alia descriptio.*

Accipe visci abietis vnc. vj.

Mummię vnc. v.

Foliorum ebuli vnc. j. commisceantur.

*Alia formula.*

Recipe terebinthinę lib. ss.

Cumini vnc. iij.

Seminum lactucę ꝑ. vj.

Cerę quantum satis erit: reduc in emplastrum.

CAP. LV.

*De hernia carnosā.*

**N**on aliās quā alcola vel naphtha suam originem hernia carnosā ducit: loco formaq; solū ab eis differt.

*Nota.*

Postquam liquor nutritiuus quo sustentatur oseus, à vera substantia separatur, & in



excreſcentiam tranſit , herniam carnoſam profert.

*Signa.*

Si tumuerit oſeus, induruerit, ac ſub cute, vel trans cutem excreuerit caro, herniam carnoſam eſſe dicas.

*Terminus.*

Vltimò tranſit in putrefactionem, & producit fiſtulam, & ſi non maturuerit infra quinque ſeptimanas, nullam curam admittit amplius.

*Cautela.*

A potionibus vel curis intrinſecis, à rebus pinguibus, & à ſuperpoſitione ſiccorum & exiccantium abſtine.

*Cura.*

Eius cura duplatur, ſcilicet per inſtrumenta, perq; medicamina. De inſtrumentis ſcriptum eſt in vlceribus.

*Deſcriptio curæ.*

Accipe olei laterini vnc. vij.

Oppopanaci.

Galbani.

Bdelij ana 3. iij.

Reduc ad formam liquidam cum iſta additione.

Recipe farinæ fabarum 3. iij.

Ficuum numero iiij.

Caphuræ.

Rutæ ana 3. j. fiat in modum emplatri,  
hoc



DE APOSTEMAT. 285

hoc maturat, resoluit, putrefacit, crescere magis non sinit, nec etiam dolorem inferre.

*Resoluentia herniam carnosam, alcolam, & naphthan, sunt ista.*

Oleum benedictum.

Oleum laurinum destillatum.

Oleum nucum.

Oleum de seminibus papaueris nigri.

Oleum aneti.

Axungia cati destillata.

Alcool vini destillatum cum fabis.

Alcool destillatū cum seminibus psyllij.

Aqua flammulæ.

Aqua hirundinariæ.

Aqua de persicaria rubea.

Aqua de iringo.

Succus ex lapatio.

Liquor destillatus ex vino caprino.

Notandum hîc olea destillata rebus pinguibus non connumerari.

CAP. LVI.

*De tentigine obscura & praua, hoc est, noli me tangere, in matrice.*

**E**X superfluitate salis acetosi, quod in profluio, vel in menstruis existit, oritur obscura tentigo.

*Nota.*

Si menstruum aut profluuium transeat in salis acuitatem, ex qua produceretur ferrugo,



tandem ad matricis substantiam se confert, ac  
tentiginem excitat obscuram.

*Signa.*

Quando sui temporis ordinem profluvia  
menstruaq; non obleruant, ac vnà cum illis  
fluxionibus aqua permiscetur, & cum vrina  
sanies dolore pudendorum effluit, torminaq;  
fiunt in ventre, quæ tempore coitus augeren-  
tur, & inde post quatuor septimanas sanguis  
profluit, genus tentiginis fore iudices.

*Terminus.*

Si per annum continuerit, mulierq; sterilis  
fiat, in vlcerationem incurabilem transit.

*Cautela.*

A purgationibus, consolidationibus, &  
mundificationibus, prorsus abstinendum erit.

*Cura.*

Eius cura tripertita est, vna per sparallium,  
alia per potiones, tertia per vnguenta: parum  
differt hæc ab ea quæ de matricis vlcerationi-  
bus cura fieri debet.

*Cardonium.*

R. agrimonix.

Saniculæ.

Pyrolæ.

Vtriusq; peruinçæ ana ʒ. j.

Aristolochiæ rotundæ ʒ. j.

Herbarum pastinacæ.

Perdetis ana ʒ. j.

Musti



DE APOSTEMAT. 287

Multi non maturi ex vino rubeo vsque  
ad centum kist, fiat cardonium, hoc  
est, ponantur in mustum herbæ su-  
pradiçtæ, macerentur & simul repur-  
gentur, de quo vino per medium  
annum contiue bibat mulier.

Kist vini, duas mensuras implet.

*Aliud cardonium.*

R. consolidæ regalis lib. ss.

Aristolochiæ rotundæ vnc. vj.

Diapensæ.

Alchimillæ ana vnc. x.

Serpentinæ minoris, ad pondus om-  
nium: fiat cardonium secundum v-  
sum.

*Salis compositio, cuius vsus sit in omnibus pe-  
riculis laborantis tentigine matricis.*

Accipe salis communis lib. ss.

Thuris.

Muinmiæ.

Hæmathidis ana vnc. ij.

Fiat mixtura cum sale, quo condiatur omne  
quod ederit.

*Sparallium in tentigine obscura.*

Accipe aquarum plantaginis.

Serpentinæ.

Perlicariæ.

Hypericonis ana lib. ss.

Lumbricorum terrestrium vnc. vj.



Dragacanti vnc.j.

Consolidæ.

Foliorum aristolochiæ longæ ana vnc.  
iij. fiat sparalliū optimo saccharo permistum:  
hoc est, fiat metrenchita, vel clysterium vul-  
uæ imponatur, perq; tres, quatuor, vel quinq;  
horas in ea maneat singulis diebus.

*Aliud sparallium.*

Accipe succi hypericonis.

Perficariæ ana lib. ss.

Aquæ de prunis.

De cerasis ana lib.j.

Terebinthinæ lotæ in aqua rosarum  
vnc.vij.

Fiat sparallium pro matrice, quod indatur  
in vuluam, quolibet die bis, aut pluries, pro  
necessitatis exigentia.

*Aliud sparallium.*

Accipe olei hypericonis.

Perficariæ.

Aristolochiæ rotundæ ana lib.j.

Olei ranarum.

Lumbricorum ana vnc.xij.

Olei ex vitellis ouorū ad pondus om-  
nium, formetur sparallium, & ob suam pin-  
guedinem, non est opus vt in tanta quantita-  
te hoc administres, quia quicquid lubricum  
est, matrix ad se libenter attrahit.

*Vnguentum.*



*Vnguentum ad dorsum.*

Accipe Mercurij absque substantia frigida,  
& omni mordicatione correcti, ℥. ss.

Boli scissi ℥. iij.

Axungiae ceruinæ lib. ss.

Olei anetini.

Olei ex vitellis ouorum ana ℥. vj. fiat  
vnguentum cum cera.

Ista medicamina, scilicet vnguentum, sparrallium, & cardonium simul administrari debent quolibet die bis.

## CAP. LVII.

*De mola matricis.*

**N**ihil aliud est mola per se quam menstruum, quia istud est matricis nutrimentum, & vna spermatis.

*Nota.*

Quoduis menstruum spermati permixtum in generationem transit: nam in eo loco nulla separatio fieri potest amplius, præterquam nascentis impleto iam termino, separatur à suo loco decoctionis. Vita molæ est in spermate: nam donec sperma habuerit, inflatur venter, quo deficiente cessat etiam tumor augeri, donec, &c. Nonnunquam in renibus generatur excrecentia, qualem Friburgi vidimus in vitulo (puto in interfignio vituli fore legendum) albo nigroque coloribus permixtam.

T



*Signa.*

Si mulieris vterus ex prægnanti natura tumuerit, menstruaq; fluât simul, & modò venter terminueretur, aliàs augetetur, aut extra verum terminum in duram inflationem exurgeret, vnâ cum, vel absq; doloribus, mouereturq; molam esse matricis dicito.

*Terminus.*

Crescente mola matricis, spermatibusque vehemèter in coagulationem commixtis, augetur in mortem vsque.

*Cura.*

Duplex est medicina molæ, vna quidem in expulsiõne, altera in præseruatione.

*Ad expulsiõnem.*

Accipe croci orientalis ℥.iiij.

Boracis ℥.fs.

Carabe ℥.j.fs.

Scamoneæ ℥.vj.

Lapidis lazuli ℥.j.

Fiat pessarium cum oppopanaco inspissato.

Animaduerte quòd huiusmodi medicamentum adhiberi nullo modo tutò possit, nisi mola parua sit adhuc, & per vuluam exire queat, ante partus veri terminum: aliàs mulier exponitur mortis maximo periculo, si magnam expellere molam conatus fueris.

*Præser.*



## DE APOSTEMAT. 291

*Præservatiuum contra molam.*

Accipe agarici trociscati ℥.j.

Euphorbij ℥.ss.

Oppopanaci colati & inspissati, ad pondus omnium: fac pessarium, vt ere antequàm habeant molam magnam: si non desierit vna tantum nocte, siste gradum in eo medicamento, quia signum est generationis prolis.

### CAP. LVIII.

*De exitura.*

**E**Xitura habet exordium ex proprio defectu, sic vt illa tria prima, quæ continent excrementum, in putrefactionem transcant.

*Nota.*

Quoduis excrementum primam suam materiam habet, ab eoq; separatur quod expellit illud: postmodum aliud nihil præter infirmitates generat.

*Signa.*

Quum sanies per nasum flaua fœtidaq; decolat, vnà cum dolore capitis, vel eo sine, pariter si aurium excrementa putrida fuerint, sputumq; fœteat, vrina saniem proferat, ac stercois naturalem colorem amiserit, sudor sit fœtens, vngues corruptionem patiantur, ex auribus flaua pinguisq; sanies effluerit, oculorum lachrymæ salis destillarint, & acutum apostema turgeat, ac menstrua fœtencia cum impertinenti colore fluxerint.

T 2



præter dolores renum aut femorum, ex his omnibus exituram iudicabis.

*Terminus.*

Si exitura sæpius abierit, redieritque per quatuor annos id ipsum continuando, permanfuram esse iudicabis.

*Cura.*

In exitura non est alia cura, nisi quod excrementum extrahatur continuatè.

*Descriptio ad nares.*

R. Iollij.

Seminis nigellæ.

Ellebori albi ana ʒ.j.

Maioranæ.

Roris marini.

Saluæ ana ʒ. ss.

Musci grana ij.

Fiat sternutatorium, quod singulis diebus manè per nasum attrahatur, parū per vicem.

*Descriptio ad aures.*

R. diagridij scrupul. j.

Bdelij ʒ. j.

Ceræ scrup. j. ss.

Fiat in modum emplastri: quum aures spumam, aut aquam emiserint, impone pinnaculum his constructum.

*Medicamentum ad urinam.*

Accipe croci orientalis ʒ. ss.

Pilorum zenij ʒ. ss.

Can-



DE APOSTEMAT. 293

Cantharidum numero v.

Fiat mixtura, sacculusq; sub canali, subtusque vesicam, urinam prouocabit, per vnum aut alterum diem, donec sanies cesset.

Zeni sunt folliculi circum leporum caudas existentes.

*Medicina pro stercore vel intestinis.*

Accipe mellis quantum sufficit.

Diagridij ʒ. j.

Hermodactilorum.

Turpeti ana ʒ. j.

Fiant suppositoria secundum artem, præter sal in exitura: verum in constipatione poteris vti sale.

*Medicina pro sudore.*

Accipe theriacæ ʒ. ij.

Alcool vini ʒ. ij.

Euphorbij grana vij.

Fiat haustus ante ingressum balnei, sudet, postmodum calidè contactus decumbat in lecto, bis hoc, ter vel quater, ac toties repetas, donec fœtor abeat.

CAP. LIX.

*De callo.*

**C**Allus est arsenicalis tumor, ex liquore carnis aut sanguinis proueniens.

*Nota.*

Quoduis apostema per fricationes excita-

T 3



294 THEOPHR. PARAC,  
tum, in superficie carnis ponit suum emun-  
ctorium.

*Signa.*

Si post fricationes aliquod exurgat aposte-  
marubeum atque tumens, callum esse dixe-  
ris.

*Terminus.*

Si fluxiones arsenicales coniunctę fuerint,  
cum affluentia, terminatur in vlcerationem,  
& postmodum in estiomenam transit, maxi-  
mę quum apostema vel foramen in crus sic-  
cum inciderit ex fricationibus, aut in alio  
loco.

*Cura.*

In calli cura postquam in apostema transie-  
rit, hac vttere descriptione.

R. olei rosarum ℥.vj.

Calcis viuę extinctę ℥.iij.

Caphurę 3.v.

Fiat mixtura, quę superponatur vnguenti  
loco.

Si tamen prius in vlcus transisset callus,  
hoc vttere.

Accipe spernioli ℥.j.

Olei de caphura 3.ij.

Succi papaueris.

Hyosciami ana ad pondus omnium.

Fiat cataplasma, quod superponatur, calo-  
rem sedat: postea sume descriptionem hanc.

Cape emplastrorum apostoliconis.

*Dia.*



Diaquilon ana vnc. fs.

Muminiæ vnc. iij.

Ceruffæ 3. ij.

Caphuræ 3. j.

Misceantur, & fiat emplastrum super carbones.

## CAP. LX.

*De porris.*

**P**orri proueniunt ex auiro liquore, qui nutritum radicū esse deberet vnguūm.

*Nota.*

Vbi porrus, non longè distant vngues, itaq; radices earum in excrescentiam trāseunt, quæ porros efficit.

*Signa.*

Quum in digitis pedum aut manuum porri nascuntur, quibus taētus dolorem infert, ac indies magis excrescunt in auellanæ nucis medietatem, porros fore dixeris.

*Terminus.*

Vltimò simul cum carne crescunt in vnguūm duritiem, & cum per corrosiuas aquas, vel incisionem aperti fuerint, in elephantia principium incidunt, incisioneq; maiores efficiuntur.

*Cautela.*

Ab incisionibus, & corrosiuis aquis abstine.

*Cura.*

Accipe oleum ex baccis iuniperi.

T 4



Befonne.

Agarici ana 3.j.

Fellis bouis quantum satis erit pro vnguento.

Vnge dies & noctes linteolæ, quo magis triueris eo melius, efficiuntur nigri, siccanturq;. Pottea cura per oppodeltoch ad quatuor vel quinque septimanas.

*Alia cura.*

Accipe realgaris scrup.j.

Olei vitellorum ouorum 3. fs.

Calcis extinctæ quantum sufficit in vnguenti formationem, hoc etiam nigros efficit porros, & putrefacit.

## C A P. LXI.

*De sclirosi.*

**S**clirosis est apostema, vel nodus, qui nascitur per excrecentiam nouæ generationis.

*Nota.*

Quando natura superfluitatem ex centro generationis producit, accumulata postmodum in excrecentiam iuxta membrum in quo fuerit, generatur.

*Signa.*

Quum in corpore durus & immobilis tumor, & caro simul cum ligamentis creuerit, quod si tactu simile quid percipias, sclirosim fore iudices.

*Terminus.*



*Terminus.*

Sub finem, indies magis ad suam generationem tendit sclerosiſ, & vltimò contorquet membrum, inteſtina debilitat inflationibus, & in regionibus exiſtens mèbrorum ſeipſum ad mortem ſuffocat.

*Cautela.*

Ab omni medicina qua ſolitum eſt in apoſtematibus vti, caueas, & ab omnibus inſtrumentis, quibus tonſores vtuntur, & ab eorum magiſterio.

*Cura.*

Cura ſit quòd ſcleroſiſ non accreſcat, nec aliàs curari poteſt.

*Deſcriptio vnguenti.*

Accipe olei mirtillorum ꝯ.ij.

Nucis muſcatae ꝯ.ſs.

Axungiae mumentorum ꝯ.ij.

Petrolei ad pondus omnium. Fiat mixtura, qua ſpermatice vaſa prout renes & femora, menſe quolibet inungantur: hac enim ſcleroſi tollitur incrementum.

*Annotatio.*

Regeneratio maior eſt quàm vbi corpus naſcitur: poſſibile eſt vt fiat ſecunda regeneratio: & eſt pura ſuperfluitas regenerationis.

Scleroſiſ aliquoties in fronte naſcitur, vt nodus, in ceruice & in manibus.

Quando ſub coſtis, aut ad ventrem naſcitur, tunc eius durities non bene percipitur.



*De lentigine.*

**I**N experti, nec non doctores asserunt ex cholera nasci lentigines: monachi dicunt ex coelibatu. Verum ego liquoris Mercurij florem esse dico.

*Nota.*

Vbi liquor Mercurij fuerit, qui vergat in sui regenerationem, oriuntur lentigines. Omni anno cuius carnis liquor florens regeneratur, & qui lentigines habent, illis qui carent saniores existunt: sub axillis & sub genibus, pallent quas vulgus pulmonis maculas appellat, multasque sub lentiginum vocabulo concludit.

*Signa.*

Quum in facie, vel sub axillis, sub genibus aut supra maculae nascerentur crocei luteique colorum, siue maneant, aut recedant, lentigines fore iudicabis.

*Cura.*

Curandum est ut expellantur, quo vehementius, eo melius.

*Descriptio contra lentigines.*

Accipe heliotropij.

Gamandreæ ana vnc. iij.

Mannæ electæ vnc. ss.

Spermatis ceti.

Baccarum lauri ana 3. x.

Aqua.



DE APOSTEMAT. . 299

Aquarum melissæ.

Verbenæ.

Valerianæ ana vnc.v.

Fiat potus, eiusq; dosis à quatuor in vncias quinque sit, quum incipiunt exire bibatur: si reubarbarum apponas, non exeunt amplius, quod minimè bonum est. Vide quæso quàm egregia res sit experientia, per hoc vnicum.

Heliotropium herba solaris, quæ penes me est melissa, mirum in modum carnem & sanguinem regenerat, eaq; nil melius.

Sunt & alia penes Petrum Arelatum apostemata, quorum ego quòd hætenus eorum experientiam non feci, nec etiam hoc loco meminisse volui. Quòd eos qui ad Physicam & Chirurgiam pertinent morbos mihi per experientiam cognitos descripsim, boni consule.

**FINIS.**



*INDEX CAPITVM IN Li-  
brum de Contracturis.*

De contracturarum origine.	171
De contracturis ex tartaro calculóue.	172
De contracturis ex colica.	175
De contracturis quę ex colera.	179
De contracturis ab excessiuo potu.	181
De ordine differentiaq; seruandis in practi- ca.	182
De auro potabili & oleo solis ad contractu- ras.	186
De medicamine ex materia perlarum ex es- sentia antimonij.	191
De remediorum arcanis essentia quintę, sulphuris & aquarum vitę pro contractu- ris.	193
De medicamento vitrioli & tartari pro con- tracturis.	194
De fumigationibus membrorum contracto- rum.	196
De balsamis quibus & contracturę curan- tur.	197
De arcanis & alijs contracturarum medica- mentis.	200
Conclusio de contracturarum curis.	203

*FINIS.*



# INDEX CAPITVM LIBRI

*de Apostematibus Paracelsi.*

De communibus apostematibus ex sanguine prouenientibus.	206
De Antrace.	209
De Cancro.	211
De Noli me tangere, praua lentigine vel fer- rugine.	212
De Herysipelate.	216
De Fistula.	218
De herpete mordace vel estimonia, vulgò lu- po.	220
De malo mortuo.	222
De Serpigine.	224
De Gutta rosacea.	225
De Morphea.	226
De glandulis vel napta.	227
De hydrophorbia vel lepra expulsa.	228
De Alopecia.	229
De Alcola.	232
De cancrena.	233
De panaricio, pandalitis vel passa.	234
De Asthachilos.	235
De Struma.	237
De polypo.	238
De Ficibus & verrucis hæmorrhoidarum.	238
De Tinea.	240
De Bubone vel bufone.	241
De Cambuca.	242



# INDEX

De Hernia carnofa.	283
De Tétigine obfcura & praua in matrice.	285
De Mola matricis.	289
De Exitura.	291
De Callo.	293
De Porris.	295
De Sclirofi.	296
De Lentigine.	298

FINIS.



# INDEX.

De Varicibus.	244
De Ranula.	245
De Nacla.	246
De Scrophulis.	247
De Vlceribus cauernosis.	249
De Bocio.	251
De Testudinibus vel celsa.	252
De Igne Persico & Pruna.	253
De Cinzilla.	256
De Gibbo.	257
De Elephantia.	257
De scissuris manuum.	258
De pruritu & scabie, deq; sapharis & fursuri- bus.	259
De Formica.	260
De Cosso.	261
De Branco.	262
De Squinantia.	263
De Albora.	265
De Panno.	266
De scissuris siccis.	267
De Moro.	269
De Ragadijs in orificio vuluæ.	270
De Esseris.	272
De Vndimia.	274
De Saphiris.	275
De Fugile, vel fugilico apostemate.	276
De Natha vel Nasda.	278
De Phlegmonibus.	279
De Hernia aquosa vel humerosa.	280
De Hernia ventosa.	281
De	







